


HENNINGI RENNEMANNI,
Jcti quondam & Antecessoris in Academia Erfurtenſi
Celeberrimi,

TRACTATUS
DE
TRANSMIS-
SIONE ACTORUM,


JOH. SCHMIDELIO, J. U. D.
In eadem Academia Electorali Profess. Publ.
Ordinar. & Jurid. Facultat. Assessore,

Denuo editus,

*Notisque & Animadversionibus subitaneis,
quas duo hi Asterisci ** complectuntur,
autus.*




W E T Z L A R I Æ,
Typis & Impensis NICOLAI LUDOV. WINCKLERI.
ANNO M D C C X X I X.



LECTORI BENEVOLO
Salutem!

Antequam Te ad lectionem Libri admittam, in vestibulo mihi paululùm adhuc detinendus es, Amice Lector, ne nescias, quæ Te scire mea interest. Primò non mirum Tibi videatur, cur omissâ Auctoris Præfatione hanc surrogaverim. Videbatur enim mihi Auctor actum egisse, & crambem toties coctam reposuisse, qui eadem ferè ibi repetiit, quæ de Actorum Transmissione sæpius in ipso Opusculo tradiderat. Deinde de consilii ratione celare Te nolui, qua factum est, ut alienis his Commentis nomen meum præfixum, eorumque Contextum Asteriscis identidem, in priore tamen Libri parte frequentius, quàm posteriore, ruptum videas. Offerebat mihi Bibliopola Librum, cuius ajebat toties in Nundinis, desiderati copiam aliquandiu non extitisse, utque illum denuò recenserem, & à Mendis, quibus prior Editio scatebat, purgarèm, rogabat. Suscepto mandato cùm inter legendum deprehenderem, Auctorem hunc, quamvis alioqui solidiorem, quam vulgus solet interpretum, ipsum quoque nihilominus



PRÆFATIO.

non uno loco communes Errores securum, præterea in multis obscurius ac simplicius traditis facem limamque desiderare, Calamum huic applicare coepi. Eum verò postea absolutis à Typographo duabus ferè Plagulis tam intemperantem expertus sum, ut magnitudine Accessionum cum ipso Libro contendere videatur. Quare, ne cum brevitate gratiam quoque suam amitteret Liber, in reliquis ægrè quidem, sed compescendus tamen is fuit, cùm maximè Bibliopola actionem intentaret, si fines mandati longius excederem. Quamvis verò id præcipue in animo mihi fuerit, ut ab Erroribus Typographicis Commentarium hunc liberarem, adeò tamen, dum Prelo subjiceretur, impeditus fui, ut, quæ perlustrare ipsemest desti- naveram, committere aliis necessitate non evitanda adigerer: Quare, si legenti Tibi præter spem Sphal- mata sese offerant, ut benigno eadem corrigas animo, rogo; Vale!



INDEX

* (o) *



**I N D E X
CAPITUM ET QUÆSTIONUM.**

C A P U T I .

Quid, & quotuplia sint Responsa Jurisprudentum.

Questio I. Ecquid vox Jureconsultus rectè sic proferatur, vel scri-
batur.

Q. II. Ecquid Sententiae ex Peritorum in Artibus Artificum Rela-
tionibus, Judiciis, vel Opinionibus latæ, à quibus provocatum
non est, retrahari queant.

C A P . II.

De Personis ad Responsa hæc impetranda requisitis.

Q. I. Ecquid Doctores Juris rectius dicantur Sapientes, quam Pru-
dentes, & ipsorum Consilia rectius Sapientum, quam Pru-
dentum Consilia.

Q. II. Quot Personæ sint ad Collegium Prudentum recipiendæ.

Q. III. A quibus dependeat auctoritas & facultas de Jure respon-
dendi.

Q. IV. Quinam sint & dicantur Scabini in Foro Saxonico.

Q. V. Ecquid Collegia Jurisprudentum possint redargui suspecta à
Litigantibus.

C A P . III.

De Rebus, circa quas est occupatum Transmissionis negotium.

Q. I. Ecquid in rebus claris & planis, item in Sententiis Interlo-
cutoriis usurpetur etiam Transmissio Actorum: quæ repetitur
in Cap. V.

Q. II. Ecquid etiam Facti Quæstionum Controversiæ transmitti
soleant?

INDEX CAPITUM

CAP. IV.

De Forma Transmissionis interna, quæ est in Judicis & Partium Consensu; in qua recensentur aliquot de Jure Transmissionis Actorum editæ Constitutiones Imperatorum & Principum.

Q. I. Ecquid Judex cogi possit ad Transmissionem Actorum invitatus, si Statuto vel More sit illa recepta. Item Cap. XI.

Q. II. Ecquid Causæ protestant justæ, quæ introduxerunt Transmissionem Actorum.

Q. III. Ecquid Judex, ut Christianus & Vir bonus, impedire Transmissionem possit, Litigantibus istius desiderio tactis.

Q. IV. Ecquid Judex alterutram partem tergiversantem cogere ad Transmissionem possit.

CAP. V.

De Forma Transmissionis Actorum externa: in qua de Citatione & Rotulatione.

Q. I. Quid Rotulatio, & unde derivata vox.

Q. II. Ecquid in Actu Rotulationis à Partium alterutra novi quid possit produci, quod Rotulo inferendum.

Q. III. Ecquid Rotulus etiam Partium Sigillis muniendus.

Q. IV. An Rotulatio possit etiam procedere, Partium alterutra, vel utraque absente, si, qui citati sunt, fidei Judicis commendent illam.

CAP. VI.

De Deliberatione & Amandatione Actorum.

Q. I. Non admittuntur Collegia, quæ arguuntur suspecta: quæ Suspicionis Causæ.

Q. II. Ecquid suspectum sit illud Collegium, quod ante in eadem causa, sive ad publicam, sive privatam Requisitionem respondit.

Q. III. Ecquid confidentia Collegia in Rotulatione sint nominanda.

Q. IV. Si inter Partes de Electione non convenire queat.

Q. V. Ecquid in Secunda Instantia Acta ad idem Collegium, quod in Prima Instantia pronunciarat, sint remittenda,

Q. VI. Quod Judex ad Collegium non debeat transmittere, contra quod alterutra Pars est protestata.

Q. VII.

ET QUÆSTIONUM.

Q. VII. Ecquid Pars adversa cogatur admittere illud Collegium, quod altera Pars retulit inter confidentia.

Q. VIII. Quomodo Collegium, quo transmittuntur Acta, fit compellandum.

Q. IX. Ecquid liceat Collegio præscribere, ad quæ puncta sit respondendum aliis prætermisso, vel quid sit in Actis præcipue spectandum.

Q. X. Ecquid Responsum etiam sine Actis per nudam petatur Epistolam.

CAP. VII.

De Forma rescribendi Responsa.

Q. I. Cui Munus Relationis Actorum in Collegio deferendum.

Q. II. Quis in Relatione Modus observandus.

Q. III. Ecquid Relationi ita fidendum, ut reliqui Jurisprudentes Acta perlegere non habeant necesse.

Q. IV. Ecquid secundum suffragia plura sit concludendum.

CAP. VIII.

De Responsis à Collegio concipiendis, & ad Consulentes remissis.

Q. I. Ecquid Responsum in Forma Sententiæ, vel Epistolice sit formandum.

Q. II. Quomodo Salaria sint estimanda, ut non sint nimis gravia Partibus.

Q. III. Ecquid Judicis vel Partis alterutrius desiderio, si exemplum Responsi secum ante aperturam communicari seorsim petant, Jurisprudentes in Collegio locum dare debeant.

Q. IV. Utrum Collegium Prudentum Acta sibi ad concipiendam Sententiam à Judice cum Partium Consensu transmissa, siquidem super eisdem ab alterutra parte sint ante clam Judice & altera Parte consulti, ad Responsum dandum acceptare, an verò se suspectum prodere, & Acta sine Responso remittere debeat.

Q. V. Ecquid Dies, Mensis, & Annus sint Responsi Clauses inferendi.

Q. VI. Ecquid ad Publicationem Responsi Partes citandæ.

Q. VII.

INDEX CAPITUM ET QUÆSTIONUM.

Q. VII. Ecquid ex Responso sit Sententia excerptenda; an verò Responsum ipsum pro Sententia publicandum.

CAP. IX.

De Sumtibus in Transmissionem Actorum impensis.

Q. I. Quod impensæ Sumtibus utriusque Partis sustinendæ.

Q. II. Si alterutra Pars Transmissionem detrectet præ Sumtuum inopia.

Q. III. Si Judex pro suo solius placito sine Partium Consensu transmittat Acta, quis ferat Sumtus.

Q. IV. Si Pars alterutra remotius urgeat sine justa causa Collegium, quis Sumtus sustineat.

Q. V. Quales & quantas cogantur Expensas solvere Partes.

CAP. X.

De Fine, Usu & Effectu Responorum ad Acta transmissa datum.

Q. I. Ecquid Judices bona fide possint ad evitandam Partium contra se invidiam, & alias molestias declinandas litigantium Acta ad Collegium Prudentum transmittere.

Q. II. Ecquid Responsa Partibus publicata sint instar Sententiae, quæ, si ab illa provocatum non sit, per aliorum Peritorum contraria Responsa retractari non possit.

CAP. XI.


Quo refutantur Paradoxa in genere, quod Judex ad Acta transmittendum cogi nequeat, vel quod Responso parere non cogatur, contra Berlichium & Schraderum.

CAP. XII.

Refutatio Paradoxi primi in specie contra Berlichium & Schraderum.

CAP. XIII.

Refutatio reliquorum Paradoxorum in specie, contra eosdem &c.



DE TRANSMISSIONE ACTORUM JUDICII, AD IMPETRANDUM COLLEGII ALICUJUS JURISPRUDENTUM, IN VIM SENTENTIÆ, RESPONSUM.

CAPUT I.

Quid, & quotuplia sint Responsa Jurisprudentum.



I.
Um Responsa Jurisprudentum non sint uniusmodi, ne generalitate verborum circumveniamur, novisse oportet, quod alia fuerint olim, alia nunc fit Responorum à Jurisprudentibus datorum facies.

2. Responsa enim Prudentum, quorum fuit usus olim, (a) sunt Sententiae (b) & Opiniones (c) corum, quibus permisum erat interrogantibus de Jure (d) respondere. (e)

(a) In Republica Romana, tam ante, quam post constitutam Monarchiam, sed diversimodè, ut post dicetur.

(b) Quando ipsorum Responsa erant ex certis Juris Principiis exstructa.

(c) Quando in ambiguis causis id, quod magis videbatur verisimile, pronunciabant. *Ita Theophilus in *Paraphras. Institution.* Opinione à Sententia distinguit, quem contra Bachovium novissime defendit & sequitur Gerhard. Coccejus, in *Commentar. ad l. 2. §. 47. verb. Respondendi* f. de *Orig. Jur.* Apud Auctores tamen Latinos junctæ hæc voces eandem ferè rem designant, Cicero de *Oratore*, lib. 1. sct. 172. Verum quoniam Sententia atque Opinio mea volvisti esse participes. Atque illis Græcum δόξα pariter respondet, quæ definitur in *Theæteto* οὐδὲ οὐτὶ πρὸς αὐτὴν.

A

(a) Φυχὴ διεξέχεται περὶ ὡν ἐν σοφῶν. conf. Carol. Annib. Fabrott. ad Theophilum dict. loc.*

(d) §. Responſa Prudentum. 8. Institut. de Juri Natural. Gent. & Civil. l. 7. ff. de Jūtiā & Jure.

(e) Vel, ut veteres Libri Manuscripti habent, * teste Giphanio & Jul. Pacio ad dict. §. 8. Institut.* *Jura condere*: quamvis recentiorum apparet senior lectio, censente Myntinger ad hunc locum. * Respondere enim propriè & nār' ἔξοχὸν JCti dicebantur, Plin. lib. 4. Epist. 15. ubi de Javolenio Prisco: *Adhibetur*, inquit, *Consiliis*, atque etiam *Jus Civile* publicè responder. Enimvero *Juris* etiam antiqui *Conditores* vocantur in l. nulla. 23. Cod. de Procurator. l. si furiosi. 25. Cod. de Nuptiis. Sed *Jus* antiquum ibi non Leges Romanas, sed ipsam Jurisprudentiam, veterum JCtorum Libris ante Constantini fere ètatem reconditam, significat, vid. l. si quis. 51. Cod. de Epist. & Cler. juncta l. apud antiques. 21. Cod. de Furtis. Jac. Gothofred. Commentar. ad l. 1. ff. de Régul. Jur. pag. 19.* Quod rectè per πεῦσιν γὰρ ἀνηγούσιν, hoc est, per Interrogationem & Responsem, ut ait Theophilus, fieri potuit. * Formulas Interrogationum & Responseum vide apud Barnab. Brisson. lib. 3. de Formulis & Solennibus Populi Romani Verbis pag. 331.* cùm Formulas Actionum, Cautionum, & aliorum Actuum ex Jure præscriperunt. * vid. Cicer. pro Muran. sect. 28.* vel, ut ipsemet Justinianus id explicat, cùm *Jura* publicè interpretarentur, * ut, quod ex Lege per Prudentum Interpretationem elicitem, perinde habitum sit, ac si in ipsa Lege contineretur. Hinc Cicero pro Cacin. sect. 70. si Peritis non putat esse obtemperandum, non Homines ledit; sed Leges, & *Jura* labefactat. conf. que ad Scotiani Examen scripsimus exercitat. 7. pag. 133.*

3. Quod Jus respondendi datum erat aliquibus, qui *Jurisconsulti* (a) appellabantur, (b) quorum omnium Sententiae & Opiniones magnam auctoritatem (c) obtinebant, adeò, ut tandem Judici (d) recedere ab eorum Responsis (e) non liceret. (f)

(a) Non *Jureconsulti*, ut perperam aliqui pronunciant & scribunt; verum absque ullo probati Auctoris Testimonio. Cùm igitur ratio Syntaxeos repugnet, cum Carisio lib. 1. Sosipatre lib. 1. & Pratejo in Lexico scribendum *Jurisconsultus*, ut *Jurisperitus*: prout hoc etiam Manutius ex Lapidum Monumentis probat. Quod enim ex Cicerone pro Murana profertur, mendosè scriptum præsumitur; cum aliàs idem Auctor frequentissimam hujus vocabuli mentionem faciens nusquam aliter, quām *Jurisconsultus*, scripsérat.

(b) Et.

(b) Et quidem ab antiquissimis temporibus in Republica Romana, etiam Democratica; quamprimum Collegium Pontificum (Gentilium,) penes quos ab initio Sacra hæc latuerunt abscondita, *rationem vide apud Cicer. pro Muran. sect. 64. Anton. Garron. de Orig. Jur. pag. 61.* flore re coepit: * Atquin hoc jam à Numa Rege institui Romæ coepit, Plutarch. in Numa, pag. m. 139. cùm ea Juris Interpretatio compositionem XII. Tabularum demum insecuta sit, dict. l. 2. § deinde. 6. ff. de Orig. Jur.* sed ita, ut parendi necessitas horum Responsis, qua dederunt Scipio Nasica, Luc. Crassus, Quint. Mutius, Serv. Sulpitius, Gallus Aquilius, Trebatius, Tiber. Coruncanius, (qui * primus Juris Professor Publicus* vixit Anne ab Urbe condita CCCCLXXII. * quo cum Publ. Valerio Lævino Consul Romæ fuit *) & alii, non inhaeserit; nec quidquam ante Masuriū Sabinū de horum Responsis in lucem prodierit. * Manifestè contradicit §. 38. 39. 41. & seq. dict. l. 2. Cicer. lib. 2. de Oratore, sect. 224. Gell. lib. 13. Noct. Attic. cap. 18. r2. Neque, quod Pomponius dict. l. 2. §. 47. Masuriū Sabinū publicè primum scripsisse ait, eum habet sensum, quod ante ipsum nullius Responſa in publicum prodierint, sed quod ille primus scripferit ac responderit publicâ Cæsarî Auctoritate, vid. Jac. van der Graef Syntagm. Jur. Publ. ad l. non dubito. 7. ff. de captiv. & postlimin. reversi cap. 1. pag. 7.*

(c) Quæ Augusto imperante demum vigere coepit: * neque tam jam ante Augustum exigua ea fuit, ut vel ex Cicerone dict. Orat. pro Cacin. liquet. Si verum est, inquit Anton. Faber in Jurisprud. Papinian. lib. 1. tit. 2. princ. 9. quod Pomponius scribit, in l. 2. §. 13. ff. de Orig. Jur. non posse Jus constitare, nisi sit aliquis *Jurisperitus*, per quem possit quotidie in melius produci: non potuisse *Jus Civile* in eam dignitatem & amplitudinem crescere, in qua temporibus Augusti Casari fuit, si non maxima jam inde ab initio nascentis *Juris* Authoritas Prudentum fuisset. Planè Augustus vix aliud intendisse videtur, quām ut temeritatem Seculi sui, qua collapsa nonnihil Jurisprudentiæ Auctoritatem multi triduo se JCtos profitebantur, teste Cicer. de Offit. lib. 2. & pro Muran. sect. 28. compesceret, pristinumque decus ei restitueret. Ex quo sane id simul sequi necesse fuit, ut concessa jam à Principe solis quibusdam post abundè probatam *Juris Scientiam* de Jure respondendi potestate haud parum majori fide & auctoritate Responsa eorum pollerent, conf. Anton. Merend. lib. 2. Controvers. Jur. cap. 4.* qui certis quibusdam *Jurisconsultis* in hoc Collegium adscitis hanc auctoritatem dedit, ut Responſa petentibus signata, hoc est, Sigillo firmata darent; * Quod Sigillum Symbolum erat Fidei & Auctoritatis, ad quam eos testimonium Principis exēxit. Quò alludit Seneca, de Benefic. lib. 7. cap. 16. Fortè hinc originem

ginem duxit consuetudo illa, qua adhuc Doctores Juris recens creati in Solemni Panegyri Annulis Aureis ornantur, vid. Guidon. Panciroll. lib. 1. *Thesaur. variar. Lection. Jur. cap. 23.** quæ ab eo tempore ultra CC. Annos usque ad Alexandri Severi ætatem (quæ incidit in Annum Christi CCXXVI.) floruit: * cui omnes penè Papiniani Discipuli, quorum Rescriptis maximam sui partem Digesta constant, à Consiliis fuerunt, teste Lampridio. Neque ulterior ætas alium ejusdem classis habuit, præter Modestinum, tempore proximè secuto Gordiani, vid. Jac. Gothofred. in *Manuali Juris cap. 7.** donec suppressis JCtis respondendi de Jure Auctoritas ad Imperatores revocata fuit. * Quod jam olim molitus erat Caligula, teste Suetonio, cap. 34. cujus loci ἐγνώσθε Scaligerianam vide ibi in *Commentariis Isaaci Casauboni*. Ita verò de Jure respondendi Auctoritas ad Imperatores transit, non quod ipsi jam de Jure respondere inciperent; id enim nuspia ipsi tributum constat; sed quod fracta JCtorum Auctoritate in dubiis Juris Quæstionibus tantummodo *Rescripta à Principibus* peterentur. Quæ verò res usque adeò tandem ipsis oneri esse cœpit, ut etiam huic consulendi licentiae frenum injiciendum fuerit à Justiniano in *Novell. 113.**

(d) Quod de Pedaneis tantum & ejus generis aliis minorum Gentium Judicibus accipiendum. *Et quidni etiam de aliis? Maximè, cùm Judices Pedanei de facto duntaxat deque Jure certo cognitionem haberent, vid. Jac. Rævard. *Protribunal. cap. 11.* Vultej. tract. ut. posthum. de *Judic. lib. 1. cap. 4. num. 9.* adde Desider. Herald. *Animadversion. contra Salmas. lib. 5. cap. 14.**

(e) Quæ non ipsis Auctoritas ab initio constitit, sed deinceps Constitutione Theodosii in *l. unic. Cod. Theodos. de Respons. Prudent.* invaluit; quod tradit Donell. in *Commentar. lib. 1. cap. 8.* Quæ tamen non ita crude & simpliciter statuenda, sed de re tantum illa, super qua responsum erat, ut illud non præjudicaret aliis, censente Wesenbec. & Hottomann. *Institut. hic;* & ne liceret temere ac privatâ auctoritate ab illis recessisse. *Puto, hæc vera fuisse ante Constitutionem Theodosii, ut *Responsa Prudentia*, qui publicum Artis suæ à Principe habebant testimonium, in his tantummodo causis, in quibus interrogati erant, Jus hactenus facerent, ne temerè ea in judicando contemnerentur. Ea enim & veterum ante Augustum auctoritas fuit, ut ex Cicerone probavimus. Et Lege Theodosii ea vis Scriptis quorundam JCtorum accessit, ut, quod vel omnes, vel major, vel, pari utrinque dissentientium numero, ea pars probaverat, à qua stabat Papinianus, pro Jure Communi ac instar Legis haberetur. Ita enim Theodosius dict. *l. unic. Papiniani*, inquit, *Pauli, Ulpia-*

*Ulpiani atque Adiectini Scripta universa firmamus. Eorum quoque Scientiam, quorum Tractatus atque Sententias predicti omnes suis Operibus miscuerunt, ratam esse censemus, ut Scævola, Sabini, Juliani atque Marcelli, omniumque, quos illi celebrarant. Ubi autem diversa Sententia proferuntur, potius numerus vincat Autorum, vel, si numerus equalis sit, ejus partis præcedat auctoritas, in qua excellentis ingenii Vir Papinianus emineat. Pauli quoque Sententias semper valere precipimus. Ex quibus simul patet, neque id necessarium fuisse, quod sub *lit. f.* requirit Auctor, ut omnes unanimi consensu in eandem quæstionem convenerint, vide omnino Jac. Gothofred. *tom. 1. Commentarior. in Cod. Theodos. ad dict. l. unic.***

(f) De quo tamen & ipso multi dubitant; nisi de omnium unanimi consensu, in eandem quæstionem convenientium, hoc intelligi potuerit, ut post Connanum, Bolognetum, Salomonium censet Petr. Heigius, *Institut. hic*: vel nisi de his tantum hoc capiatur Responsis, quæ sunt à Justiniano in Pandectas relata.

4. Verum his posteà cum toto Jure Justinianeo suppressis (a) et si illud (b) tandem *D. Lotharii II. Saxonis Imperatoris Germani* virtute in aliquam revocatum lucem (c) fuit; ad pristinam tamen Auctoritatem Responsorum conditio nunquam (d) rediit.

(a) Longobardorum, & aliorum Populorum in *Italiæ* irruentium violentia. *Imò non tam violentiâ, quod Populis his frustrâ vulgo imputatur, quam propriâ indigenarum incuriâ vel desuetudine. Equidem Luitprandus, Gentis Longobardicæ Rex, expressè constituit, ut Uxores lege Mariti viverent, Romani Romanâ, Longobardi Longobardicâ, ut est in *lib. 2. Legum Longobard. tit. 2.* In eaurundem *Legum Procerio* testatur etiam Carolus Magnus, in Italia Romanam se pariter, ac Longobardicam Legem invenisse. Quæ verò Juris Romani violenta suppressio si de ea parte Italizæ, quam Longobardi occupatam tenuere, probari nequit; quantò minus credi potest facta in iis Provinciis, quæ à iugo Longobardico subinde liberæ manserunt, vid. *Can. 13. distinct. 10.* Neque tale quid unquam sub Francorum in Italia Imperio contigisse constat. Videantur enim, quæ Carolus Sigonius retulit ad Annum Christi MVII. *lib. 3. Histor. de Regn. Ital. pag. m. 188. edit. Wechel.* Sanè Ivo Carnotensis proximè ante Lotharium Saxonem Epist. 280. *Novellarum meminit, que commendet ac servet Ecclesia Romana.* Non ergò vim toti Juri Romano unquam directè oportet fuisse illatam. Enim verò cùm Victores ac Domini Italizæ Jure suo peculiariter uterentur, Legumque Romanarum observationem arbitrio Subditorum permetterent, uti in primis constat ex Statuto Lotharii I. *lib. 2. Legum Longobard. tit. 57.* nihil mirum, quod pau-

latim ultrò evilescente ejus Juris auctoritate, infrequentior Constitutio-
num Romanarum, vix aliquis Pandectarum, quarum insuper rarissima
tum Exemplaria, usus tandem superfuit.*

(b) Cùm per Annos jacuisset obrutum D.C. *Computato tem-
pore à prima Longobardorum in Italiam, Duce Alboino, facta irrup-
tione ad Imperium usque Lotharii.*

(c) Quæ tandem circa Annum Salutis MCXXX apparuit. *Appa-
ravit certè, sed dubium, an virtute consiliove Lotharii. Audianus cā
de re doctissimum è nostratibus Theologum, Georgium Calixtum, qui
in *Compendio Theologiae Moralis*, tit. de *Legibus*, pag. m. 112. *Invaluit*, inquit, *hodie*
opinio, *auctoritate jussuque Lotharii*, quem & Luderum vocant *Helmoldus & Albertus*
Stadenis: *Justinianeum Ius in Scholas & Forum revocatum fuisse*. Sed id nemo veter-
rum mili Lectorum vel verbulo innuit, nedum assérit. *Otto Frisingensis*, *Imperatorum*
Henrici IV. è *Filia Neps*, *Curradi III. Frater*, *Friderici Abenbarbi Patruus*, qui
et ipsā etate vixit, *geminam Lotharii in Italiā expeditionem commemorat*, *Histor.*
lib. 5. de Wernerō. & *Jure veteri revocato* s̄dē ȳs̄ rem tantam & adeò memorabi-
lem utique non præteritum, si ita, ut creditur, sc̄s̄ haberet. Tantundem Dodechinus,
Robertus de Monte, *Helmoldus*, *Albertus Stadenis*, *Gobelinus*, *Vincentius*, *Antoninus*,
Blondus, *Trithemius*, *Volaterranus*, *Egnatius*, *Sabellicus*, *Nauclerus*, *Cuspinianus*.
Adde, quod nec *Centuriatores Magdeburgici*, nec *Cardinal. Baronius*, qui omnes Plu-
reos, omnia *Scrinia excusserunt*, ullam ejus rei mentionem faciant. In sequentibus
ad fontem communis erroris Lectorem suum deducit, quem putat me-
moriā lapsū aperuisse Melanchthonem, qui in *Chronico suo*, quod
circa ætatem Lotharii contigisse apud Abbatem Urspergensem legerat,
ipſi Lothario sive per incuriam, sive, quod Lothario faventior esset,
accepto tulerit. Cæterū veram reduci translatique Juris Romani in
Scholas & Fora Italie ac Germaniae Historiam operoſo ſtylo conduxit
D. Conringius, *tractat. de Orig. Jur. German. cap. 23. & 32.* quem hic vide.*

(d) Quamvis enim in Digesta à D. Justiniano relatis Juriscon-
ſultorum Responsis sua remanferit hucusque Juris inviolata Auctoritas.
*(hoc fortasse nimium est dicere, præſertim in Germania. Neque enim
cum toto Jure Justiniano aliam haec tenus obtinuerunt Juris Auctorita-
tem, quam quatenus eam usus Fori ipſis conciliavit, vid. *Conring. dig. loc. cap. 23.*)* ad aliorum tamen Responſorum ſplendorem, ut vim Legis
obtinerent, hoc axioma non tranſiit. *vid. *Anton. Fabr. dict. princ. q.*
*ellat. 3.***

5. Missis igitur illis, & quamvis ab Annis Ducentis post iu-
ſauratam denuo Jurisprudentiam lapsis nova quæpiam Respon-
ſorum

ſorum facies (a) apparere cœperit, cujus in Italia potiffimus, &
non infrequens in Germania ſuccurrit uſus; magnum tamen inter
hac etiam diſcriben animadverti debet, quod neglectum (b) mul-
tis erroribus (c) causam hucusque p̄abuit.

(a) Circa tempora Dyni, Cyni, & Coætaneorum.

(b) Negligitur autem à Doctoribus de hac materia commentanti-
bus plerisque omnibus: quoad verba nimirum, non quoad rem ipsam;
quam toties profitentur, quoties ad unum omnes cujusdam Transmis-
ſionis Actorum mentionem fecere, quæ Statutis vel Moribus sit intro-
ducta; quam à reliquis accuratissimè diſtinguita eſſe, omnino necel-
lum erit.

(c) Qui post apparebunt.

6. Eſt enim hujusmodi Responſorum modernorum genus (a)
aliud vulgare, aliud verò ſingulare vel ſolemne.

(a) Cujuſ quidem diſtinctionis, quoad verba, nullum Auctorem
inveni hucusque; docendi tamen gratia verba ſunt invenienda, quibus
diſtinctio hæc exprimatur, quæ eſt in re ipſa. *Eſto! ἐνταθήτω γάρ
τέο τέομα διαλέγεθαι, inquit Aristoteles lib. 1. Topic. cap. 24. Et pertinet
huc iulld Augustini in Rhetoricū: Ut multa nova tam à Technicis & Mathema-
ticis, quam à Philosophis cognominantur, accipere debemus non tam pro ſolito uſu Con-
ſuetudinis, quam pro conditione Precepti.*

7. Vulgare eſt Responſum, quod interdum à Jurisconsultis
expetunt pro ſui Informatione (a) vel Partes litigantes, vel quan-
doque etiam Judices ipſi; ſed quod aliis nullis eſt Juris (b) viri-
bus (c) inſtructum.

(a) Nulli enim alii Responſa hæc uſui inſerviunt, quam quod ani-
mum Interrogantis de litis ſua bona vel mala fiducia crudire queant,
*ut probabilem Judicio experiendi cauſam habuisse videatur: ἔδοξεν enim
id quoque dicitur Philoſopho, lib. 1. Topic. cap. 1. & Ethic. lib. 10. cap. 11. quod
videtur excellentioribus. Atque hinc existimat Guido Papæ Decif. 277.
non posse Victim in Expensas condemnari, ſi celebrem quendam Ju-
risconsultum ſibi adſtipulantem habuerit, conf. Ernest. Cothmann. vo-
lum. 5. Responſ. 38. num. 1. & ſeqq. Carpzov. Juriprud. Forenſ. part. 1. conſtitut. 31.
definit. 27. num. 5.**

(b) Nimirum, ut ejusmodi Responſa *præſertim quoad princi-
pale litis objectum* nemini, neque Judici, neque adverſe Parti præju-
dicio

dicio sint, vel esse possint: præterquam quod vel Judex, vel Partes exinde se, quid de summa rei statuendum sit, informare queant, ut parlo ante dictum.

(c) Quæ princeps est hujus à singulari differentia.

8. Quod iterum est vel *Consilium*, vel *Responsum* in specie dictum.

9. *Consilium* est Responsum, latissimè per varias dubitandi, decidendi & refutandi Rationes, insertis passim Juris Allegationibus & Testimoniis (a) interroganti, à Jurisperitis quidem semper, sed quandoque privatis, (b) datum.

(a) Et hæc plerumque est Consiliorum datorum forma folemnis, magis ad pompam, quam utilitatem comparata, *magisque ferè amore lucri & corum, qui ea petunt, quam veritatis studio; aptata *reitigatio* sibun, vid. Joh. del Castillo de *Usufructu*, cap. 41. num. 8. Just. Oldenkop. *Observat. Criminal.* tit. 1. *observat.* 9. num. 6. & 7. Unde majorem Decisionibus, quam Consiliis JCTorum fidem haberi, volunt Ventura de Valentis in *Parthen. litigios.* lib. 2. cap. 5. num. 30. & seqq. Hartm. Pistor. lib. 3. quest. 20. num. 25. conf. Laurent. Kirchov. in *Epist. Dedicat.* Tom. 4. *Consiliorum* 7^o Ctor.*

(b) Hoc est, quibus publica de Jure respondendi potestas concessa non est, utut graduum honoris insignibus plerumque sint exornati. *Qualis quidem nostro ayo fuit Celeberrimus ille Casparus Klock, apud Illustrissimum Comitem Stolbergensem non ita pridem Cancellarius, qui non tantum privatos, sed sèpè ipsos etiam Judices, quomodo in arduis Controversiis Sententia ferenda sit, Consilio cum Rationibus dubitandi & decidendi instruxit; prout ex Voluminibus Consiliorum suorum in lucem editis passim apparent. Bene tamen monet Carpzov. in *Process. Jur.* tit. 16. artic. 1. num. 31. ne facile Judices unius Doctoris auctoritatem in pronunciando sequantur.*

10. *Responsum* in specie, est Responsum in forma Sententiaz (a) petentibus ab his, quibus est parata respondendi de Jure facultas (b) subsignato (c) plerumque (d) brevibus verbis (e) sed fine cuiusquam præjudicio conceptum.

(a) Ita quidem, ut non sit Sententia, sed quoad verborum externam figuram Sententiaz imaginem repræsentet. Unde vulgo, qui hoc imperant, petunt, ut concipiatur Responsum in forma Sententiaz: ill Forme eines Urtheils: quæ una est hujus à Consilio differentia.

(b) Vel

(b) Vel qui illam sibi quovis modo arrogant, sive privatum, sive publicē.

(c) Hoc est, publicæ auctoritatis Sigillo. *Sed an id etiam habere possunt, qui privatim sibi vindicant de Jure respondendi potestatem: an forte non satis penetra, quid sibi hec velit Auctor?*

(d) Non enim hoc semper obtinet. Ut autem obtineat, vulgo petitur ab Interrogantibus, ut Responsum detur Sigillo munitum: eis verschlossen Urtheil. Quamvis enim possit etiam Consilium, si ab his, qui auctoritate publica præmuniti sunt, datum sit, Sigillo firmari publico, non tamen hoc est necessum, cum in his ponderetur, non, quis dederit, sed quid datum sit; hoc est, quas ille decidendi Rationes habuerit, & quibus in contrarium adductas refutarit, quicunque illius Auctor demum fuerit, *cum in Responsis magis videamur sequi Auctoritatem Consilientis.*

(e) Quæ differentia est alia: cum Consilium per multas ambages & Juris Allegationes in primis variorum Doctorum & Opinionum Auctoritates sèpè otiosas & tædiosas dilatetar; hæc verò Responsa brevibus sint verbis contracta. Nisi quandoque Consultor petat, ut Rationes dubitandi, & in primis decidendi, breviter inferantur.

11. Etsi enim utrumque tam Consilium, quam vulgare Responsum non in alium finem, quam ut sive Judicem, sive Litigantes informare, hoc est, Rationes ipsorum circa Controversiæ Statum instruere possit, impetrari solet, & neque Judici, neque Litigantibus (a) præjudicet;

(a) Quod Responsi genus Itali verè solum & pauci ex aliis agnoscunt: Et quamvis aliud per Leges & Mores pluribus in locis introductum concedant omnes; hujus tamen oblii, gravissimo & pudendo errore alterum cum altero confundunt.

12. Hoc posterius tamen vulgo *Informatum* (a) in specie dici hodiè, & plerumque ab his, qui auctoritatem de Jure respondendi publicam (b) habent, impetrari consuevit.

(a) Ein Informat oder Belehrungs-Urtheil.

(b) Ut sunt Facultatis Juridicæ in Academiis Collegia & Scabiniatus.

13. Quod seorsim vel a Partibus litigantibus, sive Actore, sive Reo, (a) pro cuiusque privato usu; vel ab ipso Judice, (b) sed utrumque ex libero cuiusque arbitrio obtineri solet.

B

(c) Hunc

(a) Hunc potissimum usum habens, ut partis litigio involutum, ecquid contendere, hoc est, vel agere, vel contra agentem insurgere; an verò cedere, hoc est, à lice abstinere velit aut possit, serio admoneat.

(b) Ut, ne quid contra æquum ac bonum in dicenda Sententia statuat, ex hujusmodi præjudicio suas Rationum Meditationes instruere queat.

14. Cujus alioquin usus neque Judicii, nisi sponte sua velit, (a) neque parti adversæ, si contradicat, (b) præjudicare potest.

(a) Quia ipsius Officio incumbit, ut super Actis coram se producatis secundum suam ipsius Conscientiam ita judicet, ut ex Legibus, Constitutionibus, & Moribus observare illud potest, princ. Institution. de Officio Judicis. * ubi vid. Arnold. Vinn. num. 5. conf. Cardinal. de Lugo tom. 2. de Justitia & Jure, disputat. 37. sect. 4. *

(b) Cum illud ad partem vel Narrata nuda solius partis alterius pro suo placito, sive vera, sive falsa sint, impetratum esse appareat. * De qua callida genuinæ veritatis suppressione jam suo tempore questus est, Tiber. Decianus in *Apolog. contra Alciat.* in fin. cap. 21. Eandemque hoc ferè consilio fieri observat Oldekop. dict. loc. ut, si Pars ex Voto aliquot Collegiorum Responsa clancularie hoc pacto impetraverit, in Termino Inrotulationis contra reliqua omnia ex fictis causis protestetur, sive que adeò necesse fiat, ad unum ex Consultis, quæ sibi jam propitia reddidisse confidit, Acta transmitti. Sed cordati Viri non erubescunt, alia in Actis visa Status Controversi facie præsentem Conscientiam sequi, fraudemque sciscitantis frustrata spe coercere; ut non semel in nostro Collegio factum memini. *

15. Quamvis enim in Judicis sit beneplacito positum, ecquid Prudentes Sententiam latus in Consilium adhibere pro se, non requisitis Partibus, velit, ut ipsorum Judicia explorare, & suum eo certius instruere possit.

16. Nullo tamen ad hæc ita est adstrictus modo, quo minus illa pro suo arbitrio emendare, mutare, vel ab illis prorsus recedere, & in quamvis aliam ire Sententiam queat. * Quam tantum abest non subsistere, Joh. Vaud. lib. 1. quest. 10. ut etiam Judex, qui ejusmodi consilium sequutus male judicavit, litem suam fecisse existimetur, Hieron. Schurf. centur. 1. consil. 29. num. 3. 4. & 10. *

17. Quo

17. Quo spectant etiam opiniones illorum, qui in suis Scientiis Artifices periti vocari solent; quorum sæpe solent Judicia, in Controversiis, potissimum Mechanicis, inquire. Quibus tamen ita stari (a) non solet, ut non retractari vel emendari (b) ante Sententiam (c) possint.

(a) Quamvis enim illud vulgo tritum sit, quod perito Artifici in Arte sua credendum sit: cuiusmodi sunt Medici, Chirurgi, Architecti, Fabri, Pastores Pecudum; * vid. Sigismund. Finkelthaus. Observat. Pract. 61. num. 9. & 10. * quia tamen hi certas Leges, quibus innitantur, non habent; sed ex crudelitate, & opinione tantum, quid probabilius sit, proponunt. *(verum id nequaquam semper vitium est Artis, sed plerumque Artificis. Quid, quod accurate loquendo Artificis nomen tum non mereatur, quando ex certis ac universalibus Principiis de objectis singularibus Artis sua judicare nescit. Nec frustra Medicina, Architectonica, &c. Aristotelii episcopiar. montingi, Scientia effectrices audiunt lib. 11. Metaphys. cap. 6. & 7. vid. Conring. tractat. de Civili Prudentia, cap. 9.) * idcirco neque Judex, neque Partes his alligari debent. * Maximè, ubi conditio rei certitudinem vix admittit, ut, si de qualitate Vulneris vel Virginitatis fuerit quæstio, Cap. causam. 14. X. de Probation. Atque hujusmodi Sententiam usque adeò non præjudicare Parti, ut nec à Judice confirmata, licet Appellatione non suspensa, vires Rei Judicatae consequantur, censet Dn. Brunnemann. in Process. Civil. cap. 27. num. 65. secus, quam Auctori nostro & Carpzovio visum, in Process. Jur. dict. tit. 16. artic. 1. num. 39. *

(b) Si nimis Judicis Conscientia aliter instrui possit, ex rationibus ab Artifice magis perito prolatis, vel aliter repertis. Ita tamen, ut in dubio casu, et si nihil certius deponi queat, ut litium suis fit aliquis, horum Artificum probabilibus opinionibus stari debeat; maximè, si Partes in illorum placitis acquiescant; & ipsi Artifices illa suis Sacramentis desuper præstitis confirmatione: de quibus videatur Berlich. part. 1. conclus. 59. num. 30. cum seqq. Ruland. de Commissar. part. 1. lib. 4. cap. 11. 12. 15. 16. 17. 19. 20. 21. 22. 23.

(c) Dicta enī si Sententia ex his Artificum scitis jam sit, quæ in Rem Judicatam transierit, illi merito stari, nec illa post, etiam si aliorum opiniones contrariae supervenerint, retractari debet, quod infra plenius patescat, Cap. XIII. num. 5.

18. Singulare vel Solemne Responsum est, quod Judex ex superioris sui iussu (a) vel permissu, (b) vel etiam pro More aut Statuto Civitatis (c) cum Litigantium placito (d) ab his, quibus est (e)

B. 2.

illa respondendi licentia data (f) sic impetrat, ut, quod exinde Responsum datur, (g) Sententia vim sive aequum sive iniquum videatur, indubitatem (h) habeat.

(a) Expresso.

(b) Qui tacitus est quasi jussus. *Certè hoc loco, quo conditio objecti non repugnat. Tum enim verum est, quod vulgo dicitur: qui non vetat, cum possit, jubet. Alioqui etiam permitti possunt, quæ juberi nequeunt, vid. Ludov. Molin. tom. 3. de Jusit. & Jur. tractat. 5. disputat. 46. num. 26.*

(c) Quæ frequentissima his nostris est in oris. *Cujusmodi Statuti meminit etiam Joseph. Mascard. volum. 1. de Probation. conclus. 418.*

(d) Plerumque expresso, quandoque etiam taceri: sine quorum alterutro omnis est ipso jure nulla Transmissio.

(e) Ut differant hæc ab his, quæ à peritis Artificibus dari quandoque solent, quibus publica respondendi licentia non est concessa.

(f) Quæ semper Personæ debent esse publicæ.

(g) Quæ unica & summa est omnium reliquorum Responsorum ab hoc jam definito differentia. Et hæc est illa Transmissio, vel hoc Responsi illud genus, de quo Bocerus, Doctor Juris sincerissimus & omnium optimus in class. 6. disputat. 3. thes. 4. his verbis: Hodiè Magistratus Civitatum (addo, & Aularum, Dicasteriorum, Praefectoriarum) ex Statuto vel Moribus super lite dubia Jurisperitos, quibus Acta Judiciaria domum mittunt, consulere solent.

(h) Quamvis enim idem Author paulò post thesi 10. subdat, quod *Judices hoc Consilium sequi non teneantur*: notabilem tamen hanc annexit limitationem: nisi Statutum requirat nominati, ut *Sapientis Consilium sequatur*; quo casu si *Judex secundum illud non pronunciet*, ipso jure nullu censeri debeat.

19. Quod cum his in oris, in primis per Saxoniam utramque, Westphaliā, Turingiam, Misniam, Franconiam, imò per totam fermè sit Germaniam (a) plerisque (b) in Judiciis frequentissimum; reliquis omnibus prætermisis, de hoc agere solo decretum.

(a) De quo testis est locupletissimus Dn. Bocerus, dicto jam loco.

(b) Dico, plerisque; quod non omnino in omnibus hic mos observetur locis; cum Judicium hīc apud nos Moguntinum ita sit hoc in casu rigidum, ut ne quidem Partium alterutri solicite petenti Transmissionis beneficium concedere velit, exceptis Causis Capitalibus, in quibus aliquando Parti alteri petenti id concessum memini. *Imò mihi etiam in Civilibus majoris momenti impetratae ibi non semel Transmissionis recordatio subit.*

20. Et

20. Et quidem per partes quatuor, quarum *Prima de Personis*, ad hoc impetrandi Responsi negotium requisitis; *Altera de Rebus*, super quibus impetrari Responsa possunt; *Tertia de Modo*, cum petendi, tum dandi Responsa; *Quarta denique de Fine, Usu & Effectu* impetrati alicujus Responsi, cum Refutatione Contrariorum.

CAPUT II.

De Personis ad Responsa hæc impetranda requisitis.

I.
Personæ spectantur hic in differentia duplice; ut aliae Respondentis operam impendant dandis, aliae vero eisdem pertendis.

2. Prioris generis sunt *Prudentes*, (a) qui debent esse Viri & Doctrinæ, tam Philosophicæ, (b) quam Juridicæ, & Virtutis (c) Splendore cumprimis conspicui: cùm ab Animi & Corporis Sensibus (d) integris à Natura per ætatem bene instructi, tum ad Collegii cuiusdam Juridici Consortium Auctoritate publica legitimè cooptati; etiam si illius, cujus (e) causa est, qualitatis non sint.

(a) Syncedochicè, & nat' ἐξοχήν sic dicti: *C. Plinius Jun. lib. 4. Epist. 10. ubi quæstio dubia ex Testamento Sabinae sibi mota esset: Consulti, inquit, cum Prudentibus.* In specie *Jurisprudentes*, *Jurisconsulti*, *Jurisperiti** Inter quos tamen posteriores, *Jurisconsultum* & *Jurisperitum*, discri- men assernit Dn. Conringius, hoc nomine publico Programmate perfractus à Joh. Ottone Tabore: vide illius Epistolam, quam *Operi de Finibus Imper. German.* adjecit. Cæterum, nō fallor, non tanti fuit ea lis, ut propterea Viri Clarissimi non magis famæ suæ parcerent.* Germanicè die Rechts-Gelehrten / Rechts-Verständigen / pro qua voce placuit Italis & Feudorum Doctoribus nomen *Sapienti*: unde frequens est apud ipsos mentio *Collegii Sapientum*; sed perperam secundum communem loquendi usum, quo vox *Sapientiæ* pro quavis præstanti cognitione, præsertim earum rerum, quæ homini agendæ sunt, venit, Aristotel. lib. 1. Magn. Moral. cap. ult. l. 2. §. 38. ff. de Orig. Jur. Conring.

de Civili Prudentia, cap. 9. pag. 171. & 184. Sed, dum *ἀριστοτελεῖαν* sectatur Auctor, non parum fallitur. Propriè enim & sensu Aristotelico Sapientia ne quidem explicari potest per Theoriam Praeceptorum Juris, cum illi potius sit *ἐπισήμη τῶν τυπωτάτων*, seu Scientia Rerum sublimiorum, quam sunt Actiones humanae, lib. 5. Ethic. cap. 7. Et confunditur Sapientia cum Scientia, quae demum etiam est *τὸν πρακτινὸν*, quatenus scilicet eorum veritatem ac certitudinem ex solidis Principiis Practicis demonstrat, in quo tamen, ut rectè monet Auctor, non acquiescendum, sed opera danda, ut hæc ipsis Actionibus Civium prudenti applicatione exprimantur. Quedem erit prudentis ac veri Jurisconsulti, quem sane oportet toto illo Instrumentorum apparatu instructissimum esse, quæ ad omnis Prudentiae perfectionem requirit Philosophi, diff. lib. 6. Ethic. cap. 8. & seqq.* Licet enim Jurisconsultus nemo queat esse, nisi sit idem Sapiens; cùm ex Sapientia, hoc est, Theoria Praeceptorum Juris, eorundemque scientia vel notitia dependeat de Jure Consultatio, hoc est, Praxis & Usus Forensis; quia tamen summus Jurisprudentia præfixus & ultimus finis in Praxi, hoc est, Justitia rectè administranda consistit; *vide, quæ notavimus in Exegesi Scotan. dissertat. 1. pag. 1. & seqq.* in qua ut universalia Sapientia Juris Praæpta ad singularia Fori negotia applicentur, sola Prudentia ferè paginam utramque facit, adeò, ut frustra tradatur Juris Scientia, hoc est, Sapientia, nisi ad illam Prudentia accedat; & plus faciat sine Doctrina Prudentia, quam sine Prudentia Doctrina, ut Quintilianus Institution. Oratoriæ. lib. 5. cap. 6. in fin. rectè judicat; idcirco Papinianum secuti in l. 7. ff. de Justit. & Jur. & l. 1. ff. de Legibus. & Justinianum ipsummet dicit. §. Responsa, Jurisconsultos potius prudentes, quam sapientes; & hanc nostram Commentationem potius de Responsis vel Consiliis Prudentum, quam Sapientum indigitare fuit animus.

(b) Cujus in primis Jurisconsultus debet esse studiosus, quia Philosophiam & hanc quidem veram, non simulatam affectare debet, judice Ulpiano l. 1. §. 2. ff. de Justit. & Jur. * De hac vera Jurisconsultorum Philosophia vide, quæ peculiaribus Tractatibus scripsere Francisc. Jul. Chopius, Ludov. Malquytius, Bernh. Schultz. & novissime Johan. Brandes, Amicus noster.*

(c) Quia debent honestè vivere, æquum ab iniquo separare, licitum ab illicito discernere, teste eodem Ulpiano dicit. l. 1. & l. 10. ff. cod. ut ab his exterminari debeant Infamia conspurcati. * Unde Lege Longobardica lib. 1. tit. 31. & lib. 3. tit. 47. Scabini esse non poterant famosi Criminis damnati, conf. l. neque. 2. Cod. de Dignitat. & ibi Doctores. Cap. Infamibus. de Regul. Jur. in 6to.*

(d) Item

(d) Item Muti, Surdi, Cœci, Minores, & id genus alii, ad hanc Provinciam sustinendam inepti.

(e) Scilicet, ut ejusdem qualitatis sint Jurisprudentes, cuius vel causa, vel Litigantes fuerint, necesse non sit; cùm de Feudalibus (exempli gratia) Controversiis cognoscere & judicare Prudentes possint, etiamsi ipsem non sint Vasalli, vel Feudorum Domini, Schrader. de Feud. part. 10. sect. 14. num. 13.

3. Quod Collegium (a) (ad cuius substantiam requiruntur saltim tres, (b) si non (c) plures) constituunt non alii, quam Jurisconsulti, qui vel in Dicasteriis (d) Summis (e) sunt, partim Nobilitate Generis, (f) partim Juridici Gradus majoribus (g) insignibus conspicui.

(a) Quod est coordinatio Personarum honestarum plurium, quorum Officium ad id, quod Utilitati Publicæ conducit, expediendum, est directum.

(b) Per l. 85. ff. de verbor. significat. Si spectemus ipsum, quod ex pluribus coalescit, corpus, * quod scilicet non nisi per tres minimum constituitur. Per unum tamen conservari posse, verius est, l. sicut. 7. §. fin. ff. quod cujusque Universitat. nom. Grot. Annotat. ad lib. 2. de Jur. Bell. & Pac. cap. 5. num. 20. usque adeò, ut Sententiam hoc casu etiam ab uno Consultore latam valere velint Doctores, Hahn. ad Wesenboc. Paratitl. Pandect. dict. tit. num. 2. Nicol. Loffæus de Jur. Universitat. part. 1. cap. 1. num. 30. & seqq. vide tamen Grot. dict. loc. cap. 9. §. 4. in fin. * cum alias Officio spectato illorum, qui pares in illo sunt, alter sit Collega alterius.

(c) Quod plerumque evenit in hoc negotio, ut non modo quinque, * qui numerus nostri Collegii Statuto confirmatus, * plerumque septem, vel octo, sed etiam decem, imò ultra XII. etiam plures in aliquibus Collegiis reperiantur. Testis enim est Mendochius, quod in Collegio Juridico Academiæ Patavinæ XX. Collegæ numerentur, neque hoc optima ratione caret. Firmius enim reputatur Judicium plurimum, quam unius, & magis præsumendum pro Consilio alicujus Collegii, quam pro Consiliis particularibus, cùm facilius inveniatur, quod à pluribus queritur, teste Gailio lib. 1. observat. 33. num. 3. * Sicut enim in Facti questionibus id pro vero habetur, unde plures maximeque idonei stant Testes, ita Sententiarum eæ sequendæ, quæ plurimis præstantissimisque nituntur Auctoribus, Aristides in Oration. de Concordia ad Rhodios.*

(d) Hoc est, Locis & Collegiis, in quibus pro Controversiis inter Subditos universi alicujus Regni, vel totius Provinciae finaliter dirimen-

mendis, Jus dicitur, publicè constitutis, *vid. Petr. Heig. lib. i. Illustr. Quæst. 10.*

(e) Hoc est, ab Imperatore vel Principibus Imperii, qui ab illo Regalia possident, institutis. Cujusmodi sunt Camera Imperii, Dicasterium Lipsiacum, Wittebergense, Jenense, Coburgicum, Brunsvicum, Hassiacum, & Principum Imperii aliorum Cammer- und Hof-Gerichte.

(f) Die Adelich-gebohrnen Stammes und Stands sind / vel, ut loquitur Ordinatio Cameræ part. i. tit. 1. Alius der Ritterschafft.

(g) Qui Docturae vel Licentiae Honoribus in Academiis, quæ hinc facientibus sunt Privilegiis ab Imperatore donatae, sunt exornati, *hunc ipso Nobilitati, vid. Theodor. Reinking. lib. i. de Regim. Secular. & Ecclesiast. class. 5. cap. 11. num. 54. & seqq. Andr. Tiraquell. tractat. de Nobilitat. cap. 5. num. 3. & seqq. Quibus Nobilibus jam veterum Germanorum Judicia constare oportuit, Leg. Longobard. lib. 2. tit. 52. leg. 24.*

4. Vel in Academiis ex Doctorum (a) Juris numero ad Facultatis Juridicae Collegium, pro Jure dicundo & profitendo (b) constituendum, recepti.

(a) Non enim alii hodiè in Academiis ad Facultatis Juridicae Collegium, quam Doctores in utroque Jure Academicè promoti, solent recipi, *non Bullati, vid. Besold. Pracognit. Pandect. tit. ff. de Justit. & Jur. ad l. 7. & 8. quæst. 4. & 5.*

(b) Quibus solis hæc Auctoritas de Jure respondendi hisce Seculis, quibus Jurisprudentia reforuit, auctoritate publica, demandari conseruit.

5. Præter quos in Saxoniæ quibusdam celebrioribus locis (a) clara sunt Collegia Scabinorum (b) ex Doctoribus Juris, quibus in locis aliquibus (c) adjunguntur Civitatum quidam Consules atque Senatores, collecta. (d)

(a) Inter quæ prævalet antiquitate Magdeburgum, *de eius incerta origine vide Conring. de Orig. Jur. German. cap. 32. ciro. fin.* ex quo sunt alia Halas Saxonum, Lipsiam, & nostro tempore Jenam & Coburgum (ubi Principes Saxoniæ rerum potiuntur) derivata, *vid. Francisc. Pfeil. centur. 2. confil. 188.*

(b) De ejus vocis Etymologia cum diversi diversa doceant, *vid. Joh. Jac. Speidel. Notabil. Juridico-Historico-Polit. voc. Schöppen. Inter omnes verò maximam probabilitatis speciem habet opinio Marquard. Freheri Not. ad Andr. Presbyteri Chronic. de Ducibus Bayaria pag. 236.

Vox,

Vox, inquit, vetus Francia, Judicem arbitrumque denotans; *Glossa*: Scepno, Judex. Penes arbitros Scefinæ Waltendi. Inde nostri Schöffen / Gerichts-Schaffen & Schöppen - Stühle in Misnia, Gallorum Eschevin, Eschevinage. Huic proxima est conjectura Joh. Loccenii in Antiquitat. Sveo-Gothic. cap. 6.* sed quæ incerta sunt omnia, nos sub Judice item relinquemus, cum res significata sit extra dubium. Sunt enim optimæ Famæ & antiquæ Virtutis ac Fidei Personæ ex Civium Consortio ad certum numerum selectæ, quarum una Judicis, reliquæ Assessorum ipsius vice funguntur: Richter und Schöppen. *Verum aliud hoc genus Scabinorum, idque nostro ævo alicubi ignobilis, quamvis ad veterem Scabinorum indolem proprius accedat, qui erant Judices vel Assessores Judicis Oppidani, velutique Pedanei, ut observat Marquard. Freher. ad Adolphi Nassovii Constitutionem Norimberg. Anna Christi 1293. quam cum Petr. de Andlo edidit. conf. Capitulat. Caroli M. & Ludovici Pi lib. 3. cap. 56. Nostrates verò his similes vel Oppidani sunt, vel Provinciales, vel Pagani, Gerichts-Land- und Dorff-Schöppen / de quibus vid. Berlich. Practicar. Conclusion. part. i. conclus. 81. num. 17. & seqq. Ungebaur. Dissertat. de Scabinatibus §. 1. Carpzov. Proces. Jur. tit. 2. artic. 4. num. 24.*

(c) Dummmodo reperiantur isto loco, qui Juriisperiti sunt.

(d) Vulgò die Schöppen-Stühle.

6. Quibus omnibus, (a) quæ Facultas & Auctoritas de Jure respondendi competit, illa omnis à Majestate (b) dependet. Atque ideo privatis, et si Graduum Docturae insignibus clarescant, Jurisconsultis hæc Facultas & Auctoritas Solemnia dandi Responsa (c) nulla his in oris competit.

(a) Vulgò den Juristen-Facultäten und Schöppen-Stühlen.

(b) Majestas est aliquid, quod censetur optimum & maximum. Unde Romanæ Paganorum superstitioni credita fuit esse DEA, Honoris & Reverentiae Filia. Synecdochicè Jurisprudentia restrinxit hoc nomen ad Summi Principis in Imperio Romano axioma summum designandum, & hinc patet, hoc Privilegium de Jure respondendi esse à solo Principe Summo, vel ab illo, qui Jus hoc Summi Principis connivenzia, vel potius negligentia, quandoque obtinuit. *Principes, nî fallor, ac Status Imperii intelligit, quorum Jus Superioritatis in suis Territoriis anomala quædam Majestas est, ad hanc potestatem Collegio Jutorum tribuendam perinde efficax. Et ab initio fortè eam nonnulli negligentia, vel potius imprudentia, Imperatorum debent, quum Duces seu Praefecti Provinciarum cum amplissima inque Hæredes transitura potestate

C

testate creati contra nutantem interim & iniquitate fati temporumque calamitate afflictam Imperatorum Majestatem paulatim insurgerent, quibus iterum coercendis ea deinceps neque armis, neque ingenio par esse potuit. Quod de Saxoniæ Duce Henrico tempore Conradi Imperatoris disertim testatur Witichindus. Aliis posthac ea *in rego xvi* pretio etiam ac liberalitate Imperatorum quorundam constare coepit. Hodiè verò nemo est, qui eam justo titulo per Investituram exerceat.* Juris consultis aliquibus concessum. *Scabinatus tamen Lipsiensis, conniventibus Saxoniæ Ducibus, ante D. Augustum, Saxoniæ Electorem, a solius fere Senatus Lipsiensis Auctoritate dependit, vid. L. Zachar. Schneider. *Chronic. Lipsiens. lib. 4. pag. 347.* * Quomodo in Privilegiis Imperatorum, quæ Academiis concessa sunt, hoc in specie advertitur, quod Facultati Juridicae potestas non modo Jura profitendi, sed etiam de Jure publicè respondendi demandari solet. Quomodo de Ottone Magno Imperatore Saxone, quod Privilegio Scabinatus Gentiles suos Saxones præ omnibus aliis Imperii Romani Populis beare volupe sibi duxerit, Historia Germanica testatum facit. *Hac in re non satis fidus Achates, quippe recentiorum commentis valde incrustata. Et verò ex alio fonte turbido hic error prolluxit, quo idem Otto I. Juris Weichbildici Magdeburgensis Auctor vulgo creditur. Quod utrumque refutat Dn. Conring. *dist. tractat. de Orig. Jur. German. cap. 18.**

(c) Et hinc differentia horum Responsorum Solemnum, quorum his est in oris usus, à vulgaribus, & quæ forsan in Italia & alibi frequentantur, non minima emergit, cum illa etiam à privatis peti & dari possint; hæc verò tantum à Collegiis Publica Respondendi Auctoritate Majestatica præmunitis; ut rectè docet Berlich. *Prædicar. Conclusion. part. 1. conclus. 42. num. 8. & 9. ex D. Dan. Mollero ad D. Augusti Constitut. 26. part. 1. num. 4.* ita tamen, ut non tantum illa Collegia, quæ sunt in Ditionibus Saxonis, quæ sola ferè recensentur hic à Berlichio: sed & alia, quæ sunt alibi, quod Mollerus addit, sub hunc censem referantur.

7. Hi igitur Jurisprudentes cùm sint hac Auctoritate Publica circumvallati, ad dandum *Responsa* legitimè, sive consulti sive interrogati sese obligatos & sine recusatione paratos præstare debent; nisi hanc justa suspicionis causa (a) suadeat. (b)

(a) Quæ nimis omnes de Collegio, vel majorem ipsius partem, vel etiam unicum tantum, sed qui sit illius Auctoritatis, ut ipsi contradicere non ausint reliqui, *qualis esse præsumitur is, qui Collegio præsidet, vid. Jac. Menoch. *de Arbitrar. Judic. Quest. & Cas. lib. 2. centur. 5. cas.*

*cas. 458. num. 16. & seqq.** concernat, Zanger. *de Exception. part. 2. cap. 4. num. 17.* Si enim Suspicio non tangat omnes, sed unum non ita magnæ Auctoritatis, vel plures, modò non majorem partem; reliquis illis exclusis, nihilominus sine macula Suspicionis respondere possunt: cùm propter unum atque alterum suspectum non proficit totum recusare Collegium. Si verò causa Suspicionis ex aquo sit omnibus vel saltem majori parti communis, quamvis & hoc casu Viri boni suis affectibus frenum adjicere possint & debeant, ut sine amoris vel odii, spei vel metus persuasionibus mente non mota judicare queant; quia tamen difficultum hoc est, &, humanitus ut fiat, vix credibile; quia item Suspicionis hæc tela tenacius inhærentia illorum, quorum interest, animis evelli difficulter possunt: & Virum bonum decet non tantum à delicto, sed etiam à delicti suspicione vel minima, si fieri potest humanitus (quod cordatissimum Jul. Cæsar is est, teste Rival. *lib. 2. Histor. Jur. Civil. apophthegma*) immunem esse; idcirco rectius sibi consultum ibunt illi Prudentes, qui manus & sensus ab hisce causis sibi magnam suspicionem ingerentibus, ne *Responsa* dent, abstinebunt.

(b) Quamvis enim hæc exceptio superiori Seculo à magnanimitis Principibus Dn. Johanne Electore Saxone, & ipsius Filio Dn. Johanne Friderico Electore, suo & Foederatorum nomine Camerae Imperiali (cujus Caput & Membra tunc omnia erant Catholicæ Religioni addicta) opposita fuerit, & quidem frustra, Gailio (qui ad hunc Casum tacite videtur alludere *lib. 1. observat. 33. num. 1.*) censente. *confer. Joh. Sleidan. *lib. 9. Commentar. de Statu Religionis & Reipublica pag. m. 239.** eventus tamen circa Pacificationem Passavnam & securam Pacem Religiosam Augustanam aliud docuit, quando omnia contra Protestantes cusa Mandata post abolita fuerunt. Et quamvis hoc nostro Seculo, cùm in causa capitati Dn. Petri Hagii, Jurisconsulti, Doctoris & Advocati in Ditione Brunsvigia Celeberrimi, tum temporis in Aula Guelfica captivi, (quam Fiscalis nomine Principis contra ipsum intentarat) Judicio Capitali Praefestus, & Assessores Acta Facultati Juridice in Academia Julia offerrent, Exceptionem hanc ab Hagiiano Procuratore oppositam dicta Facultas Principis sui genio indulgens non attenderet; Imperialis tamen Camera illam non modo approbabat; sed etiam Mandatum Inhibitoriale, ne super his Actis Sententiam ferret Facultas illa, decernebat.

8. Adjungitur his Personis in unoquoque Collegio Amanuensis, (a) qui conceptis à Prudentibus verbis edita *Responsa* Consulentiibus exhibit pure descripta (b) & Sigillo Collegii corroborata.

(a) Vulgo der Urtheil-Schreiber.

(b) Quorum Exemplaria in usum Memoriae reservata, quæ Originalia vocantur, Libro Judiciorum Collegii juxta temporis seriem inscribuntur, (ins Urtheil-Buch) seposito in Scriniis Consultationis vel Questionis Libello: die Urtheils-Frage; ut si Consultor, quod à Collegio redemerat, post amittat, unde jacturam hanc resarcire queat, occasionem in promptu habeat.

9. Posterioris generis Personæ quædam sunt *principales*, quædam *accessoriae*.

10. *Principales* sunt tres: *Judex* & duo *Litigantes*: *Actor* & *Reus*.

II. *Judex* est is, coram quo (a) Litigantium (b) Acta in controversia sua per Processum legitimum utrinque usque ad finem (c) aliquem deducta sunt, quæ ad Sententiam desuper dicendam transmittenda veniunt.

(a) Cujuscunque sortis, conditionis vel qualitatis ille fuerit: sive Juris sit imperitus, carens Assessoribus: sive ejusdem peritissimus, & selectissimis Assessoribus instructus.

(b) Cujuscunque sortis, conditionis, vel qualitatis & hi fuerint.

(c) Sive Interlocutorium, sive Decisivum.

12. *Actoris* & *Rei* definitiones sunt apertæ satis.

13. *Accessoriae* sunt, à parte Judicis, *Actuarius* vel *Scriba* Ju-
dicii, *de cuius Virtutibus & Officio in fideliter ac industriè con-
ficiendis Actis vid. Dn. Brunnemann. in *Process. Civil.* cap. 1.
num. 75. & in *Process. Inquisitor.* cap. 3. num. 59. & seqq. item
cap. 8. membr. 4. num. 6. Oldekop. *Observat. Criminal.* tit. 1. ob-
servat. 7. num. 13. & 18.*

14. A parte Litigantium quandoque sunt *Intervenientes*, sive pro suo ipsorum proprio, *qui in specie Intervenientium nomine appellantur, de quibus Carpzov. *Process. Jur.* tit. 4. artic. 2.* sive alterius Litigantium commodo interveniant. *Advocati, Procu-
ratores, Syndici, Actores &c.*

15. Ab utriusque parte *Nuncius* Sumptibus Litigantium con-
ductus; qui Judiciaria Acta ad Collegium Prudentum trans- &
reportare jubetur.

CAPUT

CAPUT III.

De Rebus, circa quas est occupatum Transmissionis negotium.

I.

REs, de quibus Responsa impetrari darique solent, possunt esse quælibet, quæ in Controversia coram Judice inter Actorem & Reum versantur; sive magni, sive levis momenti. (a)

(a) Schrader. *de Feud.* part. 10. sett. 14. num. 60.

2. Sive in Foro tractentur Ordinario, sive Summario, Schrader. *dict. loc. num. 9.* *In quo tamen posteriori frequentius ipse Judex vel suopte ingenio, vel à Collegio JCTorum informatus *Decretum dare solet*, Germanicè einen Bescheid / de cujus à Sententiâ discrimine vid. Carpzov. in *Process. Jur.* *dict. tit. 16. artic. 1. num. 1. & seqq.**

3. Sive in Prima, Secunda, vel Tertia & postrema disceptetur Instantia. *Ultra quam scilicet Tertiam nulla Jure Civili concedebatur, l. unic. *Cod. ne liceat in una eademque causa tertio provocare.* & ibi Dd. Hodiè tamen etiam ulteriores admittuntur, Mynting. *centur. 1. observat. 15.* Sigism. Scacc. *de Appellat. quæst. 17. limitat. 1.* Carpzov. *lib. 3. tit. 11. Respons. Jur. Elector. 101.**

4. Sive Civiles, sive Criminales. (a)

(a) Carol. V. in *Ordinat. Criminal.* tit. 7. 28. 31. 91. 105. 131. 133. 146. 147. 151. 153. 160. 161. & 205.

5. Vel Feudales, (a) vel aliæ quævis in Judicium deductæ. (b)

(a) Schrader. *dict. loc. num. 6. & 7.*

(b) Exceptis illis, quæ in Artificum peritorum credulitate & opinione versantur: de quibus suprà dictum, *Cap. I. num. 17.* & dicetur infra, *Cap. XIII. num. 5.*

6. Maximè, si Sententiam tractent Definitivam; utut etiam Interlocutoriae nostris transmittantur moribus, et si magni non sint momenti, Schrader. *ibid. num. 10.* *Carpzov. *dict. tit. 16. artic. 1. num. 3. & 17.**

7. Excipiuntur vulgo Casus ejusmodi, in quibus litigatur de re plana, clara, liquida, manifesta & indubitata: (a) & hoc quidem non sine (b) causa.

(a) Schrader. dict. loc. num. 52.

(b) Quia supervacuus labor & sumptus est in rem quæstione vacuam inutiliter profusus; cùm, ubi Sententia Judicis desideratur, hic oporteat subesse quæstionem sive in Jure, sive Facto dubitabilem vel controversam. Quæ dubitatio si nusquam est, & unquam quæstio nec esse potest, & per consequens nihil est, quod transmitti possit.

8. Quia autem hæc est admodum infirma Exceptio, cum huic vel illi videantur & dicantur clara, quæ alii apparent obscura; adeò, ut hoc ipsum, ecquid aliquid sit clarum, sàpè in controversiam veniat; maximè, si res sit cum Judice vel Litigantibus impenitus; idcirco, nisi de hoc inter Partes & Judicem conveniat, transmittenda & hæc fuerint Acta, (a) etiamsi visu sint clara satis.

(a) Quod nec Schrader. dict. loc. num. 52. improbare videtur.

9. Excipitur vulgo & Facti quæstio, quia sola Juris quæstio ad Transmissionem visa sit (a) idonea: quod parum placet; cum plerique super Factis suboriantur, & quidem longè gravissimæ Controversiæ; quæ àquæ cum illis sunt per Sententiam Prudentum determinandæ. (b)

(a) Docente Schradero dict. loc. num. 55.

(b) Quod enim Schraderus ad suam opinionem probandam allegat l. 79. §. 1. ff. de Judic. illa parum probat; cùm loquatur Lex illa tantum de Judice, qui pro sui Informatione tantum Magistratum majorem, qualis est Præses, cum Sententiam dicturus de Jure dubitat ambiguo, Partibus non requisitis, consultit: quod nihil ad hoc nostrum Responsum facit. Allegat idem l. 9. Cod. eodem, sed quæ potius contrarium subindicit, quando Judicem jubet qualitatem rei, hoc est, causæ plena inquisitione discutere (quod in Quæstionibus Facti vel maximè requiritur) & sàpius utramque partem (quod non de Juris Quæstione potest accipi, sed de Facti Circumstantiis) interrogare. Et loquitur de eodem eaſu, quo Lex anterior allegata; nimirum cùm Judex de Sententia dicenda dubius causam ad majorem est potestatem relaturus. De qua Relatione hæc nihil agitur, quæ solum respicit Judicem sine Partium adhibito Consensu; neque Baldus allegato à Schradero loco quidquam ad rem facit; cùm se referat ad dictam Legem 79. ff. de Judic. & de Relationum Jure agat,

de

de quo hæc nobis nihil est negotii, sed tantum de Solemnibus Responsis cum Partium placito à Prudentibus petendis. * Non possum hæc facere cum Autore contra Schraderum, cuius Sententia inter Doctores communior & haud dubiè verior est, vid. Francisc. Duaren. lib. 2. Disputat. Anniversar. cap. 11. Anton. Fabr. Jurisprudent. Papinian. lib. 1. tit. 1. princ. 2. illat. 7. Georg. Franzk. Commentar. ad Pandect. ad tit. de Orig. Jur. num. 51. Neque enim Facti quæstio est, quandocunque quis super Facto aliquo quæritur, sed quando id præcisè in quæstionem venit, an quid factum sit. Quod apertè satis docuit Aristoteles lib. 5. Ethic. cap. 8. comm. 28. Ibi enim, cùm quæstivisset, utrum, si quis irâ commotus occidisset alterum, ἐν προνοίᾳ seu deliberato animo id fecisse intelligeretur, subjicit: ἔτι δὲ οὐδὲ τοῦτο γένεθλιον ἐν μη, ἀμφισβητέτων ἀλλὰ τοῦτο δικαίος, non esse scilicet de Facto controversium, sed de Jure. Ratio, cùm non quaratur, an cædes facta sit, an alter alterum irritaverit, quæ quæstiones Facti sunt, Testibus proponi solite; sed, an, qui concitatus occidit, excusator sit, ex Principiis Juris Naturæ cum hoc Facto collatis, definiatur. Ita verò nec JCri de Facto unquam respondent, à quo ferè remotissimi sunt, sed, an factum satis liquidum sit, quibus mediis legitim's ejus veritas evidentior fieri possit, quæ præsumptiones ex Facti Circumstantiis resultent, quid denique in universum de Facto proposito in Foro statuendum sit, non ex Facti Conscientiâ, sed ex Rationibus Juris huc applicatis definiunt. Facit hæc insuper l. Seja. 20. §. ult. ff. de instruct. vel instrum. leg. ut l. à Testatore. 109. ff. de condition. & demonstration. in qua Lege posteriore per Claudium intelligendus Claudio Saturninus JCtus.*

10. Non tamen hæc semper requiruntur Acta in Judicio à Litigantibus in Scriptis reciprocis producta; cùm interdum Judex Controversiam cum Partium Consensu, maximè, si de quæstione quadam Juris tantum controvertitur, *absque necessaria Relatione ad hypothesis seu casus suppositi dubias quasdam circumstantias,* brevibus comprehensam ad Collegium Prudentum transmittere soleat in unica tantum Epistola, dummodo illa, antequam obſignetur, Partibus, ecquid ita placeat, & Narrata recte se habeant, prælecta fit prius, & ipsorum judicio approbata.

CAPUT IV.

De Forma Transmissionis interna, quæ est
in Judicis & Partium Consensu.

Forma & Modus h̄c spectatur in Actis (a) Judicii, tam adhibito Partium litigantium Consensu ad petendum Responfa, transmittendis, quam in Responso desuper rescribendo.

(a) Vel Epistola quandoque tantum Interrogatoria, si nulla Acta super Controversia sunt in Judicio producta.

2. *Transmissionis Forma* consideratur primum *interna*; deinde *Modus Transmissionis* erit inquirendus.

3. *Interna* constituitur ex mutuo cūm Judicis, tum Partium coram Judice Litigantium Consensu, Lege vel Moribus comprobato.

4. Quamvis enim regulariter Judex non cogatur invitus Acta coram se à Litigantibus producta ad Sententiam desuper concipiendam transmittere, sed possit pro potestate à Jure sibi data juxta suum cum Assessoribus suis, si quos habuerit, caput ipsemet, vel invitatis Partibus Judiciale concipere, & conceptam (a) ferre Sententiam;

(a) Quod pluribus firmat auctoritatibus Schrader. *de Feud. part. 10. sect. 14. num. 57.* in primis si hoc per diuturnos Mores, Statuta, vel Rescripta, ut non fiat *Transmissionis*, cautum sit, Schrader. *dict. loc. num. 49.*

5. Etiamsi Partium altera, vel utraque hoc flagitaverit; (a) vel causa sit ardua (b) atque difficilis.

(a) Schrader. *dict. loc. num. 58.*

(b) Idem *ibid. num. 60.*

6. Imò, etiamsi Jus, vel Magistratus hanc Judicii potestatem dederit, ut, si velit *Transmissionem* admittere, facere hoc possit; sin nolit, (a) eandem prohibere:

(a) Cūm, quæ potestati Judicis, vel voluntati aut Conscientiæ ipsius permittuntur, necessitati non subjiciantur, sed ipsius libero subjaceant arbitrio, Schrader. *dict. loc. num. 62. & 78.*

7. Atta-

7. Attamen si illa *Transmissione* vel longa sit Consuetudine (a) introducta, vel Statuto (b) loci aut illorum, quorum auctoritate Judicium est (c) constitutum, praescripto cauta; vel denique ex Partium litigantium cum Judice conventione (d) pacta. (e)

(a) De qua fermè omnes testantur per Germaniam Provincias; ut paulò ante dictum, *Cup. I. num. 18.*

(b) Quod esse de Jure validum, omnes probant sine dubio Doctores, quorum plurimos suo more congesit Schrader. *dict. loc. num. 72.*

(c) Puta, si Magistratus major, qui Judicem dedit, vel Jurisdictionem mandavit, vel Commissarium delegavit, hanc conditionem, ut pro Sententia concipienda debeant Acta transmitti ad Consilium Prudentum (id quod hodiè his in oris circa Commissiones in Aulis Principum vel Comitum ad Praefectos vel Civitatum Decuriones directis frequentissimum est) praescripsit.

(d) Si vel inter Dominum eundem & Pares Curiae hoc pactum sit in Feudali lite (Mann-Gericht) constituenda; vel si in Austragorum Judicio id placeat Partibus Austragas paciscentibus, Schrader. *dict. loc. num. 67. 68. & 78.*

(e) Licet enim Judex præcisè, ad placitum se Partium ut conformer, cogi non possit; si tamen melius & honestius facit, cum huic petitioni Partium dat locum, ut censem Schrader. ipsam *dict. loc. num. 74. & 76.* certè, si recusaverit *Transmissionem*, male & dishonestè vel turpiter quid egisse censeri debet. *Evidem non semper valet hæc consequentia, cūm honestum non semper in puncto consitiat, ut si vel minimum inde abeas, in vitium deflectas; sed aliquando liberius habet spatum, ita, ut & fieri laudabiliter, & sine turpitudine omitti possit, vid. Grot. *lib. 1. de Jure Belli & Pacis cap. 2. num. 1.**

8. Dicendum est, quodd his in casibus Judex etiam invitus, si Partium utriusque adfit Consensus, vel saltem alterutrius desiderium, ad transmittendum hujusmodi Acta se comparare (a) debeat.

(a) Adeò, ut, si recusat hoc, ad Superiorem Partes, tanquam à Gravamine sufficiente illato, provocare queant, quod Schrader. *dict. loc. num. 76.* non negat.

9. Nam si justa & legitima causa Judicem, ut ad *Transmissionem* hanc pronus sit, commovere potest, (a) & vel invitum debet. (b)

D

(a) Quod

(a) Quod visum est Schraderus dict. loc. num. 74.

(b) Cum propter causam justam & legitimam ab omni Dispositione & omnibus Regulis Juris (de Actis non transmittendis) recedatur; in primis, quando causa illa Pacem & Utilitatem publicam respicit: & jam invitus cogitur Acta decidenda ad Consilium Prudentum transmittere; quod propter Pacem atque Utilitatem publicam multo magis rocedatur ab omnibus Regulis Juris communis: quae sunt ipsissima Schraderi verba, dict. loc. num. 75. quibus subvertit omnia illa, quae sunt ab se superius contra Transmissionis Jura disputata.

10. Profecto justiores & magis legitimæ non facile occurrent aliæ causæ, quam quæ ad dirimendas (a) & celerius expediendas Lites conducunt.

(a) Cum sit clari Juris, dirimendarum Litium magnum favorem esse, Schrader. dict. loc. num. 70.

11. Sed quis nescit, ex imperitia (a) Judicis sæpiissimè graviter in Sententiis aberrari concipiendis? Qui Errores ad Provocationes partem læsam adigunt; unde longissima prolongandarum Litium tela necit.

(a) Quæ frequentissima est in Misnicis & Turingicis; ne quid dicam de aliis Regionibus, in quibus Jurisdictiones etiam superiores Villis & Pagis, qui Nobilibus Feudales sint, adhaerent: qui plerumque Juris imperiti sunt, & præ avaritia Judices & Assessores alere non solent peritores; maximè in capitalibus Judiciis, quibus Judicem & Scabinos ex Subditis suis præficiunt Rusticis. Et experientia testatur, Principum & Comitum Praefecturas sæpiissimè commendari his, qui Legum scientiam habent parvam admodum, dummodo Quæsturæ, quæ sæpè sola in Aulæ attenditur, Negotiorum sint periti. Qui omnes propter imperitiam Juris crassissimis sæpè se & Litigantes erroribus, si ex suo judicent cerebro, involvunt.

12. Quis vero negare potest, etiamsi Juris imperiti non sint Judices, quod tamen causæ sæpius incidunt & difficiles & momenti maximi, (a) sæpè etiam sint pluribus Causarum, Negotiorum, & variarum Commissionum (b) telis, etiam extra Judicium, impliciti, ut Sententiis ex Arte Juris concipiendis vacare nequeant, vel illas in longum tempus cum Litigantium maximo differant detimento?

(a) In quibus ex Jure decidendis Artis & tædiosi laboris opus esse solet.

(b) Quod

(b) Quod Praefectis plerumque, & Aulicorum Judiciorum cum Praesidibus, tum Assessoriis evenit, ut publica Principum Negotia privatis Litigantium Causis præferre cogantur.

13. Quis denique rerum adeò est imperitus, qui magnas saepius, in exordio potissimum litis, circa Judices suspectos oboriri magno cum dispendio temporis & sumptuum controversias (a) ignoret? Et quis est, qui, quam grave sit & periculosum Litigantium coram suspecto litem movere Judice, non animadvertis?

(a) Quando res hæc eo ferè recidit, ut Judex suspectum se coargui ferat iniquissime, & Injuriarum convenire velit Litigantem, qui suspectum se facere conatur. Quantum temporis & laboris impenditur, ut Suspicionis causæ probentur, & ut in extraordinarii locum alius substituatur, ordinario vero alius adjungatur? Quod si fiat illo invito, res ante mala pejor redditur, cum ordinario raro conveniat cum adjuncto.

14. Quibus omnibus incommodis & pericolosis Judiciorum pestibus cum suo tempore Saxones antiquiores in Judiciis suis constituendis remedium invenire laborarint, & quod eventus docuit, felicissimè id invenerint, hoc Transmissionis Actorum quasi emplastro morbos affectibus applicato, quo lites & minore negotio dirimi, & celerius expediri possunt, cum maximo Litigantium commido.

15. Profecto JCtus, qui Christianus est, & Vir bonus, (a) hoc Transmissionis Actorum Beneficium adeò salutare, & dirimendis litibus, non tantum pro favore Litigantium, sed etiam ipsorum Judicium commodo comparatum, non modo non limitare, enervare, (b) sed omnibus modis ampliare & promovere debet.

(a) Qui hodiè in taeta Religionis luce est, quod dolendum & plorandum, inter Advocatos potissimum, addita non parva Judicum parte,

Rara Avis in Terris nigroque sinillima Cycno.

* vid. Christoph. Forstner. Not. Polit. ad lib. 2. Annal. Tacit. ad verba: Inter qua L. Piso ambitum Fori &c. pag. m. 318. seqq. *

(b) Quod non pauci inter Doctores nostros faciunt, ut ipsorum Commenta testantur & Acta. Quamvis enim harum in Regionum Curia (Dicaesteria excipio Summa) ita per longavum observetur usum, ut Partium saltem alterutri desideranti Beneficium hoc Transmissionis

D 2

non

non denegetur; maximè, si, parte adversa Sumptuum penuriam prætendente, velit ipsamet Sumptus sustinere omnes: Vidi tamen in Aulico Principis Saxonici cuiusdam Senatu Nobili cuidam non infimæ conditionis Reo in Causa magni momenti Pecuniaria id præcisè denegatum in Leuterationis Instantia. Cùm enim in Prima Instantia sine ulla difficultate Transmissione esset obtenta, Nobili Reo Victore; & cùm Actor Leuteratione usus esset, postquam Nobilis Reus iterum, illa finita, Transmissionem postularet, denegabatur illa, Reo protestante, Sumptus offerente, & unico tantum Collegio (quod Aulico Senatui subditum erat) excepto, quovis locorum ut Acta transmitterentur, per omnia Sacra & Profana regante, ut idem Accio, quod Titio, jus esset, ex primoribus Consiliariis (alter enim illo superior, quod adversæ parti valde affinis esset, Senatui interesse nolebat) cùm nihil aliud, quod prætenderet, haberet, tandem in hæc verba prorumpebat commotior: Principi suo in hac causa manu Regia procedere decretum esse; cui cum opponere se non auderet, & Appellationis Beneficium non obtineret locum, sub nomine Principis cusa à Consiliariis Sententia, Reus condemnabatur; cum Regiæ manui alia decidendi ratio non prostatet, quam quod adversarius Actor esset primori ex Consiliariis Affinis, &, quod rei caput erat, qui Fiscus Principis causas planè similes contra alios agitabat, quibus hæc præjudicio fuisse. Sed transeant illa cum cæteris Mundi perversi Erroribus, modò Veritas hæc maneat, quod in eadem Aula anteà nemini hoc Beneficium Transmissionis petenti denegatum fuerat.

16. Si enim Judex imperitus est, vel non satis cautus, hac ratione transmittendi si velit uti, quod potest; & Conscientiam suam animo lato exonerabit; & ne quid per imprudentiam, vel imperitiam, vel errorem (a) in perniciem Litigantium, litem faciendo suam committat, præcavebit.

(a) Qui vel in optimum & peritissimum quandoque cadere potest; **Inter cetera enim mortalitatis incommoda & hæc est caligo mentium, nec tantum necessitas errandi, sed errorum amor.* Seneca de Ira, cap. 9.* cùm omnis definitio (addam ego, decisio) in Jure Civili sit periculosa, l. 202, ff. de Regul. Jur. maximè cùm imperitia ipsos Judices coram Deo non excusat, Caroli V. Ordinat. Criminal. artic. fin. quia peritiiores consulere debuissent; *quod omittere, cum consilio ipse par non sis, extremi ingenii esse censet Minutius apud Livium. conf. Grot. lib. 2. de Jur. Bell. & Pac. cap. 23. num. 3. &c. cum Annotat. Quid? quod hæc consulendi necessitas expressa mandati Divini auctoritate nitatur; Deuteronom. 17. vers. 8. & 9.*

17. Si

17. Si idem Juris quidem fit peritus, sed variis negotiorum molibus præoccupatus; vel difficultate causæ in re momenti maximi perplexus: hoc usus remedio laborum onere & tædio, sine Litigantium damno, sublevari honestè (a) poterit.

(a) Quamvis enim aliàs Judicem neque laboris tædio fractum, neque odio partis, quo minùs officio judicandi suo fungatur, absterritum, excusare se, sed ad Transmissionem Actorum convolare, deceat, ut Schraderus dict. loc. num. 53. probare conatur, & rectè quidem: si tamen ex More, vel Statuto, &, quod omnium optimum est, ex intimo Partium voto hoc concere sublevari possit; certè, nisi iniquissimus omnium & alterutri suspiciosissimus videri velit, ab istius causæ judicio abstinebit *exemplo Tiberii apud Tacit. lib. 3. Annal. cap. 10. §. 3. & s.* Si enim culpa est, immiscere se rei ad se non pertinenti, ut inquit Pomponius l. 36. ff. de Regul. Jur. non modò sine culpa non est hic Judex, qui Sententia concipiendæ, quæ ad se ex More vel Statuto & desiderio Partium non pertinet, immiscet; sed impudentissimus omnium, & exscrabilis suspecti criminis merito censemper Reus, qui contra Mores, vel Statuta, & Partibus reclamantibus Sententia concipiendæ & dicendæ negotio, se obtrudit, à quo liber & honestè immunis esse potuisset.

18. Si denique, quod maximum est omnium, Judex, ne in alterutrius Partis suspicionem vel odium incurrat, metuat, nihil gratius sibi contingere poterit, quam si ex Partium desiderio judicandi onus & inde metuendum ex suspicione odium sub inculpato prætextu devitare, (a) & Partis utriusque favorem fovere porro possit. (b)

(a) Imò, si Vir bonus & honestus, qui Judex est, videri voluerit, tantum abest, ut in casu Suspicionis, in quam à Partium alterutra vocari potuit, beneficio hoc Transmissionis uti non velit, ut potius omnem declinandi hoc Judicij Munus & in alium transferendi lapidem movere, & judicandi onus declinare velit, si possit. Potest autem, & magna quidem cum gratia Litigantium, si hoc Transmissionis beneficio per Mores vel Statuta introducto uti, & sic ab illo, inter bonos odiosissimo, Judicis suspecti vitio, cui alioquin se volens vidensque involvaturus esset temerè, liber esse velit.

(b) Nam ut videtur aliquis facere adversus ea, quæ non facit, cùm facere debebat; sic Judex, qui facit, quod facere non debebat, hoc est, qui Sententia se dicendæ immiscet, quam Prudentes concipere debuissent, non

videtur facere id, quod facere jussus erat, scilicet ut à concipienda Sententia manus abstineat, l. 121. ff. de Regul. Jur.

19. Cùm igitur constet de eo inter Doctores quo Transmissionis beneficio Judex uti possit; (a) si hoc ipsi à Majore interdictum non sit; nec aliud vel in Judicio constituendo, (b) vel inter Partes cum assensu Judicis actum sit.

(a) Quod pluribus firmat, in Causis potissimum Feudalibus, & per 11. Limitationes ampliat Schrader. dict. loc. num. 1. cum seqq. et si Affessorem habeat, dict. loc. num. 50.

(b) Idem dict. loc. num. 49.

20. Et quamvis vulgo velint, quod Judex ad transmittendum cogi non possit, (a) quia tamen hoc limitatur mox ab ipsim, ut cogi ad transmittendum possit Judex, si imperitia ipsius hoc suadeat, (b) si in Judicio hoc cautum sit constituendo, (c) si inter Litigatores de eo convenerit, quando justæ & legitimæ hanc causæ (d) suadebunt; in primis vero, si Statutis vel Moribus hoc introductum sit, (e) ut Judex Transmissionem Partibus volentibus invidere non debeat.

(a) Quam thesin proponit, & tueri nititur Schrader. dict. loc. num. 57.

(b) Schrader. ibid. num. 66.

(c) Quod fieri solet in Feudalibus Controversiis, idem num. 67. 68. & 69.

(d) De quibus paulò ante dictum, in quibus hoc agitur, ut causæ Litigantium & justius, & expeditius & sine Suspicionum sordibus procedant.

(e) Quæ causa, cum firmetur utilitate publica, omnes nervos in contrariam opinionem intensos disrumpit: quod Schrader. num. 72. diffiteri non potest.

21. Et tum de hoc Transmissionis negotio nostra sit Commentatio suscepta; concludimus hoc denuo: quod ad Formam hujus Transmissionis internam non requiratur aliud; quam ut Judex Partium utriusque vel saltim alterutri (a) Transmissionem desideranti (b) assensum præbeat. (c)

(a) Quamvis enim Partis Litigantium utriusque affectus, si ex rectæ rationis trutina sincerè pensetur, sic debeat esse comparatus, ut utriusque hoc unicum sit votum atque desiderium, quo lis sua quam-

celerrimè possit ad finem perduci; Quia autem is, qui mala litigat fide, plerumque cursum litis impedit potius & retardat, quantum potest, cum sibi à Sententia definitivâ metuat; justissimè Judex faciet, quando, altera parte non poscente, vel potius térgiversante, ad alterius desiderium se comparare, & alteram, si nolit, cogere vel invitam voluerit.

(b) Qnod plerumque fit expressè, sed ita, ut licet neutra id pars postulet, Judex tamen illum, causa conclusa, animum transmittendi presumere rectè possit; quia Transmissionis hoc beneficium pro favore quidem etiam Judicis, sed potissimum Partium litigantium est introducendum, ut Sententiam justam, æquam, incorruptam, & minimè suspicaciam tanto citius obtineant. Licet igitur neutra pars Transmissionem expressè petat, Judex tamen illam nihilominus, ut præsumptivè petitam, promovere potest.

(c) Utut enim Judicij principalis Persona sit; quia tamen ille suum non nisi rogatus Officium impertiri solet, idcirco Partibus implorantibus, & Transmissionem desiderantibus assentiri consuevit.

22. Ne autem quispiam hoc, quod de Legibus, Statutis & Moribus hoc Transmissionis his in Regionibus usitatum beneficium comprobantibus dictum, in dubium vocare ausit, vel inter Rusticos tantum aut Plebejos id usurpatum opinetur: en illud quatuor partim Summorum, partim Magnorum Imperii Germanici Principum Constitutionibus confirmatum iubet in medium producere.

23. Quarum Prima est Invictissimi Imperatoris Caroli V. qui in Criminal. Constitut. hanc Transmissionem vel Consultationem fieri non tantum permittit, sed etiam præcipit, (a) primum quidem in casu dubio, (b) deinde in rebus captum Judicium superantibus vel obscuris (c) post in Expensis, Sumptibus, & Rerum Pretiis ad æquitatem redigendis. (d)

(a) Verbis uiendo imperativis: So sollen (die Richter) Rath und Unterricht zu suchen schuldig seyn / und zwar bey den Ober-Richtern / oder ins gemein bey den Rechts-Verständigen: artic. 91. 133. 147. 153. 161. in primis artic. ult. 222.

(b) So die Urtheiler zweifelhaftig werden: So in diesen Dingen zweifelhaft werde: artic. 7. 29. 131. Wo sie zweiflich seyn / soilen sie weiters Raths pflegen: artic. 81. 91. 151. Wo in der Sache Zweifel zufiele: Item in allen zweifelichen Fällen: artic. 21. 222. Cujus rei reddit hanc rationem Impe-

Imperator pientissimus: Weil zu diesen grossen Sachen grosser Fleiß gehöret / und in dem allen kein möglicher Fleiß zu unterlassen / damit niemand Unrecht geschehe: dict. artic. 222.

(c) In solchen zufälligen Dingen oder unverständlichen Fällen: artic. 105. Welche zu Zeiten gar subtile Unterscheid haben / so dem gemeinen Mann / so an Gerichten sitzt / nicht genug verständiget oder begreiflich können gemacht werden: artic. 146. Wann die Sache in Rechts-verständiger Leute Vernunft steht: artic. 160. Sollen Rechts-Verständiger Raths gebrauchen / und ihnen nicht eigene Regel / oder Gewohnheit / wann sie schon vernünftig machen / so sie den Rechten widerwärtig: Item wann die Sache über ihr Verständniß ist: artic. 150. Cujus rei hanc iterum reddit rationem Sacratissimus Imperator: Weil zu grossen Sachen / als zwischen dem gemeinen Nutz und der Menschen Blut zu richten / grosser ernstlicher Fleiß gehöret / und angekehret werden soll: artic. 150. vers. fin. & dict. artic. 153. & 161.

(d) Quo facit Damhud. Prax. Rer. Criminal. cap. 76. num. 35. *Carp. zov. Prax. Criminal. quest. 116. num. 4. & seqq.*

24. Secunda est Sacratissimi Imperatoris Maximiliani II. cuius hic Tenor: (a) Dass solche neun Räthe (b) auch Macht haben (c) sollen / die beschlossene Sache und Acten mit Bewilligung beyder (d) Partheyen / auf eine unpartheyische Universität (e) um Verfassung des Urtheils zu schicken: doch sollen sie das verfasste Urtheil in ihrem selbst Mahnen eröffnen und aussprechen. (f)

(a) In Constitutione edita Anno 1570. in Comitiis Spirens. §. In unser Cammer-Gerichts-Ordnung sc. 85.

(b) Qui in Judiciis Austragorum, ut appellantur vigore Ordinat. Cam. de Anno 1555. part. 2. tit. 4. §. Zum Achten sc. 14. sunt constituti Judices.

(c) Ex hac vocula colligit Schrader. dict. part. 10. sect. 14. num. 62. quod hi Consiliarii non habeant necesse hujusmodi Acta transmittere, sed quod hoc in illorum sit arbitrio situm, ut, si non velint, cogi non possint, cum, quae sunt in potestate Judicis, ut facere possit, illa non necessariò cogatur, nisi velit. Quod quidem negari non potest, si in solius Judicis hoc arbitrio versetur; secus autem, si Partium inter sit litigantium. Hoc autem in casu quod Imperator hoc constituit, dubio procul in favorem Partium fecit, quibus Judices illi, qui Domini sui, contra quem litigant, si non omnes, saltim ex parte Ministri sunt, admodum solent esse suspecti; ad quam Suspicionem tollendam hoc medi-

medium saluberrimum est ab Imperatore ad Partium instantiam repertum, quod fieret planè clusorum, si in Judicium arbitrio staret, ecquis Acta transmitti, vel non, deberent: cum, ut pro Principe suo Sententiam ferre possent, Acta nunquam transmitterent. Nisi igitur pars adversa in omittendam Transmissionem consenserit, sed contra protestata fuerit & Transmissionem ursurpat, parti huic volenti Transmissionem esse omnino concedandam arbitror; alioqui futurum, ut de suspectis Judicibus pars adversa conqueri posset, si in se Sententiae dicenda maximum onus susciperent, quod honestissimo sub praetextu declinare potuissent.

(d) Notandum, quod ad substantialem Transmissionis formam pertineat, ut Partes litigantes Judici consentiant Transmissionem meditanti:

(e) Vel, ut ante Carolus V. dicebat: Auf eine hohe Schul. dict. artic. 222. Constatut. Criminal. Ubi notanda Syneccodeche totius pro parte, cum non toti Universitati vel Academiæ Acta ad dicendam Sententiam transmittantur, sed tantum illius parti, scilicet Juridicæ Facultatis Collegio.

(f) Ubi hoc statutum est, ibi merito observandum: quamvis in his oris ex inveterata Consuetudine aliud quotidie observari soleat, ut paulo post dicetur.

25. Tertia est Laudatissimi & Illustrissimi Principis, D. Julii (a) Ducis Brunovicensis, qui in sui Dicasterii Summi (b) Ordinatione (c) constituit: Da sich zutragen würde / dass Unsere gelahrte Räthe / (d) wie auch die von der Ritterschafft und Ständen / einer andern und getheilten Meinung wären / und sich der Urtheil nicht vergleichen könnten / (e) oder sonst Bedenken hätten / aus allerhand bewegenden Ursachen (f) darin zu sprechen / oder es die Partheyen selbst begehrten würden: (g) so sollen die Acta an eine unverdächtige Universität oder Schöpfen-Stuhl um Rechts-Belehrung auf der Partheyen Untosten verschicket / und die Urtheil darnach (h) publicirt werden. Im Fall sichs auch begäbe / dass ein Theil die Verschickung begehrte / und darf auf drüng / der andere Theil aber darein nicht willigen / oder einige Zulage zu deren Bebuf zu thun sich beschwerete: so soll solche Verschickung auf des suchenden Theils Untosten nichts desto weniger geschehen. Es wäre dann das Hof-Richter und

Weysser ohne das die Nothdurfft zu seyn erachten würden / dass die Acten müsten verschicket werden: Alsdann soll solches auf gleiche Untosten der Parthenen geschehen.

(a) Henrici Junioris Filii & Hæredis unici, Pia Memoriae, in Arce Lycoperana vel Guelfica prope Brunovicum, Wolffensbüttel / Aulam foventis, Academiae Julieæ Celeberrimæ quondam Fundatoris:

(b) Quod extraordinariè Henricopoli, in der Heinrichs- Stadt / ordinariè verò Brunovici in Sacra Æde Blasiana celebrari olim solebat.

(c) Edita, & ab Imperatore Maximiliano II. confirmata, Anno MD LXXI. cuius Auctor est Celeberrimus ille suo Seculo, & Nobilissimus Jurisconsultus Dn. Joachimus Mynsingerus à Frundeck, tum temporis Cancellerius, & postea Dicasterii hujus Præses atque Ducatus Brunovigii Camerarius Hæreditarius.

(d) Constitutum enim est hoc Dicasterium ex Nobilibus, Doctoribus, Licentiatis, & Civitatum Consulibus, omnibus Jurisperitis.

(e) Prima Transmissionis causa hic notanda, quæ est Dissensus circa Sententiam inter Partes ferendam, cum quivis ex Assessoribus suo inhæret conceptui, nec alii vult cedere. Cui addenda est illa à Carolo V. posita, si dubitatio exoriatur circa dicendam Sententiam.

(f) Secundæ causæ exempla sunt, si Judices partis alterius odium, invidiam, suspicionem sinistram evitare velint, si quam futuram præspeculantur.

(g) Tertia causa notatu dignissima, si Partes Transmissionem desiderent litigantes. Quod non tantum de utraque simul accipiendum Parte, quod rarius, sed, quod frequentissime contingit, de alterutra duntaxat, ut ex subsequentibus appareat. Quod autem hujus rei observatione non in Dicasterio tantum, sed etiam in Aulæ Curia, der Fürstlichen Raths- Stuben / obtineat, expertus ipsemet sum in causa Henrici Julii Jagemanni, Domini Johannis, Cancellerii quondam in eadem Aula, Filii, contra quem Dn. Hildebrandus Gislerus Rumannus, JCtus & Consiliarius Aulicus, Actionem instituerat Uxor nomine suam Hæreditatem Paternam petentis. Cum erat in causa conclusum, petebat Reus Jagemannus Acta transmitti pro Sententia concipienda. Auctor Rumannus præfacte recusabat, petens ut Consiliarii Principis, utpote Judices ordinarii Sententiam conciperent ipsum, sperans suos Collegas, qui sibi erant intimi, pro se Sententiam dicturos. Hos Jagemannus recusabat, ut suspectos, qui parti adversæ essent amicissimi. Nutabant plerique, sed cum Jagemannus ad Secretum provocaret Consilium,

silium, cuius Princeps erat Antonius Streithorstius Tetracha, Ober-Land-Drost / respondebatur, Transmissionem esse non modo admittendam, sed etiam utriusque Sumptibus, quia sibi, Consiliariis, in illa causa Sententiam concepisse non esset integrum, quod Auctor sius esset Collega. Atque ita Francofurtum ad Oderam Acta transmittebantur, ubi Jagemannus evadet Victor, quod vix sibi contigisset, si Aulæ Curia dixisset Sententiam.

(b) Videtur hic innuere Princeps, quod Judices Sententiam illam à Prudentibus conceptam (darnach) sed ipsimet tamen suo nomine publicare debeant, quod tamen aliter ibidem observari solet.

26. *Quarta* denique Serenissimi Electoris Saxonie Augusti, qui Constitutionem hanc (a) edidit: *Wir werden berichtet / dass der mehrre Theil Urtheil (b) in unsern Landen / (c) wie sie von den Juristen - Facultäten oder Schöppen- Stühlen (d) gefast / ohne Veränderung und Einverleibung (e) des Richters Mahmen / darunter die Sachen schwelen / eröffnet und publiciret werden. Da nun solcher Gebrauch aufgehoben / so würden viel Process dadurch genichtigt und zerrüttet / derhalben ordnen Wir und constituiren / dass solcher Gebrauch (f) nochmals beständig / und die also publicirte Urtheil kräftig seyn / (g) auch in Rem Judicatam gehn sollen / ungeachtet was von etlichen de Sententia nomine Consultoris lata weitläufigt disfalls disputiret und angezogen wird. (h)*

(a) *Part. 1. Constitut. 26.*

(b) Hic confirmatur Consuetudo de Actis Judiciariis in Controversiis harum Regionum dijudicandis ad Jurisprudentum Collegium transmittendis, de qua testis est omni exceptione major Princeps ipsemet.

(c) Per Saxoniam Superiorum, Misniam, Turingiam, Lusatiam, & alias per Germaniam fermè totam.

(d) Hæc duo Collegia, ut paris eminentia & fidei in hisce Regionibus, conjunguntur; quod & in Superiori Brunsvigia Constitutione factum.

(e) Solet enim alias non ipsum Responsum Prudentum, prout est transmissum, Partibus publicari, sed ex illo Tenor Sententiae sub nomine Judicis, non secus, atque si ipsemet Sententiam concepisset, excipi; ita tamen, ut Originale Responsum ad perlegendum Partibus, ut discer-

discernere possint, ecquid Tenor excerptus per omnia cum Responso
nata $\lambda\epsilon\zeta\pi$ concordet, exhiberi debeat.

(f) Quo Responsa ipsa loco Sententiae, non ex ore Judicis, sed ex
calamo Respondentium Partibus in Judicio publicantur.

(g) Ut Responsa hujusmodi cum Partium consensu comparata,
sine ulla additione, diminutione, emendatione, mutatione, vel abro-
gatione ipsius Tenoris sint & maneant ipsissimae Sententiae, & in Rem
Judicatam transeant; si non sint legitimo modo suspensa.

(h). Ut videre licet apud Besoldum *dicit supra locos*, sed quæ parum
nos movent: cùm Responsa, quæ more recepto publicantur in Judicio,
non ad Partium duntaxat instantiam, sed auctoritate & iussu Judicis,
Partibus consentientibus, non secus, atque si ipsissima essent Judicis
verba, quatenus Tenorem Sententiae concernunt, publicari, atque,
tanquam essent ipsius judicantis Judicis verba, censeri debeant. *conf.
Carpzov. *Process. Jur. tit. 16. artic. 1. num. 43. & seqq.**

27. Ex quibus ita positis cum sibi constet Transmissionis in-
terna forma, quando ad Partium desiderium & cum consensu Par-
tium Judex Acta judicanda transmittendi sibi animum inducit, ita
quidem, ut non sit in arbitrio Judicis, ecquid Acta transmittere
velit, vel nolit: sed ut alterutra saltim parte (a) petente conser-
sum suum denegare non possit: quia, ut debeat consentire vel in-
vitus, Leges (b) volunt, Mores (c) requirunt, & Superiorum pro-
stant iussus, (d) quod in Superioribus probatum.

(a) Altera, si nolit, præsumptivè acquiescente in eadem petitione,
vel, ut acquiescat invita, Judice jubente; publicæ utilitatis causa, ut li-
tes dirimantur, ita suadente.

(b) De quibus constat ex prædictis, Caroli V. Maximilianii II. ge-
neralibus: & Electoris Saxonis, atque Julii Principis, particularibus
Constitutionibus.

(c) De quibus testis est locupletissimus Princeps Elector Saxo in
dict. Constitut. Utraque item Saxonia & Westphalia; adeoque Germania
ferme reliqua.

(d) Qui sunt ex Caroli V. & Maximiliani II. Imperatorum Consti-
tutionibus apertissimi.

CAPUT V.

De Forma Transmissionis Actorum ex-
terna: in qua spectantur antecedentia, Citatio
& Rotulatio.

I.

JAm ad Formam externam accedamus, nimur, quis modus
sit in transmittendis Actis observandus? In quo spectantur,
primum Antecedentia, dehinc Consequentia.

2. In Antecedentibus considerantur, primum Citatio, &, si
Acta prostant aliqua, (a) post hanc Rotulatio.

(a) Si enim nihil in Scriptis productum sit in Judicio, sed verbo-
tenus omnia sint Acta, (quod fieri quandoque potest, sed rarius, *ac
ferè in solo Judicio summario*) non est opus Rotulatione.

3. Citatio hoc loco est, qua Judex, cum in causa conclu-
sum (a) est, Partibus litigantibus (b) certum diem præfigit, quo
coram se compareant, & ad Actorum Transmissionem instituen-
dam, quæ sui fuerint officii, faciant.

(a) Antequam enim ab utraque parte conclusum sit, ad Trans-
missionem procedi non potest. *Quia Sententia ex Actis & super Actis conci-
pienda, que si non sint integra & plena, non potest ferri Sententia justa.* *Atqui
plena esse non prius constat, quam post conclusionem in causa, quæ
ulteriores Partium Probationes vel Allegationes non admittit. Unde
facta conclusione demum Judici de causa liquere dicitur, *Gloss. & Dd.*
in Cap. Significaverunt. 35. verb. Liquere. X. de Testibus. Menoch. *de Arbitrariar. Ju-
dic. Quæst. 35. num. 1. seqq. conf. citat. Oswald. Hilliger. lib. 24. Donell. enu-
cleat cap. 5. lit. G.** Si vero conclusum sit ab utraque parte, vel Partium
alterutra tergiversante, Judex ex officio *concessa jam sufficienti Dilata-
tione, *Authent. Jubemus. Cod. de Judic.* Mynsing. centur. 3. observat. 17. Me-
noch. *dict. loc. cas. 50.** concludat, Interlocutoria de Actis transmittendis
opus est nulla, sed confessim Judex ad Citationem procedit, non tan-
tum in Definitiva, sed etiam Interlocutoria Sententia, ut, si vel ad Inter-
locutoriam conclusum sit, Transmissioni locus esse possit. Licet enim,
quoad hanc, non immerito (ut hoc Responsi petendi labore pro tem-
poris & Sumptuum impendiis redimendis supersederi posset) ita distin-
guendum esset, nimur, utrum Interlocutoria Gravamen importaret

ejusmodi, quod postea per Definitivam recuperari nequiret, aut Possessionis, alias gravis incompetentiæ causam referret; an verò levioris momenti esset, cuius præjudicium facili negotio posset in progressu causæ emendari, in primis si nullam secum ferret decidendi difficultatem, ut illo casu Transmissione locum obtineret; hoc verò *perinde scilicet ut Appellatio, l. 2. Cod. de Episcopali audientia. l. 22. Cod. de Appellation. & ibi Perez. num. 16. l. 7. Cod. quorum Appellations non recipiuntur.* recusari posset; quia tamen inveteratus & in hoc Interlocutorio cardine militat usus, cum sæpè vel Partes ita curiosæ sint, ut Judici confidere nolint, sed Transmissionem urgeant; vel qui Judicio præsunt, ipsem lucelli, quod inter transmittendum ex aucupiis Sportularum, quibus inhiant, sperari solet, non intervertendi causa ad Transmissionem proclives esse soleant, etiamsi Partes illam non desiderent; discrimen hoc ut observetur, sæpius obtineri non potest: quamvis, si cum pace Partium omitatur quandoque, nemo id reprehendat.

(b) *Ha enim de necessitate sunt citandæ, cum alias Transmissione sit ipso jure nulla, quia pro Partium est commodo introducta, & illarum interest plurimum, ut huic interesse negotio possint ipsamet, Schrader. dict. part. 10. sect. 14. num. 19. Berlich. part. 1. Conclus. Practic. 42. num. 15.*

4. Partibus præfixo die comparentibus in Judicio, ad Rotulationem (a) proceditur, quæ est Actorum in Judicio à Litigantibus pro suæ causæ commodo productorum & diligenter collectorum (b) ad curiosè perlustrandum Exhibitio publicè (c) facta. (d)

(a) Dicitio quidem barbara, sed tamen à Latino; Rota (unde Rotula, hoc est, parva Rota) non ineptè, derivata. Ex qua à nostris Advocatis nomen *Rotulus* est confictum, quo denotantur Chartæ in figuram Cylindri oblongam & teretem complicatae: Germanicè, die Rölle. Quo nomine Acta Judicij hunc in modum, quem sæpius adhuc Actuarii etiam nostri observant, convoluta, vel aliter compacta, solent vocari. Unde verbum finixerunt *Rotulare*, & quidam, sed ineptè; *Eccur verò hoc ineptius, quām illud, cum utrumque pariter Illatinum sit, & utrumque, nisi hoc forte magis, Stylus Curiaæ approbaverit?* *Inrotulare*, hoc est, Acta omnia in causa hac, quæ transmitti debet ad Sententiam, producta aptè convolvere, vel aliter in unum Volumen compingere. Unde *Rotulatio* (vel *Inrotulatio*) descendit: Wann die Acta sollen rotulirt werden. *Fortasse etiam Germanica vox, ein- oder zusammen rollen/ ad exemplum Latini genii producta & formata est, quod aliis quoque Germanis

Germanicis contigisse constat, ut Leuterioni, Morganatica, lib. 2. Feudor. tit. 29. quasi dicas Morganaticam, Germanicè Morgengnade.*

(b) Collectionem præparat Actarius Judicii, quando illa ex Scriptis suis profert ad unum omnia, prout sunt, ordine temporis & Partium observato, utrinque producta.

(c) Ut non tantum oculis Partium, & qui his Consilio adstant; sed etiam manibus comprehendi & perlustrari possint.

(d) Schrader. dict. loc. num. 31. Berlich. dict. loc. num. 17.

5. Nimicum hoc fine, ut Partes, vel ipsorum Procuratores præsentes Acta sua, quæ domi hac in causa collecta habent, & secum apportare solent, cum Actis Judicialibus ab Actuario exhibitis conferant, & collata atque diligenter perlustrata post in Rotulum colligi faciant: advertentes curiosè, cùm, ut omnia & integra (a) fine ullo defectu Rotulo includantur; tūm, ut & hoc prospiciatur, ne quid vel ante irrepserit Chartæ, vel jam insinuatum (b) ab alterutra parte, vel aliunde clanculum sit insertum, quod altera non viderit, multominus refutarit; tūm denique, ne Parti cuiquam, vel cuivis alii, post Conclusionem, vel in ipso Rotulationis Actu quidquam ultra (c) produxisse liceat.

(a) Quæ fuerunt ab Actuario in Judicio producta.

(b) In ipso Rotulationis Momento.

(c) Quamvis enim vulgo velint, quod Informationes Juris, vel Consilia parti alterutri liceat in Actu Rotulationis, vel ante, vel post Conclusionem inseruisse Rotulo; quia tamen sub hoc colore circa Narratorum Facti Circumstantias fraus committi posset, satius erit, ut ab his abstineatur penitus.

6. Quamvis à Rotulo confecto nihil amplius desiderari soleat, quia tamen plena rimarum & suspicionum sunt omnia, & sæpè quispiam vel à Judice, vel ab ipsius Actuario sibi metuit, si illos sibi habeat infestos; ne Partibus absentibus, antequam *Rotulus* afforetur, aliquid vel ex illo subtrahatur, vel illi insinuetur clanculum; optima ratione & hoc servari solet, (a) ut statim *Rotulus* in Partium Præsentia obsignetur, non tantum Judicis, sed etiam Partium Sigillis.

(a) Licet enim hoc Judices vel Actuarii morosi sic interpretari soleant, quasi Partes ipsos de falsi crimine suspectos habeant; quisquis tamen

tamen est inter hos Vir bonus, & omnem à se removere vult Suspicionem, is hoc non tantum ægrè non fert, sed ultrò, quod sèpè factum memini, Partibus obsignandi facultatem offert. Si enim laudatur, ut à Sapiente dictum Apophthegma, μεμήνος ἀπίστεν, quis bonus hic Partibus, si sibi cautissimè prospectum, & cautelam etiam abundantem adhibere velint, cum sèpè Salutis suæ status in hoc versetur cardine, succensere vel voluerit, vel potuerit. *Carpzov. Proess. Jur. dict. tit. 16. artic. 5. num. 36. & seqq.*

7. Ceterum si Partium utraque, vel alterutra, citatae se, quod comparere sibi non liceat, vel non libeat, excusent, & Judicis fidei (a) Rotulationem atque Transmissionem committant; nihil minus illa rectè cum Requisitis suis omnibus, ipsis absentibus, procedere potest & debet.

(a) Sie wollen in den Richter und seinen Diener kein Misstrauen legen: sie möchten mit der Verschwörung rechtmäßiger Weise verfahren.

CAPUT VI.

In quo spectantur consequentia: Deliberatio scilicet, & Amandatio Actorum.

AD Consequentia referuntur Deliberatio & Amandatio.

2. *Deliberatio* est Actus, in quo Rotulo jam confecto, Judex mox (a) cum Paribus de Actis ad Collegium quoddam amandandis Consilia conferre necesse (b) habet.

(a) Debet enīm hoc fieri eodem cum Rotulatione contextu, si temporis hoc ferre potest ratio; cum alias nihil obster, quo minus in cunctum differri queat.

(b) Non enim hoc voluntatis est ipsis, sed necessitatis; quia Partium sèpè plurimum interest, ut Deliberatio hæc se præsente procedat.

3. Quæ in Collegii certi Selectione, & selecti Compellatione, residet.

4. Selectio est Judicis & Partium de quopiam Collegio Jurisprudentum, (a) ad quod Acta sint pro impetranda Sententia transmittenda, conventio. (b)

(a) Quam-

(a) Quamvis enim apud Nostrates sit extra dubium, quod hisce casibus non ad privatos unum, vel plures, quod alioquin in Consilio, vel vulgari Responso petendo cuivis est pro suo arbitratu licitum; sed ad publicum aliquod Collegium destinanda sit Transmissio, cujasmodi in *suprà dicta Constitutione Carolina exprimuntur*: Die hohen Schulen/ Städte und Communen. Ordinat. Criminal. artic. fin. in princ. vers. Mo aber xc. In Maximiliana: Auf eine Universität; In Julia: Universität oder Schöppen-Stuhl; & pariter in Saxonica Augusta: Juristen-Facultät oder Schöppen-Stühle; quia tamen hujusmodi plura sunt, tam Facultatum, quam Scabinatum Collegia, ut ex his eligatur unum, necesse fuerit. *Nisi in certis Causis vel Instantiis ex Constitutione quadam Superioris necesse sit, ad certum Collegium Acta transmitti. Quomodo in Electoratu Saxonico in Causis Criminalibus Sententia à Scabinatu Lipsiensi vel Dicasterio Wittebergensi necessariò petenda, ut ea, hoc omisso, ex capite etiam Nullitatis impugnari possit, Oldekop. dict. observat. 7. num. 11. conf. Morla, in Empor. Jur. part. 1. tit. 12. quast. 10. Idem in Electoratu Brandenburgico observari, testatur Constitutio Elector. de Anno 1611. tit. 11. Und als auf sonderbare unsre gnädigste Verordnung auch nunmehr in Peinlichen Sachen bey unser Juristen-Facultät zu Frankfurt an der Oder eben so wohl/ als von dem Schöppen-Stuhl zu Brandenburg geurtheilet und gesprochen werden soll; So hat sich ein jeder in zutragenden Fällen billicher an denselben benden Dertern/ dann in andern außländischen Schöppen-Stühlen/ in allen und jeden Peinlichen Sachen der Rechtlichen Belehrung und Urtheil hinfür zu erholen.*

(b) Quæ non in iussu Judicis, multòminus in arbitrio solo Partium, sive utriusque, sive alterius tantum; sed in Judicis & Partium mutuo consensu & placito conjuncto recumbit.

5. Cujus selectionis hic potissimus (a) est finis, ut, selecto uno, segregentur imprimis illa, quæ sunt suspecta, (b) quæ neutra pars cogitur admittere.

(a) Possunt enim & alii spectari, ut eligatur id Collegium, quod est proximius ad sumptus evitandos. Quod observatum vult in Criminalibus Causis Carol. V. Bey den nähesten Hohen Schulen/ da sie Unterricht mit den wenigsten Kosten zu erlangen vermeynen.

(b) Collegium non suspectum requirit Imperator Maximilianus dicto *suprà loco*: Auf eine unparthenische Universität. Et Illustrissimus Julius Brunsigius: Eine unverdächtige Universität oder Schöppen-Stuhl.

6. Suspicionis causæ possunt esse multiplices, aliæ graviores, leviores aliæ, quæ cujuscunque Partis discretioni (*a*) relinquuntur.

(*a*) Potest enim argui Collegium ut suspectum, in quo Judex, vel Pars adversa, vel ipsius Advocatus habet Cognatum, Affinem, Familiarem, vel Pars ipsa Inimicum sibi, unum, plures. Potest etiam argui suspectum parti Collegium, quod foyet opinionem suæ causæ contraria, vel adversæ amicam.

7. Inprimis id suspectum arguitur, vel quod pro partis adversæ favore, sive contra partem alteram, alteri Consilium ante vel Responsum dedit, vel quod prius in eadem causa solemne Responsum scripsit, sed quod per provocationem à re judicata suspensum fuit.

8. Illud ut evitetur, æquitatem habet, ad quam promovendam Judex etiam non rogatus à Partibus rectè facit, si Parti utriusque, vel alterutri, (*a*) etiam ex officio injungat, ut vel nomina illorum Collegiorum, quæ consuluit, (*b*) edat, (*c*) vel suam conscientiam, quod à nemine sit hac in causa informatus, excusat. (*d*)

(*a*) Quam vel ipse, vel Pars alterutra suspectam habet.

(*b*) Vel à quibus Responsa vulgaria impetravit.

(*c*) Ut nimirum illa prætermittantur.

(*d*) Siquidem Præsumptionibus, Conjecturis vel Indiciis quibusdam, sive à Judice, sive Parte conceptis prægravata fuerit, Schrader. *de Feud. part. 10. sect. 14. num. 20.* Berlich. *part. 1. Conclus. Pract. 42. num. 16.* * Possunt etiam ab hujus metus sollicitatione animum præstare immunem, si ea conditione in Literis expressa Acta ad Collegium transmittant, ut, si Collegium de causa hac ab una parte consultum fuerit, eidemque responderit, Acta integra & non aperta actutum remittantur; vel si unus ex Collegio consultus operam suam navaverit uni parti, is à delibera- tione & voto pro eâ vice abstineat, Brunnemann. *Process. Civil. cap. 27. num. 7.**

9. Hoc ut attendat, longè æquissimum videtur, ne Pars, quæ provocavit, ab eodem ad eundem provocare, quod (*a*) absurdum, cogatur.

(*a*) Et quamvis absurdum sit, vidi tamen illud in Aula quapiam Illustrissimi Principis usurpatum, in qua Viro Nobili cum Consiliario

uno atque altero res erat, qui ipsum Injuriarum accusabant, quod in Literis ad Principem supplicibus, causæ suæ necessitate flagitante, aliquid paulò afferiat, quod tamen verum erat, & non animo injuriandi factum, scripsisset. Reus, in causa cum esset conclusum, ne ad Scabinatum illum, qui sub Jure illius Principis & Aulici Consilii, atque ideo plenus suspicionum erat evidentium, Acta transmittenterent, sed alio quovis locorum, deprecabatur, sed frustra. Scabinatus pro Consiliariis Sententiam cùm dixisset, Nobilis Leuterationem interponebat, & in Secunda hac Instantia cum conclusum esset, iterum ad alium Scabinatum, vel Facultatem Acta amandari petebat impensis, sed frustra. Mittebantur eadem Acta eodem secunda vice, & prior Sententia firmabatur. Interponebatur Leuteratio suprema (die Ober-Leuterung) * quippe quæ in Supremis Electoratus Saxonici Judiciis Aulicis etiam tum admitti solet, cùm in Leuteratione prior Sententia confirmata fuit. Quod in aliis Judiciis Saxonici secus est, vid. Dn. Nicol. *ad Process. Frideric.* pag. 357. *) Et Instantia hac tertia finita, ut Acta tandem transmittenterent aliò, per omnia Sacra rogabat bonus Vir, sed surdis iterum canebatur auribus fabula. Mittebantur Acta ad eundem Scabinatum tertio, & finaliter Reus condemnatus, cum appellandi non daretur licentia, sub clypeo quidem cadebat, sed justissimo & innocentio. Quod commemoro eo fine, ut non attendamus, quid Roma non raro fiat, sed quid fieri ibidem debet. De quo ut tanto minus dubitetur, & quod Partium alterutra Jure possit contra Collegium illud exceptione hac uti, quod in illa causa antehac Responsum dedit, produco testem omni exceptione majorem, Serenissimum Electorem Saxonie Christianum II. Pæ Memoriaz, qui in *Ordinatione Appellatorii Dicasterii Supremi Dresdensis Año 1605. publicata, tit. Wer für unser Appellations-Gericht geladen ist. S. Und mögen demnach ic. vers. Dann sv viel ic.* cùm de Scabinatu Lipsico, quod istuc certi generis causæ pro Sententiis imperrandis amandari deberent, disposuerat: Dah man die Sache in unsern Schöppen-Stuhl zu Leipzig zu versprechen überschicken möge; hanc subjicit limitationem ÄQUITATIS & JUSTITIAE plenissimam: Oder da in Erster Instanz hiebeyorn daselbst erkannt/ an einen andern unverdächtigen Ort überschicken möge. Quibus verbis Princeps illud Collegium, quod jam ante in eadem causa responderat, suspectum vocat.

10. In quam ne quis scyllam incidat, cautela hæc datur Litigantibus, ut etiam hoc circumspiciant, ne ad illud Collegium vel Judicium causa in priori Instantia transmittatur. (*a*) ad quod post Sententiam ex ejusmodi Responso latam in Secunda Instan-

tia Appellatio dirigenda foret, cum his præjudicaret (b) prius Responsum.

(a) Quod sæpius in Silesia, Bohemia & Moravia contingit, ubi consuetum, ut Consultationes hujusmodi ad Judicium Appellationis Pragam transmittantur, an den Appellations-Rath zu Prag / qui postea sæpe in hujusmodi causis, si per Appellationem eò devolvantur, Judices fiunt.

(b) Quamvis enim religiosus & bonus Judex, si antè forsan malè informatus, malè in prima responderit, ex Actis Secundæ Instantiæ postmodum melius edoctus, rectius respondere debeat; quia tamen non omnes Jurisconsulti sunt Papiniani, *qui mori maluit, quam conscientiam ladere,* non raro fit, ut quo prius modo Responsum in priore Instantia erat consulendo, eodem affectu & præjudicio sint illi ipsi obstricti in Secunda Instantia judicando. Cui ut occurratur periculo, cavebunt Partes, ne ad illos in priori Instantia transmittant Acta, ad quos eadem in secunda devolvi possent, Besold. in *Thefaur. Pract. lit. B. tit. 28.*

11. His casibus exceptis, et si nullum Partes Collegium redarguant suspectum, sed Judicis arbitrio selectionem committant omnimodo (a) clara & plana (b) res est.

(a) Ut nullum vel declinare, vel acceptare Collegium velint, susque deque forentes omnia.

(b) Ut Judex, quo velit, Acta transmittat, sive id aperte faciat, ut Partes, quo mittantur, sciant, sive clam Partibus, ut rescire nequeant. Quod posterius interdum videtur tutius, ne alterutra suam causam perse, vel per intercessores (quod non raro factum memini) commendandi istius Collegii Collegis uni, vel pluribus ansam arripere queat. *conf. Robert. Marant. in *Specul. Aur. part. 6. tit. de Appellation. num. 9.**

12. Si verò alterutra, vel utraque Pars, sive contra certa quædam protestari Collegia, (a) sive unum atque alterum, quod sibi confidens (b) habeat, designare, utque eo transmittantur Acta, petere vel utrumque (c) facere velit altera parte contradicente, ita, ut inter Partes conciliari Transmissio non possit; per sortem (d) ut controversia dirimatur à Judice, non iniquum videtur.

(a) Ne transmittantur illuc Acta, non, quod suspecta sint, sed quod alia quavis, quam exprimere non habent necessitatem, causa moveatur: *Als bedenklichen Ursachen.* *Quæ tamen sæpe futilis sunt ac frustratoriae, fortè, ut eo longius Acta mittantur, quo Sententia serius rponun-

pronuncietur. Quod cum compescere magis, quam juvare Judicem conveniat, utiliter constituetur, ut non attendantur tales Protestationes, nisi Pars recusans Rationes disertim alleget, quare hoc vel illud Collegium sibi suspectum sit, cum malitiosa & caluminiosa Recusatio contemnenda, argumento eorum, quæ in simili habet Joan. Paul. Lancellott. *de Attentat. part. 2. cap. 9. num. 17.* Poterit etiam Judex protestandi protestatem restringere ad duo vel tria Collegia, nisi causæ prægnantes adversus plura sint in promptu, Oldekop. *dict. observat. 9. num. 4.**

(b) Confidens vulgo Doctores illud Collegium vocant, in quo quis hanc speciem secretam, quod suæ causæ faveat, illamque ex sua animi Sententia promotam velit, firmiter locatam habet.

(c) Hoc est, & protestari contra quædam Collegia, & simul ad Confidentialia provocare.

(d) Nimis ut tria, vel quatuor Confidentialia, ut vulgo vocant, Collegia Pars utraque Secretario vel Judici in aurem inserat, vel Chartæ clam inscripta eidem tradat, ut ex aliorum collatione facta, si Pars utraque in ejusdem Collegii coinciderit nomine, istuc mittantur Acta. Exempli gratia, si Pars una nominaverit Jenam, Lipsiam & Coburgum, altera Marpurgum, Coburgum & Wittebergam, ut mittantur Acta Coburgum, in quod Pars utraque coincidit.

13. Quod si nomina Confidentialium palam facta sint utriusque Parti, vel his suppressis (a) contra quædam protestata sit Pars utraque vel alterutra, sicuti ex his (b) debet eligere Judex nullum; sic utique nec ex illis, (c) si pars adversa illorum acceptare neutrum (d) voluerit.

(a) Confidentialia enim nemo nominare, nisi sua sponte velit, ne quidem ex Judicis jussu cogi debet, quod rectè contra quosdam opinantes Schraderus docet, *dict. loc. num. 29.* sed sufficit alterutri Parti sibi exosa tantum nominasse Collegia, protestando contra illa. Imò cautè quæ Partes agere volunt, summo studio sibi Confidentialia celabunt, protestando tantum contra exosa. Sic enim sæpe fit, ut Judex unum ex Confidentialibus eligat, quod ipse alterutri confidens esse ignorat. Quod si nominasset, adversa Pars, quod fieri plerumque solet, contra illud protestata fuisset, & selectum non esset.

(b) Contra quæ protestata fuit Pars alterutra.

(c) Quæ Confidentialia sunt nominata ab alterutra Parte.

(d) Quia, contra quæ protestata est, vel quibus adversa Pars contradicit, illa habentur suspecta, à quibus abstinere debet selectio Judicis.

14. Supereft igitur, ut hoc in casu tandem aliquod tertium, quod in alterutrius partis neque Nominationem, neque Protestationem venit, Judicis fidei committatur, idque clam (a) Partibus ab ipso feligatur.

(a) Non, quod hoc sit de necessitate, sed tantum de utilitate; ne quid pars altera contra alteram apud illos, ad quos Acta sunt amanda, machinari queat, ut paulò ante dictum.

15. Ad Compellationem deveniendum, quæ est *Epistola*, (a) Collegio, à quo Responsum peti debet, transmittenda.

(a) Vulgò die Urtheils-Frage.

16. Quæ vel *generalis* est, vel *singularis*.

17. *Generalis* est, quæ, quod Acta Collegio transmittantur, & inter quas Partes producta sint, breviter commemorat; rogans, ut desuper Sententia, quæ sit Juri & Actis conformis, primo quoque tempore (a) pro decente Honorario concipiatur, per Nuncium remittenda. (b)

(a) Hac fere verborum Formula: Wir thun euch beyverwahrt etliche für uns zwischen A. und B. ergangene Acta übersenden / bittend / dieselbige fleißig durchzulesen / eines denen Rechten und Acten gemäß verfaßten Urtheils darüber euch zu vergleichen / und uns solches neben den Acten gegen die Gebühr verschlossen anhero wieder zurück zu senden.

(b) Quæ ut est omnium frequentissima, sic etiam tutissima, nullis quippe fraudibus obnoxia.

18. *Singularis* transmittitur vel cum Actis, vel sine Actis.

19. *Singularis* cum Actis transmissa est, in qua Judex aliquid in specie à Referentibus, (a) quod vel Actis perspicue insertum non sit, animadvertisi, (b) vel in casu plurium Controversiarum Capitum hoc vel illud (c) præ cæteris attendi, reliqua vero in aliud tempus differri petit. (d)

(a) Qui sunt illi ex Collegio, quibus Acta præ cæteris diligenter perlegendi & illorum summam Collegis referendi cura fidelis incumbit.

(b) Etsi enim hoc probari non possit, nec fieri debeat, cum Referentes ex Actis à Partibus productis, non ex Judicis Glossis vel Interpretationibus insertis judicare debeant; quia tamen aliquando contingere potest, ut ejusmodi quid in specie monuisse, vel ipsis Partibus utile sit; ut, si, quod exempli tantum gratia dictum volo, à Partibus aliquid vel loco

alie-

alieno, vel nimis abstruso, aut modo perplexo, vel breviore, quam percipi poterat, dictum sit, quod fortassis Relator sine monitu speciali non advertisset.

(c) Quod vulgò Doctores *Punctum* vocant, ex Actis eliciendum, qui sic, vel aliter capiendus sit, vel hunc aut illum foveat sensum, ad quem hac vice solum Responso dirigenda, non ad Causam Principalem, nec ad alia in Actis producta.

(d) Quamvis enim tantum absit, ut invitus Judex ad hoc faciendum cogatur, ut potius ab illo, tanquam re periculosa, abstinere, &, ut à Partibus Acta sunt producta, ita illa debeat sine suis Additionibus amandare, probante id Schrader. dict. loc. num. 34. si tamen hoc utilitas Cause & Partium postulet, *nempe ut Collegium minus à vero Controversiæ Statu aberrare, nec unum fortè membrum controversum negligere, nullitatemque adeò committere possit, l. in hoc Judicio. 27. ff. Famil. erciscund. * admitti quidem, sed non sine notabili cautela, debet. *Partibus ad ejus formationem perinde citatis l. 1. & ibi Dd. l. 2. 3. Cod. de Relation. Scala de Confil. Sapient. lib. 3. cap. 9.*

20. Quamvis igitur specialis hæc Epistola non sit omnino repudianda; ne tamen sub illo colore dolus incrusteretur, hoc cautiissimè observandum, ut in Actu Rotulationis eodem contextu Epistola ad Collegium transmittenda, in primis hæc singularis, Partibus præsentibus jam ante (a) concepta prælegi debeat, *ut, si id, vel copiam Epistolæ authenticam, petenti Parti deneget Judex, appellari possit, Oldekop. dict. observat. 8. num. 5.* & ab his curiosissimè animadverti, cum in puncto ejusmodi extracto, quis ille, & quomodo à Judice sit informatus; tum in aliis Monitis specialibus, ne quid Collegio Prudentum scriptum sit, (b) quod pars alterutra suo scriptum præjudicio forsan interpretari possit. (c)

(a) Ab Actuario, vel ab ipso Judice.

(b) Non, quod hoc facere liceat, sed si Judex vel Actuarius alterutri Parti forsan iniquior orbitam Juris & æqui, quod quandoque fieri solet, egredi velit, ut Pars illa, quæ se pressam sentit, hoc impedire, & per cautelam etiam abundantem sibi prospicere possit. Quamvis enim consultum Collegium hoc attendere non debeat, si quid Judex præter Acta in favorem Partis alterutrius, quod non semel factum, attendi desideret, *cum Judici affirmanti quid vel attestanti non credatur nisi quatenus ex Actis constat, Cothman. volum. 3. Respons. 30. num. 128. Multò vero

verò minùs moveri conveniet Epistolis Commendatitiis, quas, teste Maranta *dict. loc.* Judices idiotæ in favorem alterius Partis clam sàpè submittunt; * fieri tamen quandoque potest, ut non satis cauto, vel etiam fraudis concio Referenti anguis in herba latitans obrepere queat.

(c) Ad quam suspicionem amovendam Judices vel Actuarii, qui sinceri sunt, hac cautela uti solent, ut Exemplar Epistolæ missæ (*der Urtheils-Frage*) Voluminis Actorum calci insinuant, quo Partes & post Remissionem Responsi, quid Collegio scriptum sit, introspicere queant.

21. Singularis sine Actis Epistola fere in quæstione Juris facto cuidam applicandi tantum versatur, de qua sine Scriptis coram Judice controvertitur, qui per Epistolam Collegio Juris quæstionem brevibus verbis proponit, & illius decisionem, quid Juris, petit. In qua hoc requiritur, ut omnes ad quæstionis decisionem spectantes circumstantiæ (a) adnotentur, & cum Partium prævio consensu & approbatione Epistola ritè & cautè concipiatur.

(a) In quibus cùm aliquando contingat, ut aliquid, fortè per Impudentiam, omittatur, vel obscurius aut perplexius narretur; Juris-prudentium Officio hoc incumbit, ut, quantum per Conjecturas afferri licet, (cum Clausula tamen, si res ita se habuerit: Wofern dieß oder jenes sich alß wird verhälten / wie wir es verstehen vder muthmaßen / &c.) supplere & emendare, si quid desit, vel obsit potius; quam sine Responso Nuncium mittere velint, cuius licentia in Rescriptis & Decretis Exempla etiam non pauca invenire licet, ut docet Speckhan. *centur. 3. class. 3. quest. 8.*

22. Supereft Amandatio, quæ huic actui colophona statuit, quando Judex Acta ritè compacta, (a) vel illorum vice solam Epistolam suam (b) Nuncio tradit, ut illa ad locum, clam (c) vel palam designatum, mature deferat. (d)

- (a) Et ritè consignata, ut antè dictum.
- (b) A Partibus revisa & comprobata.

(c) Quo casu si Collegium clam Partibus est designatum, Actuarius relegendi Epistolam nomen illius Collegii, cui est inscribenda, supprimere, & Epigraphen, remotis Partibus, Epistolæ inscribere solet.

(d) Cui hoc in Mandatis dari solet, ut vel exspectet isthuc in loco, quo alegatur, donec Responsum à Collegio expeditum reportet; si nimi-

si nimirum Acta non nimis prolixa sint, ut brevi tempore (quo casu ipsi pro mera in singulos exsolvenda Dies Merces, Still-Lager-Geld / promitti solet) expediri possint, vel, si Rotulus Actorum major sit, quam ut brevibus evolvi & perlustrari queat, ut Collegii Actuarius Nuncium ad suos remittat, Scheda quapiam (quam vulgo Recepisse vocant) Consulentiis inscripta, in qua de Salarii quantitate, & tempore, quo Responsum repeti debet, certiores illos facit. *Debet autem hæc Amandatio, præsertim in Criminalibus, fieri, quantum potest, celeriter, ne Captivi diuturniore Carcere divexentur, aut etiam justæ condemnationi eximantur, argum. *l. de hū. s. Edi. de Cuffed. Recr. Carpzov. Præt. Criminal. quest. 116. num. 20.**

CAPUT VII.

De Forma rescribendi Responsa.

Dictum de modo Responsa ad Collegium transmittendi: *jana de Modo Rescribendi* (a) eadem dicendum, qui in illis prius dandis, post remissis consistit.

(a) Quando ad Consultationem Iudicis, quid Juris sit, querentis respondetur à Collegio.

2. In dandis Responsis spectantur duo: *Relatio Actorum transmissorum*, & ex Actis deprompta *Responsi Conceptio*.

3. *Relatio* est ex diligentissima: Actorum transmissorum reflectione Status Controversi, quis sit, & quomodo probatus, fidelissima (a) commemoratio (b) Collegis facta.

(a) Dux igitur Virtutes in Relatore splendescere debent cardinales, una, diligentia in Actis relegendis accuratissima; altera, fidelitas in Statu Causæ ex Actis exsculpendo summa, utraque maxima.

(b) Cui qui dat operam, *Relator*, vel *Referens*, vulgo *Referendarius Affer*, nominatur.

4. In Relatione spectatur cum Persona, tum Referendi Modus.

5. Ad Personam quod attinet, solet hoc Munus pro diversis eujusque Collegii Statutis vel Moribus (a) interdum duobus, (b) vel

vel etiam pluribus, (c) ut plurimum vero uni (d) tantum deferri, qui plerumque solet esse junior, (e) quandoque vero etiam reliqui excepto Decano, (f) singuli, sed per vices ordine. (g)

(a) Aliis enim alia placent, & suum cuique palehrum.

(b) Quod sit in Collegio Wezlarensi Imperiali Dicasterii, ex quibus Referens alius, alias Correferens vocatur. *vid. *Recess. Imper. de Anno 1654.* §. *Diesmannst. II. 145.* ibi: Und wann etwan der Referent in Facto sich verstoßen / der Correferent solches erinnern möge; ubi rationem vides.*

(c) Ut in Collegio Juridico Patavino sit, in quo, teste Menoch. lib. 2. *presumpt. 17. num. 11.* ex toto Collegio Facultatis Juridicæ, quod ex XX. Doctoribus Jurisconsultis constat, quinque sunt Referentes selecti.

(d) Quod in Collegio nostræ hujus Universitatis Erfurtinæ ante Annos plus minus CCL. est receptum.

(e) Quod itidem nostris placuit antiquitus, sed ita, ut non, qui aetate, sed tempore receptionis ad Collegium junior sit, donec alius ipsi succedat. Cujus rei rationem forte nostri Majores hanc habuere, quod Juniores ad laborandum magis essent apti, & Seniores ab hisce molestiis exonerandi. Verum ecquid hac ratione utilitati consultum sit publicæ, ego valde dubito, *maxime in Criminalibus, Oldekop. tit. 1. *obseruat. 7. num. 18.** qui putarem hoc onus non, nisi exercitatisimo cuique inter Collegas, imponi debuisse, cum nullus in toto Juris Studio Relatione fideli & erudita labor existat gravior.

(f) Hic enim cum suffragium habeat conclusivum, non referre, sed de Relatione judicare debet.

(g) Ut secundum ordinem Collegarum in eo, quod primò afferatur, Senior referat, quod secundo, is, qui hunc sequitur, & ita deinceps; quæ mihi quidem, si meo res arbitrio staret, ratio Relationis magis placeret.

6. Modus Referendi sic se habet, ut Relator in Actis relegendis primum omnium spectet Personas litigantes, & earum Procuratores. Illas, ecquid legitimam standi in Judicio Personam sustineant; istas, ecquid legitimis Personas suas Mandatis (a) informarint.

(a) Ut Nullitates hinc inde emergentes evitari possint; cum non omnes in Judicio versari, nec sine Mandato quispiam pro alio litigare possit, tot. tit. *Institut. de iis, per quos agere possumus.* *vid. *Sebast. Vant. tractat. de Nullitat. tit. de Nullitat. ex defect. inhabilitat. seu mandat.*

7. Dein:

7. Deinde ecquid litigandi Processus ordine recto & pleno, an vero manco aut præpostero sit observatus. (a)

(a) Inprimis ne quid sit omissum, quod ad substantialia Processus pertinet, ut sunt: *Citatio, Libellus, Litis contestatio & Probatio;* quarum vel unica si sit prætermissa, Processus est nullus; *Vant. dict. loc. tit. de Nullitat. ex defect. *Citationis.* item tit. de Nullitat. ex defect. *Processus.**

8. Postea, si Personæ & Processus sibi constent, siquidem in Prima Litigantes adhuc versantur Instantia, casus, hoc est, universi Species Facti, super quo lis est, ex Libelli & Exceptionum quasi visceribus & Narratis breviter quidem, sed clare & perspicue excerptus, est designandus. *Conf. dict. *Recess. Imper. de Anno 1654.* §. *Dei Modum Referendi* betreffend II. 143.**

9. Quo perfecto, ecquid Actor possit, & quanam experiri Actione, cum ex Facti Specie, tum potissimum ex Libelli Conclusione, & Petitis Actoris dehinc dignosci debet.

10. Quæ si plana & Legibus probata, postmodum ad Rei Responsionem, quomodo se habeat illa, præ omnibus intentus esse debet, ecquid Reus ad illam negative, vel distinctive (a) se declarabit.

(a) Tertium eff nullum. Nam affirmativæ si responderit Reus, nulla lis est, nec controversia, sed Actor Judicem, ut contra Reum confessum executivè procedat, implorat. *Unde improbari solet quibusdam Dd. distinctio inter Litis contestationem affirmativam & negativam, Vigil. de Lit. Contestat. cap. 1. Perez. ad tit. Cod. de Judic. num. 3. & 4. Bachov. ad Treutler. volum. 1. disputat. 12. thes. 2. lit. C. Vinn. lib. 1. Select. Jur. Question. cap. 17. Verum lis de nomine potius, quam de re est, &, quam Actor distinctivam vel exceptivam, illi affirmativam vocant, quod Reus respondendo aliquid affirmet seu fateatur, non illud tamquam in quo vertitur cardo subsequentis litis, quæ super exceptione affirmationi subjecta oritur, vid. Jac. Maestert. tractat. de Compensation: quæst. 29. num. 1. Qualem quidem confessionem mihi quoque videtur intellexisse Glossa in Cap. unic. X. de Lit. Contestat. conf. Hahn. ad Wessenber. Paratitl. Pandect. de Judic. num. 7. *

11. Si negative, ecquid Actor intentionem suam juxta principalia Actionis sua Requisita probaverit, diligens explorator esto Referens. (a).

G 2

(a) Acto-

(a) Actore enim non probante Reus absolvit debet, l. 23. Cod. de Probation.

12. Sin distinctivè vel exceptivè, ecquid Exceptione sua Reus Actoris intentionem eliserit, (a) & Defensionem suam, Actore negante, ritè probaverit, *cum in exceptione Reus Actor fiat, l. 1. ff. de *Exceptione*. junct. l. 19. ff. de *Probatione*. conf. l. 1. §. 4. ff. de *dol. mal.** diligens scrutator erit.

(a) Quod fit, si Exceptio sit Legibus probata, & cause insit.

13. Si vero in Appellationis versentur Partes Judicio, Referens primum Formalia Appellationis inspiciet, ecquid debito tempore & modo Appellatio sit tam interposita, quam introductory, fatalibus ritè observatis. *vid. Guilielm. Roding. *Pandect. Can. lib. 1. tit. 27.**

14. Formalia si sibi constent, ecquid Appellationi sit deferendum, (a) spectari debet.

(a) Ecquid Summa, vel Causa sit appellabilis; ecquid à Judice à quo licitum sit appellasse ad Judicem ad quem &c.

15. Si illa sibi constent, ad Materialia se convertit, &, quod tam ac quale sit negotium in Prima Instantia tractatum; ecquid nulliter vel iniquiter processum, ponderabit.

16. Nullitatem Processus, si prioris Judicis Jurisdictionem non impugnet, & Juri Naturali non aduersetur, (a) Referens magno- perè non attendit.

(a) Hoc est, si Substantialia Processus observata sint.

17. Ad Iniquitatem ergo & Merita Causæ potissimè respiciet, quæ tam ex Actis prioris, quam posterioris Instantiæ acriter discussere, & exinde, ecquid Judex prior bene, vel male judicarit, examinare debet.

18. Et tandem super his omnibus Relationem suam summariè conceptam in promptu habebit, Collegis in Collegiali Conventu exhibendam. *conf. Stypmanni *Tractatum de Referendariis*; & Besoldi *Dissertationem de Modo Referendi*.

19. Conceptio Responsi ex Actis depromendi sic se habet, ut Collegis in Concilium justo tempore (a) vocatis Referens & Actorum summam sic, ut dictum, ex his breviter extractam referat,

& su-

& suam circa Responsum desuper dandum, utrum Reus sit condemnatus, an absolvendus, & quid fiat de Expensis, (b) animi sui Sententiam exponat.

(a) Quod plerumque Collegii Statutis definiri certum solet. Quale nobis fuit olim dies Jovis circa Primam Pomeridianam in singulis Septimanis, quod ope mea merito abolitum, cum cause, prout incident, ita Concilium quovis die, ut expediantur Nuncii, requirunt.

(b) Utrum Victus in has sit condemnatus, an verò illæ inter Partes compensandæ. *vid. Carpzov. *Process. Jur. tit. 24. artic. 1. num. 3. & seqq.**

20. Quæ Collegarum mox suffragiis ex tempore prolati (a) ita committitur, ut si consonent omnia, Referentis Sententia in vim Responsi transeat, sin dissonent, quod pars major conculserit, obtineat, & ex hoc Actuarius Responsum (b) in formam redigat.

(a) Quæ vulgò Suffragia vocantur vocalia.

(b) Quod vulgò vocant Collegiale. Unde Consulentium nata petitio: Dass man sich eines Außspruchs darüber collegialiter vergleichen wolle.

21. Qui modus Responsa dandi, licet vulgò receptus, multis tamen cordatis displicet, (a) & quidem non levibus de causis.

(a) Inter quos est magni nominis Jurisconsultus Menochius, dicit paulo ante loco, qui suum ipsius Collegium Patavinum hanc ob causam reprehendit, quod ex XX. Collegis tantum V. Doctoribus ex sua Relatione Responsi conceptionem committat.

22. Quod enim inter omnes ferè solus Referendarius Acta transmissa ita perlegit, ut ipsius Relationi, tanquam si esset autentica, fides habeatur, id periculo non (a) caret.

(a) Certè leviore nititur, quam ut in illo Christiani & Viri boni Conscientia possit acquiescere, fundamento.

23. Quid enim, si Referens vel aliis occupatus Negotiis *vel multitudine Actorum obrutus, quod quanto celebrius quodque Collegium, tanto frequentius contingit* cursorie perlegat Acta, vel cum bono, maximè si recentius accessit, inter legendum indormiscat Homero? hæc vel illa magni momenti circumstantia non animadversa? si ab orbita Juris alicubi, quod humanum est,

aberraverit? quid si quispiam ex Consulentibus ipsius in referendo suffragium emendicarit? (a)

(a) Quamvis enim hæc de Collegiis hujusmodi præsumenda non sint, experientia tamen sèpè testatur illud, quod Egidium Bellameram de Decisionibus Rota observasse, ex Marian. refert Joan. Nevizan. lib. i. Syl. Nuptrial. num. 62. quod Domini de Rota sèpè ex inadvertentia responderint, & quod Rota quandoque rotare soleat.

24. Quibus ut occurri possit periculis, satius est, ut suo quidem Relator officio incumbat, sed ut Actorum transmissorum Collegis singulis æque diligenter domi perlegendorum Copia non modo detur, sed, quod Officii cujusque sui & Conscientiæ ratio id expostulet, ut ab omnibus & singulis (a) accurata perlustrentur & ipsamet diligentia.

(a) Cum oculi duo plus, quam unus, discernant; & facilius, quod à multis queritur, inveniatur; & alterius sive oculis, sive auribus credere, tutum satis non sit; cum non raro sui fallant quem, una cum auribus, oculi; &, si Relator deliret, poena non illi tantum, sed reliquis Collegis suis, non modo in Poli, sed & Soli Judicio quandoque luenda veniat.

25. Neque vero periculum minus & hoc est, si ex tempore ad prolatam à Relatore Sententiam suum animi judicium Collegæ sic expromere (a) debeat reliqui, ut præmeditandi, & in Rationes Causarum, quibus Relator motus ita censuit, inquirendi tempus nullum habeant.

(a) Cum ex tempore felix capere Consilium, * & esse, ut de Themistocle loquitur Thucydides lib. i. κατισεν αὐτοχειράζειν τὰ δέοντα * non sit cuiusvis; & absque præmeditatis, & eis ἐκάτερον accuratè percusculatis Rationibus in gravis ponderis Negotiis, maximè, cum de corio luditur alieno, prorupisse in alterius opinionem, id temerarii sit potius, quam prudentis opus. Adeò, ut satius & hic sit, si ferat temporis ratio, quid Juris & æqui in utravis parte statuendum sit, in Consilium prius ivisse domi benè deliberatum, quam sine præviâ deliberatione Sententiam præcipitasse. * Impossibile enim est, ut infeliciter succedant, quæ maturo sunt consilio, Anton. de Guevara in Horolog. Princip. lib. i. cap. 43.*

26. Nec tam exploratum est, ut vulgo putatur, quod major pars, ut vulgo loquuntur, (a) concludat; & quod illa ex pluribus

in

in Consilio prolatis Sententia sit melior, (b) quæ plurium Doctorum de Collegio suffragiis coincidentibus est stabilita. (c)

(a) Quod Patavini Collegii statutum, ut & nostri quondam, probare se nunquam potuisse Menoch. dict. loc. fatetur; quia ut plurimum nemo sit, qui à Relatoribus (Patavinis quinque) dissentiat. Ex quo fiat, ut, quod Responsum datur, non sit Virorum XX. quod tamen vulgo creditur, sed quod quinque duntaxat (hic unius) Relatorum Responsum vel Sententia non inari Jure possit.

(b) Sanè si suffragia ferrentur omnia Verona sat enucleata, hoc est, ad æquilibrium Legis & Moris curiosè perspensa, non repugnare magnopere. Quia autem hæc plerumque sunt Placentina, hoc est, ad placitum alterius, sive ex affectu quopiam, sive pro more tantum, ad complendum numerum, sine ulla Juris & æqui trutina, profusa; quin & hæc sint periculosa nimis, nemo diffitebitur.

(c) Non enim, quod gravissimum est Senecæ Philosophi de Vir. Beat. cap. 2. dictum, tam bene cum rebus humanis agitur, ut meliora semper pluribus placeant, utque optima putemus ea, quæ magno afflusu recepta sunt, & quorum exempla nobis multa prostant. Eadem probamus, eadem reprehendimus, & hic exitus est omnis Judicij, in quo lis secundum plures datur, ut uniusque malis credere, quam judicare; ut nunquam (de Sententia proposita) judicetur, semper creditur. Et ne longius abeamus ad profanos Philosophos, en Jehovæ ipsius Exod. 23. vers. 2. quo vulgatum illud (major pars concludit) præceptum rejicitur, quod Dn. Lutherus ita vertit: Du sollt nicht folgen der Menge (majori parti) zum Bösen / und nicht antworten für Gerichte / daß du der Menge nach (majore cum parte) vom Rechten weichest. Vide, quæ in hanc rem plura sunt à me scripta part. 2. thes. 1. part. 3. thes. 20. 57. 58. in commentar. de Jur. Retorsion.

27. Satius igitur & hic egerimus, si suffragia non tam sequamur majora (a) quam saniora, hoc est, melioribus argumentis firmata; si potius, quod justum est & æquum, respiciamus, quam quod pluribus probatum; si potius judicia astimemus, quam ponderemus.

(a) Nec enim est, quod inquit idem Seneca dict. loc. cap. i. ut mibi illud discessorum more respondeas: haec pars major esse videtur; ideo enim peior est. Nihil profecto magis præstandum est, quam ne pecudum ritu sequamur antecedentium gregem, pergentes non qua cundum est, sed qua itur. Nec ulla res nos majoribus malis implicat, quam cum non ad rationem, sed similitudinem vivimus. * Conf. August. Buchner. ad Plin. lib. 2. Epist. 12. Quid si tamen quæque dissiden-

tientium pars pertinacissimè contendat, suam esse meliorem, neque altera alteri post seriam etiam Consultationem cedat? Tum sanè ut aliqua ratio sit expediundi negotii, æquius esse nemo inficiabitur, ut partem maiorem, quæ rationem integri habet, sequatur minor, illiusque Sententia in dubio pro veriore habeatur, Grot. lib. 2. de Jur. Bell. & Pac. cap. 5. num. 17. Loffæ. de Jur. Universitat. part. 1. cap. 3.*

28. Quibus ego motus Rationum momentis in nostra Facultate (a) antiquatis quibusdam, tam Moribus, quam Statutis, (b) hoc tandem obtinui, ut post Referendarium singuli ex reliquis Collegis eadem Acta fideliter domi perlegant, Sententiam Referendarii, (c) si visum fuerit, ita corrigant & emendent, addendo & detrahendo, imò plane, rejecta illa, suam (d) apponant, (e) ut ex his inter se collatis eligatur tandem, non, quæ plura habet suffragia, sed quæ melioribus Rationibus suffulta. Neque me facti peenitet hucusque, * & adhuc constantissimè id observari solet.*

(a) Cui jam adsedi, & primum quidem, ut Referendarius, per Annos X. continuos; deinde majori ex parte, ut Decanus & Senior præsidi Annos XXIV. Divina favente gratia.

(b) Quibus cautum, ut referret Junior, utque ex eius relatu, & Juridici ipsius fiducia freti Collegæ reliqui, non revisis, si paulò ampliora essent, Actis, in ipsius opinionem descenderent.

(c) Qui ad exemplum Patavini Collegii, teste Menochio, semper apud nos est Junior Sententiae Conceptor.

(d) Quod omne semper fit Literis Chartæ Relatoriæ sic adscriptis, ut hæc suffragia non sint vocalia, sed Tabellaria potius, pro more Romanorum Magistratus eligentium.

(e) Quemam morem Menoch. dicit. loc. de Collegio Papiensi prædicat, in quo, licet Majora concludant, hoc tamen observatum ita fuit, ut duobus, vel tribus Relatoribus electis, non prius redderetur Responsum, quam si singuli Partes, propositis sibi à Relatoribus cause dubitationibus, privato diligentique adhibito studio quæ sua esset hac de re Sententia, exposuissent coram Collegio.

CAPUT

CAPUT VIII.

De Responsis, cum à Collegio concipientis, tum ad Consulentes remissis.

I.

Responsi sic dati supereft *Remifio*, quæ est Responsi à Collegio Prudentum rite confecti ad Judicem, qui illud sibi dari rogaverat, unà cum Actis per Nuncium reportatio.

2. In qua considerantur tria Officia, quorum primum Consultores, (a) secundum Consulentes, (b) tertium solos Litigantes respicit.

(a) Ambiguum hoc est quidem vocabulum, ut & illum, qui petit, &, qui dat Consilium, denotet; sed hic accipitur pro illo, qui dat Consilium alicui, Auctore Salustio: *ut Fautor Consultorumque sibi adsit.* Et in illo Proverbiali, * quod apud Varronem extat lib. 3. de re Rustic.* *Malum Consilium Consultori pessimum.* *Eleganter quoque Tacitus lib. 4. Annal. cap. 10. ubi Vescularium Flaceum, insidiarum ante in Libonem internuncium, à Tiberio ad mortem actum memorat: *Quo latius, inquit, acceptum, sua exempla in Consultores recidisse.* In quem sensum plura vide apud doctissimum JCTum, Conrad. Rittershus. ad Oppiani lib. 3. *Malum Consilium Consultori pessimum.* Vers. 384.*

(b) Judicem scilicet & Partes simul, qui Prudentes consulunt, hoc est, ab his Consilium petunt.

3. Consultorum Officio incumbit, ut per suuna Amanuensem Responsum à se conceptum curet pure describi, descriptum Sigillo Collegii (a) sui, & Subscriptione ipsius Nominis (b) confirmatum, unà cum Actis, si qua fuerunt transmissa (c) excepta Epistola, (d) in Rotulum redactis omnibus, (e) & iterum caute obsignatis, Nuncii repetentis & Honorarium (f) offerentis manibus redi, ad Consulentes reportandum. (g)

(a) Hac ferè Clausulâ: Urkundlich haben wir dieses mit unserem aufgedruckten Secret (Siegel) bekräftigt. Geschehen ic.

(b) Hoc ferè modo: *Decanus (Ordinaris) Senior, und andere Doctoren der Juristen-Facultät (des Schöppen-Stuhls) zu K.*

H

(c) Fit

(c) Fit enim quandoque, licet rarius, ut absque Actis sola quædam questio transmittatur in Epistolæ, quæ non remittitur, forma, à Collegio decidenda, de qua re supra dictum.

(d) A Consulteribus transmissa, quæ penes Collegium manet: Die Urheils-Frage.

(e) Omnia enim & integra debent Acta, quæ transmissa erant, remitti, ne suspicio emergat, fuisse quædam à Judice vel Actuario suppressa.

(f) Pro studio, ut vulgo loquuntur, Sententiæ, ad labores in Responsum impensos, prout Acta fuerint prolixa, causæ difficillimæ, quæstiones plures, seorsim decidenda &c. ex æquitate, quæ non raro prægravatur, compensandos. Quod enim aliquibus in locis observari docet experientia, ut in Criminalibus, Matrimonialibus, Feudalibus, Possessionum & Successionum, item, lautoris fortunæ Litigantium causis Salaria, si non multiplicantur, saltim duplentur, id, quia sordes & foedas olet avaritias, æquum non puto. Hoc tamen improbari non debet; si Rationes decidendi pertantur à Consulteribus, ut decisioni adjiciantur, ut his insertis Salarii quantitas extendatur aliquatenus.

Quod tamen per novissimum Recessum Imperii Anno 1654. non licet §. Ob er auch schon xc. 61. ibi: Gestalt dann solche Collegia Juridica bey Abfassung der Urtheil die ex facto genommene Rationes decidendi allemal kürzlich aufzusegen / und auf Erfordern des Judicis à quo ohne Entgelt aufzustellen schuldig seyn sollen.

(g) Ecquid autem Dies, Mensis, & Annus Responsi Clausulæ sit assignandus, queri solet. Vulgo videtur hoc prætermitti ab aliis plerisque, & ante hæc tempora etiam à nostro Collegio. Cujus utique rei causa cum me lateat, ego in nostro Collegio ante paucos Annos, ut annotaretur hoc tempus, in consuetudinem induxi, quæ nemini nocet, prodest autem Consulenti sèpius; & yidi hoc in Responso quopiam neglectum Consulteribus magno constitisse, cum adhuc curarent tempus apponi. Quod ipse vidi observatum à Scabinatu etiam Coburgico.

4. In quo Actu cum dubitatum sit, primum, ecquid Responsum in Epistolica Consulteribus sit, sicut erat transmissum, remittendum; an verò in Sententiæ Judicialis forma? Sanè, si Consulentes hoc disertè postulaverint, ut illud in forma Sententiæ decisiæ, & suo Consulterium (utpote Judicium) nomine conceptæ, remittatur, (a) postulato deferendum erit, & ita quidem, ut

ut Sententiæ (b) descriptæ Sigillum Collegii apponatur cum adjecta è Régione contestatione; cujus auctoritate Sententia sit ita dicta, (c) & una cum Epistola seorsim (d) Consulteribus inscripta.

(a) Quod sèpè fieri solet: Ihr werdet euer rechtmaßig Bedenken in Form eines Urtheils / und in unserm Rahmen abgefasst / uns verschlossen übersenden / &c.

(b) Cuius hæc esse forma solet: In Sachen A. Klägern / wider B. Beklagten / sprechen wir Bürgermeister und Rath zu N. nach eingeholtem Rath der Rechts - Gelehrten für recht / daß Kläger seiner Klagen Intent, wie Rechtens / nicht erwiesen / und demnach Beklagter von angestellter Klage mit Wiedererstattung der Unkosten zu entbinden / V. R. W.

(c) Quæ solet esse talis: Das dieses Urtheil denen uns überschickten Alten und den Rechten gemäß gesprochen / thun wir Decanus, Senior &c. Kraft unsers Siegels hiermit urkunden.

(d) Quæ talis esse solet: Günstige gute Freunde: Auf euer Begehrten thun wir euch die überschickte Acta neben dem darüber abgefassten Urtheil übersenden / und sehn euch in dergleichen und andern Sachen auf Begehr zu willfahren ferner geflissen.

5. Si vero simpliciter Consulentes petiverint, ut, quid Juris sit, informentur; fermè obtinuit, ut Responsum in Epistolica Forma, (a) qua petitum erat, rescribatur.

(a) Cui Tenor tamen Sententiæ, per Prosopopœiam imperfictam, ut vocant Rhetores, relatæ, debet claris verbis inclusus esse; hoc ferè modo: Als ihr uns etliche Acta in Sachen A. contra B. um Belehrung des Rechten zugesendet / sprechen wir darauf für recht/ weil Beklagter der geflagten so. fl. so Kläger für etlichen Jahren ihm vorgesetzet / nicht in Abrede / daß er dieselbige Klägern mit dem Interesse von Zeit des Verzugs inner Sachsischer Frist / zusamt den verursachten Unkosten / doch auf vorgehende Moderation, abzustatten schuldig: Könnte er aber / und wollte / wie Rechtens / beweisen / daß er Klägern mit dieser Schuld an seinen Delitorn C. den er / Kläger / auch gutwillig angenommen / verwiesen / wäre er damit in gemeldter Frist zu hören / und ergienge alsdann darauf ferner was recht ist.

6. Deinde, ecquid cum Judice (a) desiderante, vel Parte altera contra alteram petente (b) Exemplar Responsi liceat seorsim communicasse, antequam illud sit publici Juris factum? (c) puto precibus hisce non esse indulgendum, sive publicè, sive privatim fit

sit illud Responsum à Jurisprudentibus impetratum, cum tendat hoc semper in partis alterius præjudicium, (d) quod sine Suspicionis turpis vitio (e) nec possunt illi, nec debent excitatæ, quos in partem utramque ex æquo & bono decet æquè proclives esse; (f) ne, cùm uni gratificari cupiunt, alteri injuriam faciant, quod à Viris bonis, quales esse Jurisprudentes oportet, prorsus alienum esse debet. Nisi hoc cum Partis alterius Consensu fiat, vel justam (g) causam habeat.

(a) Quod non raro factum memini, quando Judex cupiebat Exemplar Responsi descriptum, (die Copey) secum seorsim, Partibus insciis, communicari.

(b) Quod & ipsum non raro nobis in nostra Facultate obtigit, cùm pars una alteram impetrasse informatum simplex privatum resciverat, ut altera illius Exemplar secum communicari rogaverit; vel, si Judex Acta transmittat, ut altera pars Responsi Exemplar sibi seorsim dari petat.

(c) Si enim jam sit publicatum Responsum solemne, vel Pars altera Judici obtulerit vulgare, quod obtinuit, Responsum, eo casu Judex illud cum Partibus potentibus communicare debet.

(d) Præjudicium est, quod ante ipsum Judicium est conceptum, & ideo promulgatum, ut præbeat Judicio futuro, quod imitetur in eadem, vel simili causa, exemplum. *Breviter Ascon. Pedian. in Verri. Cic. Præjudicium, inquit: *Est res, que cùm statuta fuerit, afferit judicaturi exemplum, quod sequantur.* vid. l. penult. ff. de his, qui sūi vel alieni juris sunt. l. inde Neratius. 23. §. si dolo. 9. ff. ad Leg. Aquil. l. si quis. 5. §. meminisse. 9. ff. de agnoscend. & alend. liberis. l. in dubiis. 23. §. fin. ff. de jurejurand. Bachov. ad Treutler. volum. 2. disputat. 26. thes. 4. lit. A.*

(e) Solent enim Judices quidam illud flagitare; si Tenorem Sententiae futurae præsciant, ut Partem, quam favore prosequuntur, instruant, ut potius quovis modo Transactionem cum parte vicitrice futura ineat, quam ut eventum Sententiae promulgandæ exspectet, quem in casu dubio pars vicitrix futura, cum suæ est victoriae ignara, sèpè sibi exsculpi, maximè Judice, sèpè cum concussione, instigante, patitur, cùm satius esse putet, ex parte cedere de Jure dubio suo, quām totum illud, quod metuit, amisisse. *Ob eandem evitandæ pravæ Suspicionis causam siudet Judici, Carpzov. part. 3. decis. 243. num. 14. ne is privatim ante Terminum Publicationis Acta resignet, Sententiaque Tenorem furtivis oculis anticipet. Ubi tamen si id protervè factum fuerit, Sententiam

tentiam ob id, tanquam nullius valoris impugnari non posse, post Rationes elegantí Scabinatus Lipsiensis præjudicium confirmat.*

(f) In quem lapidem offenceonis non impingere Judices non posunt, cum, qua in parte unius partis favorem ex affectu quopiam non æquo promovent, alterius ex eadem causa Justitiam premere soleant.

(g) Qualis quāndoque locum habet in Criminalibus Causis, ut Judex, ecquid condemnandus sit Reus, vel absolvendus, & quā poenā sit afficiendus, præscire debeat, ut de rebus ad Executionem necessariis sibi prospicere queat. Ubi quæritur iterum, si Pars una clam Judice & Parte altera Collegium aliquod consuluit, & pro se Responsum obtinuit, si Judex & Pars ignari hujus Consilii privati, Acta transmittant huc eadem ad Sententiam desuper concipiendam, utrum Jurisprudentes hæc acceptare, an verò ad Judicem ex causa, quod jam ante super his Actis, vel Interrogationibus à Parte altera consulti fuisse, remittere, & Responsum detrectare debeant? Nos, cùm nuper hic objectus esset Collegio nostro scrupulus, in ea permansimus Sententia, quia antea sine ullis affectuum motibus ex bona fide super his Actis Sententiam dixeramus, quæ nobis visa erat Juri, & Actis transmissis conformis; quod eventurum esset, nos fore omnium imprudentissimos, si nos ipsos voluissimus prodere in hac causa suspectos, in qua aliud, quām quod ante, sine ullo ad alteram partem affectu, datum fuerat Responsum, super Actis eisdem, fidéliter ante ab altera Parte transmissis, dare non possemus; cum nihil obstaret nobis, quo minus Idem illud, quod ante Parti uni ex æquo & bono à nobis erat datum Responsum, & posteà dare Judici cum altera Parte vellemus. Sanè si Pars altera, cum rescivisset illud, metu Suspicionis correpta fuisset, exceptione suspecti nobis objecta, causa nobis, cur noluissimus altera Parte invitatis huic Responso obtrudere, data fuisset. Cessante autem illa, causam habuimus nullam, cur nosmetipso argueremus suspectos, qui nullius nobis essemus Suspicionis consciit. Non enim ex eo Judex revera est suspectus, vel alterius Partis affectu seductus, quod Parti adversæ metus Suspicionis incutitur, quasi ille futurus esset alteri Parti iniquus, sed quia Viri & Judicis est boni, ne suum Officium obtrudat invito & repugnanti, & quia debet non tantum hoc agere, ne sit iniquus alteri Parti, sed etiam, ut ab omni Suspicionis sit immunis vel levissimo indicio. Idecirco suas hoc Collegium abstinet merito manus & sensus ab hujusmodi Judicio, in quo Suspicionis cujusdam ab altera Parte, licet falso, insimulatur. Quæ si nulla obstat, nullam Judex causam, ut ipsem sc, qui talis non est, suspectum prodat, habet.

7. Consulentium Officium in duobus est conspicuum, quoniam prius, ut quam primum Nuncius Responsum cum Actis (si qua erant transmissa) Consulenti reddidit in Rotulo obsignato, Judex Partes litigantes judicialiter certo die ad videndum publicari citare, & comparentibus ipsis (a) remissum à Prudentibus Responsi Rotulum adhuc obsignatum in Judicio ipsis undique circumspiciendum (b) exhibere debeat. (c)

(a) Per se, vel per alios; *quid si ante Publicationem defuncta sit pars alterutra Litigantium? Hæres lite demum reassumpta comparebit, vid. Carpzov. *Process. Jur. tit. 16. artic. 3. num. 28. & seqq.** vel si absentes Judicis fidei aperturam committere voluerint, *aut Citati ad Publicationem per Contumaciam non comparuerint, vid. Brunnemann. *Process. Civil. cap. 27. num. 45.* Absenti vero, Sententia publicata, à tempore Scientiae currit Decendum, Carpzov. *dicit. loc. num. 24.**

(b) Ecquid Sigillum Collegii, quo Rotulus est obsignatus, sibi constet integrum, ne clam Partibus ante sit resignatum.

(c) Schrader. *dicit. lbc. num. 35.* Berlich. *citat. loc. num. 15.*

8. Quo salvo, resignandus est Rotulus, sed Responso nondum (a) publicato, cum Acta prius perlustranda sint à Partibus, ut dispiant, an sint integra & plena, ita, ut nec absit, nec superfit quidpiam, (b) & transmissa ad Collegium, & ab eodem remissa. (c)

(a) Sed ad tempus seposito.

(b) Quæcunque enim Acta sunt à Collegio remissa, illa tantum transmissa ad Collegium censemur.

(c) Cum suspiciosi qui sunt, & alias Judicem vel ipsius Actuarium habent suspectum, metuere soleant, ne Rotulus transmittendis post Obsignationem, antequam Tabellario traderetur, resignatus fuerit, & aliquid sinistri vel insertum, vel in alterius præjudicium excerpatur.

9. Si salva & hæc sint, ad publicationem quidem Responsi mox procedendum, sed hoc prius animadverso: si Collegium non sit, ut in Sententia in Judiciis usitatæ figura responderet, rogatum, (a) ecquid ita Responsum sit publicandum, uti est à Collegio remissum; an vero prius Formâ Sententia Judicialis sit induendum illud.

(a) Quod

(a) Quod observari quandoque à quibusdam Consulentibus, sed raro, solet, ut antè dictum.

10. Quod posterius videtur esse non modo tutius, sed etiam Juri Communi convenientius; Cum alias de Solemnitate Sententia sit, ut in Persona Judicis, & illius ipsius verbis proferatur; quod alioquin Sententia in Persona Consultorum lata videatur ipso jure nulla. (a)

(a) Quæ causa dubio procul Constitutioni Maximilianæ, cuius suprà mentio facta, ansam dedit, quando de Responso, quod Austragianum Judicibus deputatis impetrare permisum est, ita cavit: ut illud suo nomine in Forma Sententia pronunciarent: Doch sollen sie (Judices) das verfaßte Urtheil (à Prudentibus) in ihrem Selbst-Nahmen öffnen und aussprechen.

11. Quod ut est ab Imperatore prudenter cautum, pro Lege non immerito inter Subditos Imperii his in casibus, & in aliis observandum; ita & illud est apprimè notandum his in casibus, ut Judex vel Actuarius Tenorem Sententia ante Publicationem ex Responso remisso, ad Formam, in dicendis Sententiis consuetam, redigat quidem.

12. Sed ita, ut eam non, nisi prius Responsum illud Originale Partibus cum Sententia Tenore, quem exinde extraxit, diligentissime conferendum, ne qua se prodat discordantia (a) exhibuerit, publicare (b) debeat.

(a) Debet enim exactissima Tenori Responsi, quod Sententia summam continet, cum Sententia ab Actuario ex Responso excerpta sibi constare consonantia; adeò, ut ne Litera quidem absit, vel mutata sit, ne dum Syllaba sensui vim illatura.

(b) In qua Publicatione Sententia ex Tenore Responsi excerptæ hoc notandum, quod Judices consulentes illi hanc Clausulam inserere soleant: Auf eingeholten Rath der Rechts-Verständigen/ erkennen wir vor recht/ ic. Cum alias, si Judices per suos, quos habent, Assessores vel Consiliarios, Sententiam conceperint, hæc Clausula præcedat: Erkennen wir auf vorgehabten Rath der Rechts-Verständigen/ ic.

13. Qui autem hoc plerisque in locis harum Regionum usus in Judiciis ab antiquis usque temporibus, quorum initii memoria non exstat, non attendit; sed Responsa pro Sententiis habet, illis ipsis

ipsis verbis, quibus à Prudentibus ad Consulentium concepta sunt desiderium (a) κατὰ λίγην publicata.

(a) Wie sie von den Juristen-Facultäten / oder Schöppen - Stühlen gefaßt / ohne Veränderung / und Einverleibung des Richters Nahmen / darunter die Sachen schwelen : ut inquit Elector Saxon. dict. part. 1. consitut. 26.

14. Idcirco standum huic consuetudini, (a) ut Responsa Prudentum judicialiter Partibus his verbis, quibus concepta sunt, non secus, ac si essent Judicis & Partium Nomina his inclusa, ab Actuario recitentur publicata, & ea quidem Sententia (b) vim habitura. (c)

(a) Quae obtinent tanto magis, quod præter dictam Constitutionem Saxoniam sit hæc consuetudo in aliis etiam Judiciis, extra Dictiones Saxoniae Principum, recepta.

(b) Dass die also publicirte Urtheile kräftig seyn / auch in rem judicatam gehen sollen / ungeachtet / was von etlichen de Sententia nomine Consultoris lata weitläufig disputiret wird.

(c) dict. Constitut. Saxon. 26. part. 1. Quamvis enim Jason, Maranta, Hippolyt. de Marfiliis, Felinus, Decius, & alii plures pro negativa pugnant; rectè tamen illos refutat Panormitanus, Arctinus, Brunorus, Tessaurus, & alii ex recentioribus, à quibus cum stet hodiernus harum Regionum usus, meritò huic sententiae infistimus. Quam etiam confirmat utilitas publica, ut lites eo commodius ad exitum perveniant. *conf. Carpzov. dict. tit. 16. artic. 1. num. 44. & seqq.*

15. Quâ Publicatione peractâ, Copiæ Responsi Partibus illas pertinentibus sunt communicandæ, salvo cujusque, utrum in illa acquiescere, an verò à re judicata illam legitimè suspendere velit, Jure.

16. Atque hæc sunt Officia duo priora unà cum reliquis Transmissionis Actorum Requisitis, adeò strictè observanda, ut, si alter Judex processerit, Transmissio unà cum Sententia inde de- prompta sit (a) ipso jure nulla.

(a) Quæ cordatissima Berlichii Sententia, M. loc. num. 19.

CAPUT

CAPUT IX.

De Sumtibus in Transmissionem Actorum impensis.

I.

Sequitur tertium de Impensis à Judice vel Actuario in Transmissionem Actorum factis; cuius illæ Sumtibus & sustinendæ, & quales, ac quantæ, sint illæ.

2. Priori in quæstione pro regula traditur, quod utriusque Litigantium partis communibus Sumtibus (a) hæc Impensæ sint ex aequo (b) retribuendæ.

(a) Schrader. de Feud. part. 10. sect. 14. num. 81. 82. 85. & 86. Berlich. part. 1. Conclus. Pract. 42. num. 20.

(b) Ut tantum exsolvat una, quantum altera.

3. Hujus decisionis hæc est æquissima ratio, quod negotium hic utriusque geratur commune, utriusque (a) ex aquo commodum respiciens.

(a) Quia Litigantium utriusque animus, si rectè & ex bona fide sibi constiterit, ita comparatus est, vel saltem esse debet, ut ad litis finem anhelet; ad quem per hanc Transmissionem, si velit, pervenire potest; ut mirum non sit, ex qua re commodum quis nancisci cupit, ut illius etiam incommoda sustineat, per l. 10. ff. de Regul. Jur.

4. Sed quid, si Litigantium alter Transmissionem quidem petat; alter verò eandem recuset, & Judicis decisioni submittere litem cupiat? R. Siquidem versemur in Foro ejusmodi, in quo sine discrimine Transmissiones in causis quibuslibet, & inter quoslibet, (a) receptæ sunt, quod Recusans audiri non debeat, sed ad transmittendum pro communibus Sumtibus cogi possit invitus; quia in dolo (b) versari videtur, cui Judex patrocinari non debet, (c) nisi exceptio prostat aliqua.

(a) Alter enim Transmissionem urgens habet hoc beneficium litis expediendæ sibi à Jure tributum, quod ipsi non est invito per alterius tergiversationem auferendum.

(b) Quippe Transmissionem detrectans vel causam habet recusandi nullam, sed tantum, ut vexet, vel negotium facessat Adversario,

quem

quem in lite detinere vult, ne ad exitum, à quo sibi recusans metuit, perveniat; vel fiduciam habet in Judice causæ quampiam, quod pro se dicturus sit Sententiam, & sic utrobique in dolo versatur, cui favere Judex contra bona fidei adversarium, si modò Vir bonus est, non debet; cum eo ipso, quod ab adversa parte se suspectum suspicatur, & ipsem Judex dolo corruptus sit, quando se sententiæ dicendæ invitâ parte alterâ obtrudit.

(c) *L. i. princ. ff. de dol. mal.*

5. Si verò Res in Foro versetur tali, in quo Transmissiones, nisi ex iusta quapiam causa, receptæ non sunt regulariter; si Pars alterutra Transmissionem fieri obnoxie petat, altera verò, et si non magnoperè refragetur, tamen Impensas solvere nullas velit; hoc casu, si quidem absque hac Partis instantia esset, Judices Transmissionem decreturi non fuissent, Parti quidem petenti non denegabitur Transmissio, (a) sed ita, ut sola Transmissionis hujus Impensas sustineat hac vice. (b)

(a) Quia ipsius solius interest, ut Transmissio fiat, sive causam Transmissionis habeat aliquam, sive nullam, quam alioqui Judex admissam nollet, sed ad dicendam Sententiam, nisi Pars altera Transmissionem desiderasset, se accinxisset, modò sit causa in parte recusante nulla, præter solas Impensas, alia; cum aliàs, si forte Judicis favorem aucupari vellet, vel spe quadam favorabilis Sententiæ, si Judex illam laturus esset, duceretur; non modò recusatio frustranea esset, sed Transmissionis factæ etiam Impensas ferre cogi deberet.

(b) Quod probat Constitutio Julia suprà recensita, §. Jim Fall sichs auch begäbe ic. & Schrader. *dict. loc. num. 94.* *conf. Menoch. *de Arbitrar. Judic. Quest. cas. 228. num. 22.** Si enim aliàs Judex, sive propter Imperitiam, sive Causæ Difficultatem, sive Suspicionis evitandæ gratia transmissurus Acta fuisset, etiamsi Pars altera recusaret, Sumtus recusans nihilominus ferre deberet.

6. Quod si Judex Partibus vel ignorantibus, vel invitis ex motu proprio Transmissionem adornasse velit, ita tamen, ut ad Responsum alligatus esse nolit, illius emendatione, mutatione, vel etiam rejectione sibi reservata, causa subest nulla, cur Partes illius Sumtus sustinere (a) cogantur.

(a) Cum hoc casu non Partium, sed suum solius negotium gerat; nimirum, ut se informet, salvo tamen suo, ecquid informationem probare velit, vel nolit, arbitrio.

7. Si

7. Si Pars alterutra remotius eligat Collegium, ut alteram majoribus Sumtibus gravare velit, cum aliàs in propinquuo Collegium non suspectum prostaret, illa Sumtus Itineris in longinquiorem locum factos, pro ea parte, qua sumtuosius iter fuit propinquiore, sola debet refundere.

8. Si Pars alterutra detrectet Solutionem Sumtuum, quacunque tandem hoc fiat de causa; Actuarius verò, antequam illi Sumtus solvantur, aperire Rotulum nolit, quod moras trahentem habeat de solvendo suspectum; altera autem, ut citius expediatur lis, sola interim Transmissionis Impensas etiam alterius exsolvat nomine, Judex Executionis ope succurrere solventi debet ad suam portionem pro dimidia parte refundendam, Schrad. *dict. loc. num. 90.*

9. Quid, & quantum circa Impensas rependi beat, et si id Actuarii Tabulæ designant Partibus exhibenda, (a) si tamen illæ, quod plerumque fit, sint sumtuosæ nimis, (b) Judicis castigatione emendandæ, & ad æquitatem reformandæ (c) sunt, si Viri boni officio fungi velit.

(a) Quæ plerumque cum Citatione ad duplicandum Responsum transmitti solent: der Expens-Zettel.

(b) Latissimus hic in fordes foedissimas avaritiæ Actuariorum discernendi campus patet, quibus hoc hominum genus, non tondere, sed ad vivum usque deglubere pecus suum solet. Ex pluribus pauca tantum. Primum occurrit ipsorum Acta describentium cacoëthes detectanda, quando ex Ore ad Pennam, vom Mund aus in die Feder/ (ut moris est in Foro Saxonico alioquin laudatissimi) Litigantium causas scriptis Literis excipiunt. Proh hominum fidem! quantam hic ipsorum impudentiam, & quidem in ipsis etiam Principum & Comitum Curiis (ne quid de Præfecturarum & Oppidorum Tablinis dicam) discernere licet! Lineas in Plagula Chartacea, præterquam, quod Paginæ cujusvis margini vacuo pars dimidia (den. Bogen halb gebrochen) tribuatur, ita distendunt, Literas & Syllabas inaniter duplicando, & dilatando singulas, ut totam Paginam, einen halben Bogen / vix 12. Lineis, & Lineas singulas vix duobus vel tribus verbulis compleant; cum commodissime alioquin Lineæ singulæ saltē, octo, vel plura verba, & Paginæ singulæ Lineas 24. capere possent; tanto Lineis à se invicem distanciatis

tibus intervallo, ut duæ vel tres interseri spatio vacanti possent. Sed quid inde ad Scribentes redit? nimurum, cum Nummi pro Mercede Scripturæ solvendi ad numerum Foliorum (für jedes Blat 1. Groschen/ oder 15. auch wohl 18. Pfenninge) exsugantur, ut, quæ acta unico Follo potuissent inscribi, his 6. 7. vel 8. Folia compleantur, ut pro uno Grosso exigantur octo. Deinde à Scriptura ad alios Actus transeundo, quanta hic in Sportulis aliis effingendis varietas? Pro Actis ad Rotulationem digerendis, die Acta zu registriren (quæ jam ante debebant esse ex officio ipsorum digesta) 3. Groschen 6. Pfennige; die Acten zu hefften (quasi digerendo colligari nequirent) 2. Groschen; pro Epistola concipienda (die Urtheils- Frage zu verfassen) 10. Groschen 6. Pfennige; pro eadem describenda (ins Reine zu bringen) 3. Groschen; pro Sigillo, (die Acta zu besiegen) 12. Groschen; pro Adnotandis, quæ à Partibus circa Rotulum dicta sunt (für das Protocoll zu halten) 12. Groschen. Nondum finis? Nequaquam. Nam particulis omnibus & singulis accuratè supputatis, sequitur totum: pro Rotulationis Actu (für die Termin-Haltung) 12. Groschen. Postea cum Nuncio sàpè fraudes novæ; ut pro singulis Milliaribus exigat Grossos quatuor, cùm illi tantum duo solvantur; ut pro mora exspectanti numerentur dies 10. singulis imputando 6. Grossos, cùm interim ille vix quinque dies duraverit, & pro singulis tantum tres Grossos perceperit. Quo casu ne Nuncius fraudes hasce prodat Litigantibus, de quota cum illo paciscitur Actuarius, ut Partibus fraudem non aperiat. Idem in Salario dolus committitur; ut, si Thaleros solverit quatuor, à Litigantibus Actuarius 16. vel plures exigat. Ex hisce ineptissimis & plerumque ementitis Rationum reddendarum Titulis summa hoc redit, ut pro 6. vel 7. Thaleris revera & utiliter impensis exigat à Partibus Actuarius X. XII. XIV. plus minus.

(c) Sed quando hoc fiet? Ad Calendas Græcas, ni fallor. Judicibus enim plerumque res ita luditur cum Actuariis, ut vel lucri sint turpissimè participes, vel saltim connivendo faciant, ut hæc cum cæteris erroribus generis humani, ut vulgo loquuntur, impunita transeant. Pro qua conniventia splendidum quotannis (si non semestribus singulis) solet apparari convivium, in quo Partium sanguines & sudores genialiter, quasi re benè gesta, consumi solent. Sed objicitur hic vulgo: Domini nostri Stipendia nobis nulla, vel minuta quotannis numerant, quæ nobis alendis neutquam sufficiunt; ad auctupia igitur hæc captanda illi nobis ansam suppeditant. ^{re} Si Merces tibi justa non solvitur, operam locare tuam non debuisses Domino. Verum aliud hic anguis
sub

sub herba latet, ut luxuriosè superbis incendant vestibus, ut in Bacchi & Veneris Castris strenuè militare possint, Stipendium non sufficit. Necesse igitur est, quod non habent, ut aliunde sumant. Intelligenti dictum sat est. *Nisi fortassis nimium. Evidem aliquando

Restituit veterem censoria lima pudorem,

Dumque malos carpit, præcipit esse bonos. Rutil. Itin. vers. 607.

Sed sàpè vitia, maxime quæ vulgo pro talibus non habentur, prætereuntur melius, quam, dum vindicantur, quod fieri possint, ostenduntur, Seneca de Clement. lib. 1. 23. *

10. Ita quidem, ut, quæ sunt in Transmissionem Actorum necessariæ, vel saltem utiliter impensa ab Actuario vel Judice, cuiusmodi est Merces pro Scripturis utilibus & pro Nunciis, item Salaria Prudentibus oblata, & si qua sunt alia, illa à Partibus litigantibus merito sint exigenda; inutilia vero, superflua & turpia præcidenda.

CAPUT X.

De Fine, Usu & Effectu Responorum ad Acta transmissa datorum.

I.

FInis Responorum (a) Iurismodi vel Transmissionis Actorum ad Collegium Jurisprudentum hic est, primum à parte Litigantium, ut his via pateat, quam ingressi pervenire queant eo melius ad Sententiam justam, quæ non sit affectuum & suspicionum in alterutram partem propendentium turbis, vel erroris, ignorantiae aut imprudentiae tenebris in animo Judicis obnoxia.

(a) Solemnium nimurum his in Regionibus passim receptorum.

2. Quam ipsis nemo, ne Judex quidem, sine suo, Partium, facto præcludere queat.

3. Quia est beneficium Litigantibus nostris temporibus à Legibus vel Moribus clementer indultum, quod ipsis sine suo facto (a) non est auferendum.

(a) Per

(a) Per hanc æquissimam Naturæ regulam, quod id, quod nostrum est, sine facto (hoc est, sine consensu vel delicto, *vid. Jac. Go-
thofred. ad dict. l. 11. pag. 61.*) nostro ad alium transferri non possit, t.u.
f. de Regul. Jur.

4. Deinde à parte Judicium, ut hoc usi beneficio occasionem
hanc captare queant, ut tam à variis judicandi molestiis immu-
nes, quam timoris, ne incident in odium alterutrius Litigantium,
securi in utramvis aurem dormire queant.

5. Falsum igitur est illud, quod Judex hoc casu ad declinan-
dum judicandi onus, quod gravissimum est sàpius, vel ad evitan-
dum alterutrius partis odium hoc Transmissionis beneficio uti non
debeat, si possit. (a)

(a) Schrader. *de Feud. part. 10. sect. 14. num. 53.*

6. Cùm enim hoc Beneficium sit etiam pro favore Judicium,
si non semper, (a) attamen certis casibus (b) introductum; quid
obstiterit ipsis, quo minus eodem, si velint, pro suis uti commo-
dis (c) possint?

(a) Quod obtinet tamen in Responsis Saxonis harum Re-
gionum.

(b) De quibus loquitur *Constitutio Carolina in Sanction. Criminal.* Wann
die Sachen zweifelhaftig / oder über den Verstand der Richter. Item *Julia:*
Wann sie (die Richter) getheilter Meynung wären / und sich der Urtheil
nicht vergleichen könnten / oder sonst Bedenken hätten / aus allerhand be-
wegenden Ursachen darin zu sprechen / oder die Partheyen es selbst begeh-
ren würden / &c.

(c) Cum unius rei plures esse fines queant; imò hi fines sua spon-
te, etiam Judice neque petente, neque id cogitante, ex hoc adhibito
profluant remedio.

7. Usus & Effectus hujus Juris est hic certissimus, quod tale
Responsum Prudentum (a) rite Partibus, quod fieri necesse est,
publicatum, sit ipsa super controversia Litigantium Sententia (b)
dicenda, quæ alterutri Parti suum Jus acquirit, quod ipsi sine suo
facto auferri non possit.

(a) De quo nobis hic est sermo.

(b) Um Verfassung eines Urtheils: Und soll das verfassete Urtheil
aufgesprochen werden; In dicta *Constitut. Maximiliana:* Item, und sollen die
Urtheile

Urtheil darnach (hoc est, ex Tenore Responsi impetrati) publicirt wer-
den: dict. *Constitut. Julia;* & iterum: daß die also publicirte Urtheile sollen
kräftig seyn. *Constitut. Saxon. part. 1. constitut. 26.*

8. Quæ Sententiae, si legitimæ non sint, ab alterutra Parte
suspensiæ, in rem judicatam ita transfeunt, (a) ut postea per Con-
silium (b) alterius Prudentioris revocari non possint.

(a) Daz dieselbige Urtheile in rem judicatam gehen sollen / unge-
achtet was vñ etlichen darwider angezogen. dicta *Constitut. Saxon.*

(b) De quo paulò ante dictum, Cap. VIII. num. 13.

9. Quibus positis Paradoxa sunt, imò penitus absurdâ, hæc
subsequentia: (I.) Quod Judex invitus cogi non possit, ut Acta
ad aliquod Collegium Juridicum decidenda transmittat, sed, si ve-
lit, ipse Sententiam concipere, & ferre possit. (a)

(a) Quæ sunt ipissima Dn. Berlichii verba part. 1. *Conclus. Praet.* 59.
num. 12. Quod Dn. Schrader. dict. loc. num. 57. eodem sensu ante ipsum
docuit, præterquam, quod, quæ Schraderus ad Feudales Causas restrin-
xit, & clari ac indubitati Juris esse censuit, illa Berlichius generaliter
differuerit.

10. (II.) Quod Judex Responsum Prudentum, si sit impe-
tratum, omnino sequi non adstringatur, cùm possit illud mutare,
corrigere, & emendare, imò aliam Sententiam etiam Consilio
non conformem, sed repugnantem ferre, Berlich. dict. loc. num.
26. & 27. Schrader. dict. loc. num. 93.

11. (III.) Quod Judex Acta, quæ sunt ad Collegium Juridi-
cum pro decisione transmissa, antequam Sententia à Scabinis vel
Sapientibus concipiatur, avocare, etiam Partibus invitatis, possit,
Berlich. dict. loc. num. 28. Schrader. dict. loc. num. fin.

12. (IV.) Quod, Consilio Sapientum vel Scabinorum non
exspectato, Judex pronunciare, &, antequam Sententia à Scabi-
nis concipiatur, judicare possit, Berlich. dict. loc. num. 29. Schra-
der. dict. loc. num. 92.

13. (V.) Quod Partibus appellare non liceat à Judicis De-
creto, quo ipsis Transmissionem Actorum recusavit, vel in illo
negotio perperam & inverso ordine processit, Schrader. dict. loc.
num. 63. cum duob. seqq.

CAPUT XI.

Quo refutantur Paradoxa priore Capite
recensita.

I.

IN admirationem me rapiebat Dn. Schraderus, cum hæc apud ipsum ante Annos complures legerem; sed Dn. Berlichius in stuporem penitus, cum post apud eundem hæc offendissim.

2. Illi hoc condonari posset, qui (quod cognitum mihi) (a) extra Ducum Saxonice Ditiones in illis Locis, in quibus parum Juris Saxonici floret observatio, vitæ suæ majorem partem transgerat.

(a) Qui ipsius ante Annos L. Brunovici in Patria sua, in qua tunc privatam senio & morbis affectus vitam agebat, notitiam habui, cum in Familia Fratris sui Dn. dicti Auctoris Schraderi, magni nominis Advocati, tunc Pædagogum agerem. Ex cuius Relatione percepī, quod Frater suus Dn. Ludolfus juveniles Annos in Studio Juris extra Germaniam in Italicis consumisset Academiis. Ex quibus in Patriam reversus mox in Academiam Francofurtensem ad Oderam vocatus erat, in qua profitendo & consulendo suæ vitæ Annos ad Senectutem usque traduxerat, donec rude donatus in Patriam reversus erat, in qua circa Annū Salutis M D XIIC. vitæ finem est sortitus.

3. Hunc verò sic excusatū habere nemo potest, qui in medio & penè summo Juris Saxonici Foro jam plures Annos vivit, & in hanc ipsam Divi Augusti Constitutionem, quæ Juris Transmissionis Principia substernit, cum hæc scripsit, commentatus fuit.

4. Quod tanto magis me commovit, quia Schraderus sua hæc ipsamē pronunciata notabiliter & exp̄s̄e secundūm Juris Communis dispositionem restrinxit; (a) Berlichius verò simpliciter & in genere suas theses, ut etiam Jus Saxonicum saltem tacitè inclusisse videatur, informare voluit. (b)

(a) *De Feud. part. 10. sect. 14. num. 92. & 93.* ut innueret, Jure forsitan Saxonico aliud observari.

(b) Ut ex ipsius verbis videre licet allegatis.

5. Ego

5. Ego insolentiam horum effatorum primum probabo; deinde, quæ ad illa stabilienda (a) allegantur, refutabo breviter; quod procedet quatuor cum Syllogismis.

(a) A Dn. Berlichio potissimum, qui, cum non omnes Dn. Schraderi Notationes, sed aliquas duntaxat, ex ipsius Commentario excerptis, præsumtio succurrit, quod ex ipso, quæ sibi viderentur potiora, selegerit.

6. Primus hic esto: Si Jure cautum est alicubi, ut Judex Acta Litigantium coram se conclusivè (a) producta ad Collegium Jurisprudentum Sententiæ desuper formandæ causa cum Litigantium Consensu transmittat, is utique illa vel invitus transmittere debet, nec ipsem̄, etiamsi velit, Partibus invitis; Sententiam super iis concipere, nedum dicere, potest. Sed verum est prius; ergo & posterius.

(a) Hoc est, ut ad Sententiam ferendam Controversias suas Iudici submiserint utrinque, & Transmissionem, saltim pars alterutra, desiderarit.

7. Majoris consequentia probatur, quia Jus est jussus vel præceptum Superioris cum necessitate (a) parandi, quod in quem competit, hujus in arbitrio non est, ecquid parere, vel non, velit, sed cogitur præstare, quod Jus præcepit, nisi poenam inobedientiæ luere velit.

(a) Τέτ̄ εσὶ νόμος, ὃ πάντας ἀνθρώπους προσήκει πίθεθη: hoc est, Lex est, cui omnes obtemperare convenit; ὃν πᾶς εσὶ νόμος ἔνεργα θεῖ, συνθῆκε κοινὴ πόλεως, καθ' ἣν ἀπαι τροποι προσήκει τὴν τοιούτην πίθη: Quia omnis Lex est inventum Dei, & communis sponsio Civitatis, ad cuius præscriptum omnes, qui in ea Republica sunt, vitam instituere debent. Oportet enim illam esse κανόνα τε δικαιῶν, καὶ αδίκων, προστίκου μὲν ὃ τωμπέων, απαγορευτικὸν δὲ ὃ σποντικόν: hoc est, Regulam iustorum & injūstorum, præceptricem quidem faciendorum, prohibitricem verò non faciendorum, ut ex Demosthene Oratore, & Chrysippo Stoicæ Sapientiæ Magistro docet Martianus Jurisconsultus L. 2. ff. de Legibus. Unde præclarè Modestinus sentit, quod Legis virtus sit hec: imperare, vetare, permittere, punire, l. 7. ff. eod. *Ex his verbis dubium moveri posset Auctori, quod permisso quoque ad virtutes Legis referatur. Ille autem, qui permittit, in neutram partem inclinat, & ad nullum contradictionis effatum adstringit Subditos, vid. Joh. Seldenus de Jur. Natur. & Gent. iuxta Disciplin. Ebraor. lib. 1. cap. 4. pag. m. 52. Ceterum quia

K

quia Lex omnis propriè sic dicta ἀναγνούσιν ἔχει δύναμιν, teste Aristotele lib. 10. Ethic. cap. ult. seu vim habet cogendi, oportebit sancè extra obiectum formale Legis esse omne id, quod permissum est, neque tam Jus facere, quam abuentiam inferre Juris prohibitivi, vid. Gregor. de Valent. in Theolog. Moral. disput. 7. quest. 1. punct. 1. Quod autem attinet dictam Legem 7. vox Legis ibi latius accipitur, ut comprehendat etiam ea, quæ dilertim permisit vel impunia esse voluit Legislator, quæque, ut Scholæ loqui amant, ad Leges propriè sic dictas pertinent reductivè, quibus scilicet eæ non repugnant, Grot. de Juri Bell. & Pac. lib. 1. cap. 1. num. 10. conf. 1. 1. Cod. de ingratis. liber. Authent. Matri. Cod. quando mulier tutel. offic. 1. si quis. 2. Cod. de Patribus qui Fil. suos distrax. Can. omnia. 4. distinct. 3. cap. si quis. 3. X. de Furt. Enim vero quod idem Grotius præced. num. 9. & seq. 17. Legem ait permissivam non quidem obligare agentem, sed alium, ne agenti impedimentum ponat; de sola permissione plena, quæ Actus per se est licti, vix aliquando de minus plena, veruna esse puto. Nec forte peccaverit olim, qui Maritum à cæde Uxoris in Adulterio deprehensæ abstraxerit.*

8. Minor probatur primum ex Jure, deinde Ratione. Ex Jure partim scripto, partim non scripto.

9. Ex scripto Jure profertur *Constitutio Carolina, in Criminali Ordinatione*, cujus vigore Judicibus Criminalibus, ut Jurisprudentes certis in casibus consulunt, sæpius injungitur, non per modum Consilii, sed Praecepti: Sie sollen bey den Rechts-Verstüdigen Raths pflegen. (a)

(a) Quod plurimum Articulorum allegationibus *suprà Cap. IV. num. 23.* monstratum. Quibus addere possem, quod Dn. Bocerus ex *Ordinatione Ducatus Würtenbergici* profert *claff. 6. disputat. 28. thes. 21.* his verbis: Wo aber der Handel so wichtig oder zwiefältig (nota duas causas impulsivas, Ambiguitatem, & Difficultatem, vel Causæ Sublimitatem) daß sich unsere Gerichte der Urtheil nicht entschließen könnten: mögen sie bey andern Gerichten (doch nicht bey denjenigen / dahin die Sache durch Appellation hernach gelangen möchte) oder auch bey den Rechts-Gelehrten Rath suchen. Verum quia hic multa occurruunt discrepantia à Carolinis, quando Judicum Conscientiae & Potestati committitur, ecquid Acta transmittere velint, in vocabulo (münden) quod est Voluntatis; quando item non ad publicum Jurisperitorum Collegium restringuntur Consulentes, sed in genere (bey denen Rechts-Gelehrten) qui possunt etiam esse quivis privati Jurisconsulti, secus, atque sit in Carolinis, *ordinat.*

dinat. fin. bey denen Hohen Schulen/Städten/Communen, &c. quando denique hoc ad solos Judices restringi videtur, cum Consensus Partium mentio nulla fiat; idcirco non possumus hoc Responsorum genus ad illud, de quo hic agimus, referre. Cæterum in eo rectè nobiscum fentit Dn. Bocerus, quando statuit ad instantiam & petitionem Partis utriusque, vel etiam unius tantum, Judicem alias consulere. Quod autem possit hoc facere ex motu suo proprio, ut idem Bocerus *dict. claff. 6. disputat. 28. thes. 22.* docet, id quidem in vulgari Responsorum genere procedit, sed non in solemnī, de quo hic agitur. Quo item Judex peritioribus Consultis, ipsorum Consilium diligenter legere, & accurate expendere jubetur, ac dispicere, an expedit illud sequi, nec ne, cum alias de Syndicatu teneatur, si Consilium intelligat iniquum, ac nihilominus id in judicando sequatur, ut idem tradit, *dict. loc. thes. 23.* id itidem ad nostrum casum accommodari nequit, sed tantum ad eum, quando Judex consultit ex motu proprio. Nam si Partes petant Judicem, & in certum, quem consulunt, consentiunt, Judex illorum Responsum sine ullo Syndicatus metu tuto sequitur, cum Partibus voluntibus injuria non fiat. Ecquid autem eo casu, de quo loquitur *Ordinatio Würtenbergica*, Judex ita cum Responso procedere queat, ut procedi posse, idem *dict. thes. 23.* innuit, ego valde ambigo, cum vix sit, ut Judex accurate illam causam expendere & dispicere, an expedit Transmissio, possit, quam vel propter ambiguitatem non intelligit; vel propter nimiam sublimitatem perpendere recusat; cum contradictionem implicent, esse quempiam in causa quapiam dijudicanda dubium & incertum, & tamen eandem diligenter & accurate expendere & judicare posse. Item, esse quempiam, qui causam propter sublimitatem sui dignoscere detrectet, quam idem tamen discernere & decidere velit. Si enim ipsemet post Responsum datum de Causæ Justitia disputare, & certum quid decidere potest, cur non id ante impetratum fecit Responsum? Cum tempori & Sumtibus ita parcere potuisset.

10. In specie *Ordinatio Dicasterii Brunsvigii*, (a) quæ iterum verbis est imperativis (b) concepta.

(a) Quæ cum Dn. Mynsingerum habeat Auctorem, ut *suprà dictum, dict. cap. IV. num. 25.* tanto minus de illius Justitia dubitari debet.

(b) So sollen die Acta verschicket werden / dicto *suprà loco.*

11. Jus non scriptum est ex universali harum Regionum, & pene per Germaniam totam Consuetudine inveterata & immemoriali manifestum, ex qua constat, Judices quosvis, ad Partium in-

primis (a) instantiam, pro transmittendis ad Collegium Prudendum Actis esse obligatos.

(a) Quamvis enim Speculator lib. 2. tit. de Requisit. Consil. talēm valere non velit Consuetudinem, qua Partes in causa sua controversa non suspectorum Jurisconsultorum Judicium à Judice sibi concedi cupiunt, & quandoque ex Pacto certos designant, quos Consultos volunt; Afinii tamen & aliorum, quos ipse allegat in *Prax. Judicior.* §. 25. cap. 1. num. 1. quos sequitur non modo Schrader. dicto loco num. 72. sed etiam Bocerus dict. loc. 6. disputat. 3. thes. 7. Sententia merito præfertur, etiam si in Sententia causa versetur interlocutoria tantum, probante eodem Afinio dict. loc. cap. 3. quem sequitur iterum Schrader. dict. loc. num. 10. & Bocerus dict. loc. thes. 8. adeò, ut etiam post Conclusionem in causa Partibus Transmissionem ejusmodi petere adhuc sit integrum quod, contra Afnum dict. loc. cap. 5. rectissimè probat Bocerus dict. loc. thes. 9. idque adeò verum, ut, quo casu illa Transmissione Lege, vel More nominatim cauta est, si Judex secundū illud exinde petitum non ita pronunciet, quod Sententia ipsius sit ipso jure nulla, per illa, quæ sunt à Bocero dict. disputat. 3. thes. 10. allegata, imò, licet id ita nominatim cautum non sit; si tamen Judex, quando pars una vel utraque ab illo Transmissionis licentiam perit, melius & honestius facit, cum huic petitioni locum concedit, quod ex auctoritate Bartoli censet Schraderus dict. loc. num. 76. dubitanrum non est, quin Judex ad hoc, quod melius erit & honestius, etiam tunc sit obligatus, quia semper in Conventionibus non solum, quid liceat, considerandum, sed etiam, quid honestum, i. 157. ff. de Regul. Jur.

12. Quod ex dicta Constitutione Divi Augusti Electoris Saxonis est probatissimum, quæ primum testimonium dicit huic Observantiae (a) in genere.

(a) Dass der mehrer Theil Urtheil in unsren Sächsischen Ländern/ wie sie von den Juristen - Facultäten oder Schöppen - Stühlen gefasst/ ohne Veränderung und Einverleibung des Richters Nahmen / darunter die Sachen schweben/ eröffnet und publicirt werden/ dict. Constitut. 26. in princ.

13. Deinde eidem fundamentum ponit in Consuetudinem inveterato usu, quem novā Constitutione & Jure scripto stabilem (a) facit.

(a) Derhalb ordnen und constituien wir/ dass solcher Gebrauch nochmals beständig/ und die darauf publicirte Urtheil kräftig seyn/ auch in

in rem judicatam ergehēn sollen/ non obstante ulla in contrarium sive disputatione, sive allegatione.

14. Cujus Consuetudinis & Juris cum ratio posita sit partim in Judice, si ille fortè sit Juris imperitus, vel etiam multitudine negotiorum, morbo, vel alio obstaculo præpeditus, vel denique in Litigantium ne odium vel invidiam propter Sententiam à se conceptam incurrat, timore Suspicionis absterritus. (a)

(a) Ut hoc supra Cap. IV. thes. 9. cum aliquot sequentibus pluribus est dictum.

15. Partim vero est multò magis in Litigantium utroque vel alterutro, si Judex quavis ex causa (quod frequenter accidere solet) sit utriusque, vel alterutri, ne propendeat in partem alterutram, suspectus, ut hac Suspitione liberari, & pars succumbens, cum videt Sententiam à Judice neutiquam suspecto dictam, eo possit æquiore animo ferre victoriam adversæ parti tributam.

16. Hæ autem causæ omnes utilitatem concernunt publicam, ut Lites per æquissimas & neutri parti obnoxias Sententias, quantum fieri potest, ocyus terminentur; quæ utique causæ sunt omnes legitimæ & justæ. (a)

(a) Propter quas ab omnibus Juris Regulis recedi potest, teste Schrader. dict. loc. num. 74.

17. Licet igitur contingere queat, quod Judex causam transmittendi fortè nullam habeat, vel, si habeat aliquam, quod illi renunciare queat, id quod ipsi integrum, (a) cæteris paribus, (b) esse potest.

(a) Cum quis renunciare queat Juri pro se introducto, i. si quis. 29. Cod. de pacis.

(b) Si in alterius illa renunciatio præjudicium non vergat, cum non debeat alii nocere, quod inter alios est actum.

18. Attamen, si Litigantium uterque vel alteruter Judici transmittere nolenti contradicat, & Transmissionem Actorum sibi futuram utilem urgeat, utique Judex in eo versatur cardine, si Vir bonus & minimè suspectus videri velit, ut Transmissionem ipsis denegare non debeat. (a)

(a) Cum, quod factum facienti non prodest, alteri verò non factum vehementer obest, illud intermitte in alterius incommodum non queat; quia alteri per alterum iniqua conditio inferri non deber, l. 74. ff. de Regul. Jur. l. si quis. ff. quemadm. Testam. aper.

19. Jus enim hoc transmittendi à Lege vel More Litigantibus tributum, ipsis invitis, sine facto suo non est (a) auferendum.

(a) Dicit l. 11. ff. de Regul. Jur. unde sequitur, quod attinet ad Constitutionem Divi Maximiliani II. suprà Cap. IV. num. 24. positam, et si illius verba non imperativo, sed potentiali, ut loquuntur Grammatici, modo sunt concepta, das solche neue Mächte haben sollen / re. quod valde urget Dn. Schraderus dicto suprà loco num. 62. cum, quod postulati Judicis permittitur, necessitati non subjiciatur; & quod in illa Lege id non exprimitur, quod Judex cogatur etiam invitus; ex quo statuendum, quod Judices illi Litigatoribus etiam invitis Transmissionem recusare, & ipsimet causam decidere possint; quod tamen hoc, meo judicio, ne quidem ex verbis dict. Constitut. Maximilian. procedat, si uterque, vel alteruter ex Litigantibus contradicat, & beneficium Transmissionis urgeat. Cum enim in aperto sit, hosce Consiliarios in Principiis sui causa Judices in hac lite parti alteri vel maximè suspectos esse, metuenti, ne illi in Sententia dicenda, in Domini sui partem proclives sint futuri, atque hanc ob causam Imperatorem potissimum fuisse motum, ut hanc transmittendi facultatem Judicibus in gratiam partis alterius, quæ cum Principe litigat, concesserit; profecto hoc beneficium Acta transmittendi favore Litigantium, in primis illius, qui contra Dominum Judicem litigare cogitur, benigniter ab Imperatore concessum, ipsis invitis auferendum non est. Adeò, ut hi Judices Austragorum, reclamante parte illa, quæ litigat contra ipsorum Dominum, in hac causa coram ipsis in Austragis controversa non possint ipsin et Sententiam dicere, sed Acta cogantur vigore beneficii Imperatorii Litiganti in gratiam concessi ad Collegium transmittere Jurisprudentum, ne fiat elusorium hoc, quod ab Imperatore antiquæ Constitutioni fuit novissimè in favorem Partis alterius adjectum.

20. Secundus hic esto: Si Responsum à Collegio Prudentum per Transmissionem Judicis & Partium Consensu factam, impetratum, est ritè publicandum, & publicatum vim Sententia habere debet, quæ in rem judicatam, nisi suspendatur legitimo remedio, transit; sequitur, quod illa pro Judicis arbitrio nec mutari, nec emen-

emendari, nec alia non conformis illi substitui possit. Sed prius est verum; ergò & posterius.

21. Majoris connexio firma satis, quia Sententia Jus facit inter Partes, five æqua, five iniqua, quod Jus alterutri quæsitum sine facto suo non possit ipsi invito, ne quidem à Judice, auferri.

22. Minor probatur, quia posito destinato finis ipsius est presupponendus. Ast Responsum Prudentum ideo est à Judice & Litigantibus impetratum, ut de Jure suo Partes informet, (a) quod ideo ritè publicandum, (b) ut Sententiam inter Partes (c) faciat.

(a) Sic enim sanxit Maximilianus II. Um die Verfassung des Urtheils zu schicken / so sie (Judices) in ihrem Mahnen sollen eröffnen und aufzusprechen.

(b) Et ita Dicasterium Brunsig. Um Rechts - Belehrung über - schicken / und die Urtheil darnach publiciren.

(c) A quibus non dissentit Saxonica Constitutio, expressè cavens, quod Responsa à Facultatibus & Scabinatibus concepta sint Sententia, quæ sint Partibus publicandæ, ut in rem transeant judicatam.

23. Jam si Judici est integrum, ut possit illa Responsa vel Sententias mutare, emendare, vel plane rejicere, & aliam substituere Sententiam pro suo lubitu, Litigantes omnium erunt stultissimi censendi, qui tantis Sumtibus & Curis Transmissiones Actorum promovent, quas Judex in nihilum pro suo lubitu redigere queat. Sed falsum consequens; ergò & antecedens.

24. Tertius hic: Si Actorum Transmissione magnis Partium Sumtibus & Curis in hanc spem certam instituitur, ut ex illa Responsum accipiant, per quod in vim Sententia causa sua dirimatur controversa, spem hanc sibi, Jure jam quæsitam, Judex non potest intervertere. Sed prius verum; ergò & posterius.

25. Major sibi constat ex eo, quod Jus suum nemini sine suo facto sit auferendum.

26. Minor ex prioribus est manifesta; Transmissionis enim unicus est, & summus, & certissimus, atque indubitatus hic finis, ut exinde Sententiam sibi Partes acquirant, per quam sua dirimatur controversia, quæ Partibus cum jam per Leges vel Mores quæsita

sita est in spe certissima, hæc spes ipsis auferenda (*a*) non est invitis.

(*a*) Ergò Judex nec revocare Acta jam transmissa, antequam Respondsum sit expeditum, nec, antequam remittantur, Sententiam aliam ferre, & Transmissionis spem evacuare potest.

27. Quartus denique hic sit: Si denegata contra Leges vel Mores Partibus transmittendi facultas est maximi momenti Gravamen, Parti saltem alterutri illatum, utique ab hac Denegatione, si non sit plane nulla, (*a*) saltem, ut iniqua, ad Superiorem sibi est appellare permisum. (*b*) Sed verum est prius; ergo & posterius.

(*a*) Quod tamen expressè statuit hoc casu Bocerus, *dict. class. 6. disputat. 3. thes. 10.* & Berlichius *part. i. Conclus. Pract. 59. num. 19.* & verissimè quidem.

(*b*) Quod ultrò concedit Schraderus *loco jam ante citato, num. 76.*

28. Majoris sequela certa est, quia posito subjecto occupante ipsis adjunctum supponi potest, si quis supponi velit, maximè cum ab omni Gravamine (*a*) sit Appellatio licita, quod à Regula generali non legitur expressè exceptum, &c.

(*a*) Saltim de Jure Canonico & hodiernis Moribus, Bocer. *dict. class. 6. disputat. 34. thes. 22.* Quamvis enim Schraderus ab hujusmodi Gravamine Appellationem admitti nolit, *dict. loc. num. 63. cum seqq.* hoc tamen eo tantum casu locum habet, quo in libero id est Judicis, ecquid transmittere velit, vel nolit, arbitrio. Alias si versemur in hoc nostro casu, contrarium expressè decidit *dict. loc. num. 67.* ut jam ante dictum.

29. Minor est indubitata, cum, hac denegata licentia, pars Litigantium saltem alterutra, cogatur exspectare Sententiam à Jūdice sibi interdum inviso & suspecto, quod gravamen est momenti (*a*) sèpè maximi.

(*a*) Si enim Recusatio non admitteretur, sèpè damnum inde sensurus esset Reus irreparabile, teste Zangero *de Exception. part. 2. cap. 4. num. 13.* cum grave sit, litigare coram suspecto Judice. Adeo, ut, hac exceptione opposita, Judex progredi non debeat in causa, &, si faciat, ipso jure nullum sit, quod agit postea, Zanger. *dict. loc. num. 23.* Bocer. *dict. class. 6. disputat. 2. thes. 109.*

CAPUT

CAPUT XII.

De Paradoxi primi Refutatione.

I.

Superest, ut refutemus illa, quæ sunt ad hæc Paradoxa probanda à Defensoribus suis, in primis à Berlichio, in medium prolatæ.

2. Probationes Dn. Berlichii generaliter omnes à nudis & solis dependent auctoritatibus quorundam Doctorum ex Dn. Schradero ferè simpliciter exscriptis. Quarum (quoad Paradoxon primum) prima est ipsius Dn. Schraderi, quem elegantissimè hanc thesin tractasse jactitat. Et sanè proposuit illam *part. 10. sect. 14. à num. 57. usque ad 80.* Sed ecquid fit eleganter hoc factum, nedum elegantissimè, (*a*) valde dubito.

(*a*) Gratias Viro optimo habemus meritò maximas, quod inter Germanos fermè solis hanc materiam fusi in Schola Feudali tractandam est aggressus, cum interim, quoad hanc materiam, magis muti, quam pices, sederint tot sublimes & Celeberrimi in Jure Saxonico Doctores & Advocati, qui præ aliis omnibus deo debebant hic disertissimi fuisse, quod per totam Germaniam nusquam alibi locorum hujus Juris usus in Foro frequenter hucusque est animadversus; qui, si præ Schradero se in pudorem darent, vel antehac deditent, nihil à Civilitate Morum, quod esset alienum, commisissent.

3. Pro fundamento suæ assertionis *dict. num. 57.* Schraderus Regulam ponit, quod regulariter nullus Judex invitus causam ad se pertinentem ad Prudentum Consilium decidendam transmittere cogatur, etiam si hoc unus & alter litigator petat, *num. 58.* et si Judex sit Feudalis, *num. 59.* vel causa facilis, *num. 60.* aut arbitria, *num. 61.* imò, et si statuto cautum, quod Judex pro se causam transmittere possit, si modo velit.

4. Sed nulla cuiquam hinc cum Dn. Schradero (*a*) lis est, quia loquitur de Regula, (*b*) & de vulgari Responsorum genere.

(*a*) Cui habuimus indubitatam fidem, et si ne unicum quidem allegasset Doctorem, quorum tamen aliquot plaustra, (pro Dn. quidem vulgatio, sed detestando & perniciose more) convexit,

L

multa

multa cum perditione temporis & chartarum prorsus tedium & inutiliter.

(b) Quam nemo vocat in dubium. Sed de Exceptione queritur, quæ Regulæ subjicienda.

5. Schraderus enim duas Exceptiones à Regula subjicit, quarum prima, si causa justa & legitima adsit, quales sunt: si per unum vel alterum Litigantium, ut Acta transmittantur litis dirimendæ causæ (quæ utilitatem publicam respicit) à Judice postulatum fuerit. Quamvis enim alias Judex cogi non posset; melius tamen & honestius sentit illum auctoritate Bartoli facturum, si huic petitioni (a) locum det.

(a) Adeò, ut hoc etiam illis liceat Judicibus, quorum alias in potestate situm, ecquid transmittere velint, vel nolint, ut supra de Judicibus Austrægarum dictum, Schrader. *dict. loc. num. 74. & 79.*

6. Verum ne cavillationi sit locus, audiatur & altera Exceptio, si Statuto vel Consuetudine introductum sit, quod Judex causas decidendas ad Collegium Prudentum transmittere debeat, quod ipse ad hoc invitus etiam cogi (a) possit.

(a) Schrader. *dict. loc. num. 77.* qui est pluribus, pro more ipsius, allegationibus onustus. Quid verbis opus, abi rerum adsunt testimonia? Cum nihil desideremus aliud, quam ut ad Legem vel Mores provocemus.

7. Quo igitur colore, quæso, Berlichius hanc thesin pro Regula nullis Exceptionibus obnoxia generaliter *part. 1. Conclus. Pract. 59. num. 12.* posuit, quod Judex, ut Causam & Acta ad aliquod Collegium Juridicum transmittat, invitus cogi nequeat, sed, si velit, ipse Sententiam ferre possit? Schraderus elegantissime (a) inquit.

(a) Sed quid illi cum Berlichio rei, qui Berlichius non de communi vel vulgari Transmissione, sed de Saxonica differit, vel saltē differere debet, quia Saxonica Constitutionis Divi Augusti hoc loco interpretē agit, quæ non de vulgari, sed solemnī hac, quæ in Foro Saxonico est recepta, aliquid constituit.

8. Schraderus quidem Regulam ponit, sed mox nobiscum facit; & id, quod nos dicimus, ipsem in suis limitationibus affert, quibus, quæ antè ampliārat, invertit: quando non tantum pacto,

pacto, commissione, vel delegatione hoc, quod Judex Consilium Prudentum non tantum require, sed etiam sequi cogatur, (a) concedit.

(a) *Dict. loc. num. 67. & 68.*

9. Sed, quod causæ Berlichianæ jugulum petit, quando idem Statuto vel Consuetudine fieri posse, ut Judex invitus in Transmissionem Actorum consentire debeat, prolixè (a) probat.

(a) *Dict. loc. num. 72. 73. 74. & 75.* * conf. Lancellot. *de Attentat. part. 2. cap. 9. num. 12.* *

10. Quod si Berlichius, cum pleraque ex Schradero exscripta, & ipsem huic suæ Regulæ hanc Exceptionem cum Schradero subjecisset, nihil offendere quempiam potuisset. Quia autem hujus Exceptionis, ne verbo quidem, ullam mentionem fecit, sed posita simpliciter hac thesi generali (a) ad alia transit; cum tamen hæc Exceptio ipsi notissima tunc fuerit, quando Constitutionem Saxonicam, quam Commentariis illustrare voluit, vel à primo limine adspexit, quis illum excusare nærum potuerit? (b)

(a) *Ditto loco thes. 12.*

(b) Qui Studiosos Juris ipsius scripta incautius legentes crassissimo hoc errore involverit, quasi hoc etiam in Foro Saxonico obtineat, ut Judicis in arbitrio sit, Partibus postulantibus Transmissionem concedere, vel aditnere; cum possit ipsem, si velit, Sententiam, sperto Jurisprudentium Responso solemnī, quamvis esset petitum, pro suo ferre arbitrio, quod tamen in Foro, si summa excipias Saxonie Ducum Dicasteria (in quibus tamen & ipsis, si justa causa suadeat, hanc obtinere puto) Saxonico, & aliis Regionibus vicinis inauditum. * conf. Carpzov. *Process. Jur. dict. artic. 1. num. 22.* *

11. Sed inquietat aliquis, Dr. Schraderus Auctoritates & plures Doctores pro sua thesi allegavit. Esto hoc; sed nobis cum Schradero lis nulla, qui nostrum, quod nos urgemus Responsi genus, à Regula suā disertè excepit, & sic nobiscum sentit. De Berlichiana thesi lis est, quam ille Schraderi auctoritate probare voluit, sed frustra fuit.

12. Ad reliquas igitur transcendunt Allegationes, non, quas immenso numero ad pompam suo more afferit Schraderus, sed has tantum, quas, ut praeterea aliis insigniores, ex Schraderio se legit Berlichius.

13. Qui allegat Joh. Andreæ, (a) qui videtur dicere quidem, et si Judicis voluntati relinquatur habere Consilium, quod tamen teneatur de Jure, vel bona Consuetudine. Etsi Statutum haberet, quod omnes Sententiae ferrentur de Consilio Sapientum, certum esse, Consultorem assumi debere, cum alias non valeant Sententiae. Quod cum & nos statuamus, una cum Schraderio nulla nobis cum Joh. Andreæ controversia.

(a) In Addit. ad Speculat. part. 2. de Regulis Consilii (quem hic titulum omisit Allegator) ad num. 2. vers. Consilium datum.

14. Item Baldum, qui hoc tantum dicit (a) quod persuasio sit, non necessitas, si Judex Consilium requirat Sapientis in causis. Ex quo nihil inferri potest; cum Baldus hic non agat de Transmissione Actorum solemini pro Sententia informanda; sed simpliciter, si Judex Sapientis velit expetere Consilium, quod ipsius in arbitrio situm, velit ne hoc, an nolit require de Jure (b) communis.

(a) Qui l. 3. Cod. de ingen. manuniss. post princ. vers. Et hinc sumitur. non, sic similiter. ut Berlich. allegat.

(b) Idipsum & nihil aliud dicit in l. 2. Cod. de Sentent. ex periculo. (ut quidam legunt * & recte, vid. Claud. Salmasii Observat. ad Jus Astic. & Roman. contra Desider. Herald. cap. 7. *) recitand. de Judice, qui eligit Sapientem, quod non valeat hoc de necessitate, sed tantum persuasione. Quod in genere de Consilio Sapientis dictum nobis nullum facit negotium.

15. Et quamvis Panormitanus loco allegato huc inclinet, quod Judex ad hoc, ut in dubio cum Peritis Juris conferat, non sit obstrictus, sed simpliciter sequi suum possit Judicium; tamen hoc iterum non adversatur nobis, cum Panormitanus aperte in Jure Communi, & sic in Regula versetur, de qua lis nulla.

16. Allegat etiam Menochium, qui *dicto loco* agit de Judice arbitrario, quem ad Consilium Sapientis non esse obligatum censet; ita tamen, ut, si illud More vel Statuto requiratur, Judex ad illius

illius usum teneatur. Sed hoc ad nostram nihil confert thesin, in qua non agitur de Judice arbitrario, sed ordinario, & quidem agit ille de Consilio tantum Sapientis, non de Sententia Collegio Prudentum ex Lege vel More, & quidem hisce in Regionibus, ex Judicis & Partium postulato (a) concepta.

(a) Quæ non, ut Consilium postulatur, sed ut Sententia inter partes judicialiter publicanda.

17. Et Sebاست. Vantium, qui hoc loco recte distinguit inter Jus Commune & Statutarium. Si de Jure agatur Communi, quod vulgaris opinio locum habeat, de qua Berlichii thema loquitur. Si vero extra Juris Communis terminos fuerimus, ut Judex cum Consilio Sapientis causam decidere debeat, ex forma rescripti Statuti vel Consuetudinis localis, tunc si forma illius servata non fuerit, Processus ipso jure nullus (a) reputari debeat.

(a) Ipsissima Vantii verba dict. loc. num. 152. Quia Statuti verba ad unguem observanda. Et ita neque Vantius nobis adversus.

18. Et tandem Practicum Papiensem; (a) sed qui & ipse rectissime distinguit, ecquid ex sola Partium voluntate, vel Judicis ipsius tantum, Consultor iste sit assumptus, an vero ex necessitate Juris, quia Lex Municipalis dicat, quod ad Partis requisitionem Judex teneatur committere causam consulendam, ut est in pluribus Civitatibus, in quo casu nos hic versamur. Illo loco censet esse Judicis liberum arbitrium, quia non sit adstrictus sequi illius Consilium; hoc vero Jure non valere, si quid egerit, antequam Consilium sit productum, utpote gestum a Judice, qui ligatas manus jam habeat Consilio petito. Atque ita pugna hic inter nos nulla.

(a) In Forma Appellat. à Sentent. definitiv. §. Petens semel &c. num. 5.

CAPUT XIII. Reliqua Paradoxa refutans.

Secundum probat idem de Sententia Johan. Andreæ, quem prætendit hanc questionem enodasse, (a) & pulchre quidem

dem. (b) Quæstionem video, an, dato Consilio, possit illud maturare Judex? quid verò Responsum velit, quia vix tribus hoc constat verbis, non intelligo. (c)

(a) In Addit. ad Speculat. dict. tit. de Requisit. Consil. num. 11. sub lit. X. (non, vers. Similia ut Berlich. citat.)

(b) Miror, hunc Auctorem in Additiunculis ad Speculatorum valdè tenibus, & vix in margine hærentibus toties allegari, ex cuius verbis vix intellectus divinari potest.

(c) Fortè, quod non est cuiusvis, illa tam pulchra, si Dīs placet, perspexisse, nisi Oedipus in Consilium vocari possit.

2. Post additiones textum ipsum Speculatoris adducit, dicentis, (a) quod Judex, posteaquam cum Peritis deliberarit, illud Consilium non teneatur sequi. Quare? argumento ejus, quod dicitur de Tute de Administrat. Tutor. In qua lege? l. quidam decedens. (quæ in emendatiore editione est §. 7. legis s.) ff. de Administrat. Tutor. Sed in hac ne literulam quidem huc facientem investigare quivi, neque, quomodo à Tute analogisto ad Consultorem ratio procedat, intelligo. Quod igitur Speculator nec lege, nec ratione confirmat, credere neceſſe non habeo.

(a) Part. 2. (non lib. 1. part. 1. de Requisit. Consil.

3. Schraderum profert, quem cum nuda sua allegatorum cœteria sine lege & sine ratione loquentem relinquo.

4. Menochius (a) iterum profertur, quod Judex non teneatur sequi Consilium Sapientis. Sed qui ipsemet eod. loc. num. fin. Jus Municipale eximit, de quo nobis quæſtio. Deinde non est nobis negotium cum Consilio Sapientis Italico, sed Saxonico pradicenda Sententia Responſo, ut antè (b) dictum.

(a) Cum quo & Scalæ dimissum volo, donec vel legem, vel rationem protulerint omnes.

(b) Nec adjuvatur Menochius Bartolo ad l. 26. ff. de re judicat. allegato; qui putat quidem Judicem, juxta Consilium ex voluntate Partium obtentum Sententiam ferentem, si illa sit injusta, Syndicatus conveniri posse. Quod licet verum non sit, quia nullis probatur argumentis, ipsemet tamen Bartolis hoc loco fatetur, si Statutum dicat Judicem tale Consilium sequi debere, quod illi parere sine metu Syndicatus queat, & ita nostram mentem probat.

5. Ad

5. Ad Sebastianum Medicem quod attinet, putat ille quidem, quod Sententia, quam Judex ex Consilio profert, si justa non sit, ipsum à Syndicatu non excuset; quia tamen ipsemet hoc limitat, si Partes petant & consentiant in illud Consilium, ut ita pronuncietur, quod in nostro loco moris est indubitati; nihil est, quod à nobis discrepet. Et licet idem paulò post afferat, quod talis Sententia ex Consilio lata non transeat in rem judicatam, quia habito Eminentioris Doctoris Consilio, ut melius veritate inspecta retractari possit, nihil tamen ad probandum afferat, præter auctoritatem Cagnoli, (a) per quam probat idem per idem, hoc est, incertum per æque incertum; cum ipsemet Cagnolus fateatur, hunc articulum disputabilem esse, & à plurimis improbari, & quidem non (b) injuria.

(a) In l. 47. ff. de Regul. Jur. num. 23.

(b) Quamvis enim hæc opinio multis placeat, non tantum ex veterioribus, sed etiam ex recentioribus quibusdam, inter quos Treutlerus volum. 2. disputat. 23. thes. 2. lit. B. ad Jasonem se referens. Quo referuntur Mynsinger. Gail. Ruland. Wesenbecius (qui tamen omnes in specie de Peritis in Artibus, ut sunt: Medicina, Obstetricia, Mechanica, Fabrilis, &c. tantum loquuntur) & alii plures; est tamen illa falsa penitus his in casibus, &, si quid gravius dici potest, absurdissima, quod contra Helfr. Ulric. Hunnium, Resolut. Treutler. volum. 2. disputat. 23. thes. 2. quest. 6. gravissimis probat argumentis Reinhardus Bacchovius dict. disputat. 23. thes. 2. lit. B. & rectissime id ipsum defendit Dn. Berlichius dict. loc. in princ. à num. 1. usque ad 6. & à num. 30. usque ad fin. Et Jasonem satis commode refutavit Brunor. à Sole in Loc. Commun. tit. Sententia, à num. 5. usque ad 23. sed nobis, quoad hanc nostram quæſtionem, Decisio Saxonica sufficit, quam probat & sequitur fermè Germania tota.

6. Allegat tandem Schraderus etiam Bursatum, (a) sed, præterquam quod ille ferè Solis, Speculatoris, Scalæ, Medicis & Menochii jam refutatis se firmat auctoritatibus, certum hoc est ex ipsius contextu, quod in puris versetur Consilii alicujus vulgaris terminis, quod non cogat, sed consulat duntaxat.

(a) Consil. 90. num. 38.

7. Ad tertii & quarti Paradoxi auctoritatem firmandam citat Berlichius Bartolum, (a) quem putat pulchrè tractasse hanc materi-

teriam, qui tamen, hoc tantum dicit; si Judex causam confundendam commisit, quod Commissionem revocare, & Partibus etiam invitis ipsem pronunciare possit. In quo quidem ego parum pulchri video, cum hoc Bartolus dicat tantum, sed non probet. Baldus id ipsum (b) ex Bartolo quidem refert, sed in eo ipsi contradicit & recte quidem, quoad Partes, quod Judici hoc quidem licet etiam Partibus invitis. Verum si necessaria sit Commissione ex forma Statuti, quod tunc Consilii exitum expectare debet. Quid autem hoc ad nostram questionem facit, in qua de Commissione (c) nihil?

(a) *Ad l. 22. de Appellat. num. 1.*

(b) *Ad l. 13. Cod. de Appellat.*

(c) Etsi maximè hoc de Missione ad Sapientem esset intelligendum, de macro Consilio hoc esset capiendum, de quo nobis hic questione nulla.

8. Bartolus allegatur rursus, (a) qui putat, si Judex Commissionem ad Consilium Sapientis, Parte petente, ex Statuto decernat, & ante habitum Consilium pronunciet, quod Sententia quidem teneat, licet per Appellationem rescindi possit. Verum quomodo probat? Non ex hac Lege, quæ de Relationibus ad Principem, non de Transmissione solemani ad Collegium Prudentum, de qua nobis est sermo, loquitur. Probatio igitur hæc est nulla. Et Menochius frustra ad hanc rem allegatur, (b) cum in specie agat ille de Causa vel Judicio, non quovis, sed simpliciter arbitrario tantum, in quo multa sunt singularia. (c)

(a) *Ad l. 1. Cod. de Relation.*

(b) *Dicit. quest. 23. num. 4.*

(c) Quid enim in hoc passu sequendum sit, ex arbitrio Commissi dependet, quod, cum ab arbitrio Judicis dependeat, nisi aliud sit actum, non habet hic Transmiffio ad Prudentes locum.

9. Tandem Schraderum quidem (a) profert, qui, si de vulgaris intelligitur Consilio vel Responso, ad nos non attinet, cum hoc sit indubitatum, si Judex transmittere nolit, quod, nisi Leges vel Mores obstant, Partes eum ad Consilium cogere non possint. Et ideo si Consilium admittere nolit, injuriam nemini facit. De qua

re

re nulla hic controversia, cum alias si Lege vel More Transmissione cauta sit, quod appellare licet, Schraderus ipsem (b) concedit.

(a) *Dicit. loc. num. 40. 63. 64.*

(b) *Dicit. loc. num. 78. item num. 41. 42. 44. 45. 46.*

10. Summa hujus Disputationis omnis huc redit, quod petitum Consilium Sapientis, item Commissione Causæ, vel Relatio ad Superiorem &c. confunduntur cum solemani Transmissione Actorum ad Collegium aliquod publicum Jurisprudentum pro Sententia (a) super Actis concipienda, quæ sit in vim Sententia, vigore Statutorum & Consuetudinum Loci cujusque, ut publicetur, ex consensu Judicis & Partium litigantium destinata.

(a) Non pro Consilio quopiam in controversia causa captando.

11. Consilii Sapientis apud Italos Dd. frequentissimus quidem est usus, sed ita, ut illud non sit necessitatis, (a) sed Judicis Conscientia, prout vistum fuerit, dicatur ita commissum, (b) ut mirum non sit, quod Judex Consilium Sapientis non tantum omittere, sed &, si vistum sit, illud emendare, mutare, vel planè rejicare, atque aliud substituere, vel missionem ad Consilium jam decretam, vel etiam ipso in actu versantem, revocare queat.

(a) Nisi quandoque ex Statuti vigore.

(b) Schrader. *dicit. loc. num. 78.*

12. Qua in causa etiam Commissiones, vel Delegationes versantur, quando Judex Superior causam Litigantium Inferiori cuiquam cognoscendam committit vel delegat, qui Judex Commisarius vel Delegatus dicitur. Quam quo minus pro arbitrio Judex committens revocare, & ipsorum gesta emendare & mutare possit, nihil obstat.

13. Relationis etiam causa longè diversa, quæ est Judicis de Jure inter Litigantes (posteaquam causæ sua Rationes Sententia submisserunt) dubitantis, & Principem vel Superiorem suum consultere volentis, ad illum demissa Consultatio. Quam licet Cujius (a) non male putet esse sublatam, si tamen adhuc usurpetur, (b) Relatoris Officio hoc incumbit, ut, Consultationis Libelum

M

lum Partibus, antequam amandetur, perlegendum (*c*) exhibeat, (*d*) & ne, Relatione pendente, Sententiam Judex ferat, dict. l. 1. princ. Cod. cod. l. 34. princ. vers. non prius. Cod. de Appellat. *Quod tamen limitatur à Lancellot. de Attentat. part. 2. cap. 8. num. 15. nisi Judex Relationem revocaverit; sed hoc an semper fas sit Judicii, meritò dubites.*

(*a*) In Parat. Cod. b. tit. & ad Novell. 125.

(*b*) Est enim hodiè illius frequens in Aulis Principum usus.

(*c*) L. 1. §. fin. & l. 3. Cod. de Relation.

(*d*) Ut, ecquid Narrata sibi constent, & nequid in suum narretur præjudicium, Partes omnia pensiculatius ponderare queant. Lex quidem saluberrima; sed quæ hodiè, proh dolor, ab Aulis & Curiis Principum, aliorumque Superiorum recessit. Hodiè enim cum in causis miserorum Subditorum, querelas ad Magistratus superiores deferentium, Relationes à Præfectis, Decurionibus, & sibiilibus Minoribus postulantur ex Aula Magistratibus: Wann sic sollen / wir es um die Sache beschaffen / Bericht geben; hi, parte supplicante nec visa, nec audita, prout suo sapit palato, Relationes suas in Aulam contra Supplicantem, si faveant alteri parti, referunt, quæ fide censemur dignæ, quidquid narraverit pars leſa. Quod quidem durum satis; sed eo nihil durius, quando miselli super injuria suorum Præfectorum Subditi conqueruntur, quod frequenter hoc in Aulis obtineat, ut ab his ipsis Præfectis & aliis Minoribus Magistratibus, contra quos Supplicantium querelæ motæ sunt, Relationes in causa propria petantur, quasi verò hi contra semetipos essent, quod verum, relaturi. Sed ita mutuo se scabunt, non sine causa, Muli! certissimum lapsæ in Aulis Justitiae monumentum. *Cui fidem faciunt, quæ elegantissimus Politicorum Hispanorum, Didac. Saavedra, in Idea Princip. Christian. Polit. Symbol. 30. §. Experiencia. præclarè differit.*

14. De quibus omnibus causis quæ Jura diversimodè constituta passim à Doctoribus observata sunt, hæc ad hanc nostram Transmissionem minimè omnium sunt extendenda, nec illa cum hujus Juribus confundenda. Quod tamen esse factum appetet ex his, quæ pro Paradoxorum suprà positorum Probationibus sunt ex Doctorum commentis passim excerpta.

15. In quo quidem Dn. Schradero aliiquid ignosci potest, ut pote non ita in Foro frequenter Saxonico versato.

16. Quod

16. Quod autem Dn. Berlichius in Fori Saxonici medio tot Annos versatus Practicus, & Juris atque Morum Saxoniorum peritissimus ex Schradero hæc Paradoxa cum suis allegatis exscripta suis ita crudè & nudè infarsit Conclusionibus, nullis Exceptiōibus limitata, & quidem illis, quibus *Saxoniam Constitutionem* 26. part. 1. (quæ hujus Juris Transmissionis Doctrinæ, de quo hīc agimus, propria sedes est) suis illustravit Commentariis, id verò nescio quomodo excusari queat.

17. Si enim discriminè aliquod inter Juris Communis, vel potius illius Interpretum, placita de Sapientum vulgaribus Consiliis & Responsis vidit ab eis, quæ in Saxonis Facultatibus & Scholasticis de Jure Transmissionis Actorum ad Collegium Jurisprudentum frequentantur diversa. (*a*)

(*a*) Cujusmodi aliquod est ab ipso dict. loc. num. 8. & 9. annotatum.

18. Et hoc videre debuisset, quod illa Doctorum placita circa Doctrinam de vulgari Sapientum Consilio forsitan in Italia & alibi recepta ad hanc nostram de nostro Transmissionis ad Collegia Jurisprudentum solemnis Jure Doctrinam nec extendi, nec quod de illis dictum est, ad hanc nostram indifferenter applicari, multò minus illa cum hoc confundi debuissent.

19. Cum extra omnem dubitationis aleam positum hoc sit, si illa, quæ in hac conclusione traduntur, à Dn. Berlichio, (*a*) ex ipsius placito ad illa Prudentum Responsa, de quibus Divi Augusti Constitutio, quæ in Foro Saxonico, & vicinis frequentatur locis, disponit aliquid, essent accommodanda, &c, quod de illis est in Communi Jure, idem, etiam de hoc Judicium esse deberet; quod saluberrimum & prænobile illud dogma de Transmissione Actorum ad Collegium Prudentum his in locis receptum penitus subversum esset iturum.

(*a*) Num. 12. 26. 27. 28. & 29.

20. Si enim in Judicis arbitrio situm est, ut ipse, si velit, Sententiam ipsem inter partes litigantes ferre, nec ad Transmissionem Actorum invitus cogi possit, adeo, ut, licet ex Transmissione Sententia præsto sit, illam Judex non modo mutare & corri-

gere, sed etiam aliam illi repugnantem ferre, & Acta transmissa, antequam sit concepta Sententia, revocare à Collegio, vel, illis non exspectatis, antequam remissa sint Acta, Sententiam ex suo cerebro, & quidem Partibus invitatis, ferre possit. (a)

(a) Ut ipsissima Dn. Berlichii verba sonant, *dicit locis.*

21. Profecto res eo redibit, & quidem brevi tempore, ut, si alteruter ex Litigantibus Judicem, quod frequenter accidit, suæ causæ propitium, vel Juris imperitum, in suas partes moverit, is Partibus indultum Transmissionis Actorum Jus subterfugiat, & quævis comminiscatur, ut ipsemet Sententiam, sive ex imperitia, sive affectu sinistro alteri non aquam ferat.

22. Ast hæc potissima beneficij hujus, in Foro Saxonico, & vicinis Regionibus inventi causa fuit, ut, licet aliquis coram Judice vel imperito, vel suspecto cogeretur litigare, de eventu tamen Sententiaz, ne per eam, sive propter imperitiam, sive suspicionem laderetur, posset securus esse, cum Sententiam Collegii Prudentum Judicio minimè suspecto sciret esse committendam.

23. Quo beneficio, tam salutari Consilio, & tanta cum Saxo- num prudentia & cura ab antiquis temporibus elaborato, desti- tuerentur omnimodo Litigantes, si hæc Paradoxa in Curiis Saxonis, & vicinis oris applausum essent repertura.

24. Et quorsum conducet, Litigantes esse tam curiosos in Actorum Transmissione, ne Rotulo quidpiam desit, vel supersit, ne mittantur Acta ad Collegium suspectum, ne quid in Epistola sinistri sit scriptum? Quorsum tot Sumtus in Transmissionem Acto- rum, eorundemque Remissionem impendendi, si Judici interim Responsum illud Jurisprudentum vel comparandum, vel jam com- paratum retractare, mutare, corrigere, vel prorsus abrogare, tol- lere, rescindere & irritum facere licebit?

25. Neque vero pro hisce Paradoxis stabiendiis ad Joh. An- dream, Speculatorem, Bartolum, Baldum, Panormitanum, An- gelum; imò nec ad Menochium, Papiensem, Vantium, Asinium, Medicem, Scalam, Lancellottum, vel ad ipsum Schraderum pro- fugisse quidpiam profuerit, quippe qui omnes rem tractant à nostra

nostra Transmissione solemni diversam, & vel nulla, vel non magna Juris, Styli, & Moris Saxonici scientia fuerunt imbuti; sed ad Chilianos, Wesenbecios, Pistorios, Reinhartos, ad Schneidewinum, Godenum, Clingum, Rotschützum, Zobelium, Fachsium, Goltsteinum, Beustium, Dan. Mollerum, Colerum, Pingizerum, Pantschmannum, Heigum, Zangerum, Rauchbarum, Termineum, Scul- tetum, & aliorum Juris & Moris Saxonici peritissimorum Com- mentaria decurrisse opera pretium fuisset, verum de quibus altis- sum hic est apud hunc hac in causa silentium!


26. Mislis igitur illis Paradoxis in harum Regionum, in primis Saxoniarum, Aulis, Curiis & Judiciis penitus inauditis, contra- rium est statuendum, videlicet, quod Judex, Partium litigantium una vel alterutra postulante, Acta ad Collegium aliquod Jurisprudentum pro Sententia concipienda ut transmitti curet, cogi vel in- vitus possit; quod item Responsum ex Collegio Jurisprudentum reportatum, Partium utraque vel alterutra postulante, pro Sen- tentia publicare integrum ita cogi possit, ut ipsi ne unicam quidem in illa per Responsum concepta Sententia Literulam mutare, emen- dare, vel corrigere, parte saltim alterutra non consentiente, vel nesciente, possit.

27. Tantum abest, ut, illa Prudentum Sententia spreta, aliam ab illa disformem ferre, vel Acta jam transmissa, antequam Sen- tentia esset concepta, vel revocare, vel, non exspectato Responso, aliam Sententiam ferre Partibus invitatis possit.

28. Non modo, quod Partibus indultum hoc à Jure & More Saxonico Transmissionis Actorum Beneficium, & Jus per hoc, sive jam quæsum, sive querendum, non sit sine suo facto ipsis aufe- rendum; sed etiam, quod omnis ille Judicis in hoc Foro conatus à Responsi Sententia discrepans, in emendando, corrigendo, mu- tando, abrogando quovis modo susceptus, sit ipso jure nullus, ne- dum per Appellationem infringendus, &c. *Ego heīc valde hæreo, plurimumque vereor, ne limitatione Hieronymi Schurpfii, maxi- mè in Criminalibus, ubi Vita & Fortuna Hominis periclitantur, non nihil temperandum sit Auctoris effatum; nisi scilicet Sententia

Condemnatoria evidentem & indubitatam contineat iniquitatem, aut palpabili errore facti labore, centur. 1. confil. 29. num. 2. conf. Brunneman. Process. Civil. cap. 27. num. 11. An enim id, quod favori eorum, quorum causæ in Judicio tractantur, indultum fatetur Auctor, usque adeò in eorundem odium detorqueamus, ut potius Auctoritatem Responsorum utcunque illibatam servari, quam contra eam Vitæ ac Saluti innocentis tranquilliore Conscientia consulere velimus? Cùm præsertim in Criminalibus Appellationem totius Germaniæ Consuetudo respuat, teste Mynsingero, centur. 4. ob-servat. 41. Carpzovio, Prax. Criminal. part. 3. quæst. 139. Nec est, quod hec objicias, ejusmodi errorem de celebri JCtorum Collegio non esse præsumendum. Non enim, quæ non præsumuntur, statim etiam impossibilia sunt, in primis, cùm fatente iterum Auctore, haud raro contingat, ut totum Collegium, præsertim multitudine Actorum obrutum, unius Referentis fidem & Sententiam sequatur. Jam si is talis sit, qui vel aliis Curis districtus, tædiove electionis offensus Actis prolixioribus tumultuariè perlustratis præcipua rerum momenta incuriâ transmittat, vel nuper, non tam merito suo, quam, ut Metelli Romæ, fato, aut potentioris cujusdam suffragio in Collegium adscitus ad hanc Spartam defendendam perinde aptus sit, ac Afinus ad Lyram; an adhuc casum, quem veremur, evenire posse dubites? Quid ergo tum Judici faciendum esse dicemus? An ipsi permittemus licentiam pro suo arbitrio & captu Responsum corrigendi, eidemque contrariam ferendi Sententiam? Atqui hoc ipsum etiam periculo non caret, ne sàpè cerebrinæ æquitati suæ nimium is confidat, aut corruptis affectibus hunc præferat colorem. Adde, quod nec per Sanctionem Carolinam id ipsi fas sit. Quare ut & Legi sua constet Auctoritas, & simul Conscientiæ Judicis Partisque Innocentiae hoc casu prospiciatur, nihil, meo quidem judicio, esse poterit consultius, quam ut Judex eadem Acta cum priore Responso ad aliud Collegium Juridicum transmittat, errorem deprehensum in Literis designet, ejus Examen solidius, Actorumque diligenter inspectionem sollicitet, seque alio Responso instrui, aut erroris sui convinci petat.*

APPEN-



APPENDIX.

Ad
Lectorem Benignum.

Cum Officinæ Typographicæ jam esset commissus hic Commentarius, forte fortuna aliud quærens in Parthenio Litigioso, cuius Auctorem se singit Ventura de Valentiis, Jurisconsultus Veronensis, Sacri Palatii Comes, Eques Auratus, Civis Romanus, (& plus, si velles!) incidi in ejus cap. 11. lib. 1. num. 19. seqq. cum tribus, in quo morem hunc Acta transmittendi non leviter carpit, imò penitus exterminatum cupit; sed rationibus ejusmodi motus, quæ tanti ponderis non sunt, ut Jureconsulto, Veronense, Comite, Equite, vel etiam Romano Cive videantur dignæ. Unde inquit, miramur receptissimum Germania morem transmittendi Acta ad Academias plerunque remotores, ubi aut Jura Provincialia ignorant, aut Stylum Curia nesciunt, aut Qualitates Personarum, & alias Circumstantias parum ponderant, ita, ut sepius Sententia Litium ridicule, contraria, nulla, & quoad Executionem impossibile reportentur.

2. Acceptamus primò, quod Morem hunc Germania testatur receptissimum, quanquam non præcisè restrictus sit ad Academias, aut rectius Collegia Facultatum Juridicarum in Academiis, cùm Acta etiam ad Scabinatus quarundam Civitatum, quæ hoc à Principe suo Privilegium habent, ut Lipsia, Coburgum, Halla, imò interdum etiam ad Aulas & Dicasteria Provinciarum transmitti Moris æque sit recepti: die Höfe / Ober-Hof-Gerichte.

3. Causa

3. Causa reprehendendi non est generalis, ad omnes Transmissiones pertinens; sed specialis tantum ad illas, quae sunt à Judice Acta ad Academias transmittente nimis remotæ.

4. Verum si aliam non habuit Reprehensor causam, non modo temerè, sed etiam calumniosè id in genere primum carpit, quod postea ad certam speciem restringit. Falsum enim hoc est, quod vocem, plenumque, addit, quasi Judices hoc studiosè agant, & Partes, ut non, nisi ad remotiores Academias, Acta transmittant; cum Judex Præcepti Carolini in *Criminal. Sanction. artic. fin.* memor semper eo Transmissionis negotium dirigat, ut ad id, quod proximius est Collegium, & unde paucioribus impensis Responsa redimi possint, Remissio decernatur.

5. Quod autem quandoque remotius Collegium queritur, id sit per accidens, quando propinquiora à Partibus redarguantur suspecta, vel, si quod Collegium remotius alterutra pars sibi confidens pollicetur. Quod tamen non aliter admittit Judex, parte altera reclamante, nisi, qui remotius petet, solus impensis sustineat in remoto locum faciendas.

6. Sed audiamus, quid sit causæ, cur in Actis transmittendis locus non admittatur remotior? quia in remotioribus, inquit Comes, *Zocis Jura Provincialia ignorant;* *Stylum Curie nesciunt;* *Qualitates Personarum,* & alias Circumstantias parum ponderare. Sit sanè, quod Collegio Jurisconsultorum, quod est Ingolstadii, Freiburgi, Tubingæ, Heidelbergæ, Argentinae, Altorfii, &c. Peculiaria Saxonum, Thuringorum, Misnicorum, Jura per se cognita non sint. Ast hinc consequens hoc non est, quod in controversia, quæ transmittitur, Jurisprudentes ex Actis horum omnium notitiam possint habere nullam, vel illa parum ponderent. Judices enim & Litigantes, quia Acta Judicaria volant ad decidendum alio transmitti, adeò non sunt oscillantes, ut, quod illi remotiores harum rerum, à quibus longissimè absunt, gnari non sint, nesciant.

7. Sed ne fraudi hoc sit sibi, sua Jura, Stylum suum, Qualitates Personarum, & alias Circumstantias, circa quas movetur Controversia, ex sui Judicij Scriniis curiosè & solicite ad Acta producunt, Exemplaribus ex authentico deponit, &, si sit opus, Testibus atque Testimoniorum explanant, & ad satietatem usque demonstrant; imò Consulentis in Literis suis, quas cum Actis transmittunt, hæc Jura, hunc Stylum, has Qualitates & Circumstantias, quas à Consultoribus ponderari volunt in concipienda Sententia (daz sie sollen nach Sachsen.

Sachsen = Recht / nach dem Stadt-Recht oder Gewohnheit sprechen) solicite admonent & inculcant, ut ignorantia seduci Consultores nequeant.

8. Calumniosum igitur hoc est, quod Comes Jurisprudentibus exprobrat, quasi hæc parum ponderent; id quod nemo Vir bonus, bonis Viris, qui secundum acta & probata, & quidem ex fide jurata, Jus dicunt, imputare sine summa potest impudentia.

9. Quæ planè est intolerabilis in eo, quod porrò blaterat; quasi ex hac Transmissione ad remotiores Sententiae litium ridiculae, contrariae, nullæ, & ad Executionem impossibilis reportentur; & quidem ita, ut hoc non aliquando, vel semel atque iterum, sed ut hoc saepius factum sit, & fiat hucusque. Ne quid nimis, Domine! Calumniæ sunt haec scurriles & impudentissimæ, sive sint à Comite Palatino, sive Equite Aurato, sive & Cive Romano projectæ. Producenda ex omnibus erat vel unica Sententia sic à remotioribus Academiis reportata; sed Nullus & Nemo mordent se in Sacco.

10. Interim tamen ut aliquid dixisse videatur, hoc argumento tititur; Omnia scire Divinitatis est, ipse Pontifex fatetur, se ignorare Jura particularia; ergo non mirum, quod ipsi etiam Academiarum Professores Jurium Peritissimi plerumque ignorant Jura Statutaria, quibus relictis secundum Legum Civilium Formam judicant.

11. Antecedens loquitur de his, qui particularis alicujus Juris Scientia non sunt instructi. Ast hoc pueriliter & ineptissimè exten-ditur in consequente ad Jurisprudentes illos, qui de Jure quopiam particulari, de Stylo Curiae, de Circumstantiis controversis Causæ sunt ex Actis sibi in aliqua controversia dijudicanda transmissis abundè satis certiores facti.

12. Ut autem glaucoma objiciat Lectori, provocat ad Vantium, Tilemannum, Paurneisterum, & Cothmannum. Videamus, quid tanto dignum proferat promissor hiatu! Vantius dicto loco (quem inepte allegat; cùm rubricam de *Defectu Jurisdictionis* in genere citat, quasi unam; quæ tamen duæ; & citat cap. 19. cum Rubrica non in Capita, sed Numeros sint distinctæ) Rotæ Romanæ Conclusiones dicit Magistralis, & communem opinionem facientes. Tilemannus loco citato (quem iterum inepte per cap. cum sit thes.) contrarium scribit, quod Rotæ sapè rotet; hoc est, erret, & alios errare faciat, subjicit tamen, quod illius Decisiones perhibeat esse Magistralis Vantius, qui recte à Tilemanno allegatur, de Nullitat. ex *Defect. Juridict. delegat.* num. 19.

13. Sed quid faciunt hæc ad rem nostram? Nostri in Foro Saxonico & aliis huic finitimi hasce Decisiones ex Facultatibus Juridicis & Scabinatibus, quas nach gehabtem (potius eingeholtem) Rath der Rechts-Geschriften / promulgare solent, neque Magistralis, neque Doctorales jactitant; sed illas pro Sententiis cum Litigantium Consensu habent, non secus, ac si ipsimet eas conceperint. Quid hic peccatum? Cum fiat hoc Jure & More Saxonico jubente, & Litigantium utraque parte volente; quibus Decisionem suæ Controversiæ etiam Privatis & Idiotis, tanquam Arbitris, committere licuisset.

14. Paurmeisterus *allegato loco* ex Renato Chopino hoc tantum recenset, quod Cives, et si omnes Quiritum Leges teneant, si in Consuetudine Regionis suæ peregrini sint, in Litibus disceptandis tanquam in Sole caligare putentur. Cothmannus, vel potius in Consiliis Domini Cothmanni Facultas Juridica Jenensis dicit. loc. habet hoc, quod Statuta vel Consuetudines singulares Provinciæ vel Civitatis tollant non modo Jus Commune, sed etiam penitus omnibus aliorum Locorum Legibus derogant. Sed quis hæc oppugnat, & quis contradicit? Nam & hoc omnes Academiciæ, sive remotiores, sive propinquiores afferunt.

15. *Extra Chorum saltat Eques*, quando Franciscum Pfeilium reprehendit, qui afferat: in Circulo Saxonie Jus Saxonum observari. Quod falsum esse arguit ex eo, quia Marchia & Pomerania sint in Circulo Saxonie, quæ tamen Jus illud non attendant.

16. Locum in Consilio Pfeilii allegatum inspicere non licuit. Sed hoc mihi non videtur verisimile; siquidem de Circulo Saxonie hoc dixit Jurisconsultus in Foro & Jure Saxonico versatissimus, non quod Circulos Saxonicos duos, quomodo illos Recessus Imperii dimensi sint, intellexerit, sed potius vulgari More illum designarit, in quo Saxonica Jura observari solent, uti sunt Ducum Saxonie Ditiones, & Archi-Episcopales Magdeburgæ cum Anhaltino Principatu Dioeceses. Quidquid sit, et si maximè in hoc aberrarit Ingolstadiense Collegium, quid hoc ad Jus Transmissionis attinet, cum Judex & Litigantes hoc sibi imputare debeant, si de Jure Statutario, de quo controvertitur, Consultores suos non rectè instruxerint.

17. Interdum Sententia publicantur, inquit idem, ad Sententiam Peritorum, omnis Judicis competentis nomine, wann man die Belehrung selbst an statt des Urtheils eröffnet / qua nunquam transeant in Rem judicatam, sed ad Consultationem Peritorum retractari possint, & ita Lites ex Litibus veniant.

18. Sed

18. Sed quomodo probatur illud? Ita dixit, inquit Hippolyt de Marsil. (quem allegat Comes) Dom. Anton. quod dictum pro notabilis & mirabili refert & sequitur Dn. Alexander, qui multum exclamat illud. Quod sequitur etiam Ludov. Romanus, de quo latius per Jasonem, qui hoc dictum multum exclamat, &c. Egregia probatio! Si per multas Exclamationes dicti alicujus, à quopiam Doctore ex suo cerebro prolati, Probationes confici possent, cuivis More Stentoreo exclamanti quidvis probare difficile non esset. Quia autem non per Exclamationes, sed per Leges & Mores expedire licet Probationes; hanc thesin neque ullo Jure probatam Equiti remittimus exclamandam, quamdiu volupte fuerit, cum possimus eo contenti vivere, quod non modo per universalem totius Germaniæ Consuetudinem hoc Jure utamur, ut hujusmodi per Actorum Transmissionem ad Collegia Jurisprudentum imperatae Decisiones, si sint à Judice competente suo nomine & cum Litigantium Consensu in vim Sententiae in Judicio publicatae, & revera Sententiae sint, & maneant, si lapsu temporis rei judicatae vim sint adeptæ; sed etiam Div. Augustus, Serenissimus Princeps Elector Saxonie & Saxonie Juris Interpres, sua Constitutione illis vim & robur indiderit Sententiis, etiamsi non aliis profrantur verbis, quam quibus à Collegio sunt conceptæ, & epistolice transmissæ. Cum enim huic Sententiae competentis Judicis Nomen, qui Acta transmisit, à frontispicio præscriptum sit, & ipse pro Tribunalis sedeat, quando suo Nominis publicatur illa, ut est à Collegio transmissa; quid obstat, cur hæc Sententia in vim Sententiae in Judicio Publico, præsentę, & pro Tribunalis sedente Judice, promulgata, non sit Sententiae nomine, virtute, & efficacia censenda? Ne dicam, quod Doctorum quorundam hæc de Retractione ad Consultationem Peritorum, quasi Febricitantium Somnia, sint à faniore Doctorum parte fortissimis Rationibus dilucidissimè refutata, ut in hoc meo demonstratum Commentariolo.

19. Pergit Comes Reprehensor: Ad hoc, ut Sententia valeat, is, qui judicat, Jurisdictionem, vel saltim notionem, habere debet: *At ejusmodi Informantes, oder Rechts-Geschriften / non habent Jurisdictionem:* Ergo. Puerile hoc est & leviculum objectum, Comite Palatino profecto indignum. Quis unquam informantibus his Jurisdictionem tribuit, & quid illa ipsis in hac causa opus erit, cum illi non judicent, multò minus inter Litigantes Sententiam ferant, sed tantum rogatu Judicis permotæ formam Sententiae concipient, eamque Judicis pro sui Informatione, quam petiverat, remittant? Judex est, &

Partes, qui hanc Informationem sibi pro Sententia eligunt, & ritè illam dicunt.

20. Sed nondum satis est ineptiarum: *Interdum, inquit, transmittentibus informantes, quam non habent, Jurisdictionem adimunt, ut accidit Electori Colonensi in Sachen Hildesheim contra Rauscheplatens: dñs Syndicus für ihme zu stehen nicht schuldig. Quid absurdius, sibi ipsi Jurisdictionem adimere?* *Fatius, qui contra se ipsum judicat.* R. Non quidem sum nescius illius litigii, quod Civitati Hildesheim cum Nobili Rauscheplatens intercessit ante Annos plus minus quadraginta. Quid autem in illo coram Episcopo Hildesheimo (qui etiam Archi-Episcopus Coloniensis tunc erat) sit actum, & ecquid, aut quonam Acta sint ad Decisionem transmissa, mihi quidem non constat.

21. Sed casu posito, quod Syndicus fuerit ab Instantia à Collegio quopiaam, cui Acta erant ad decidendum transmissa, absolutus: hoc cine tam est absurdum, ut nihil absurdius esse, vel dici potuerit? *Inconsideratè hoc, ne quid dicam gravius, à Comite dictum.* Quid enim si Syndicus iste Judicium illud declinaverit, exceptione usus declinatoria Judicij vel Fori, quam probaverit? Certè Exceptiones aliquæ hujus generis sunt à Jure probatae, inter quas sunt illæ, quæ vocantur Incompetentiae, vel Præscriptiones Fori. De his igitur una vel altera si Controversia mota fuerit, per Sententiam illa dirimenda fuit. Si igitur Acta fuerint transmissa ad Collegium aliquod Juridicum, quod viderit Exceptionem Incompetentiae probatam à Syndico, nonne ipsum ab Instantia potuit, imò debuit, absolvisse? Et, si Sententiam conceperet Judex ipsem, profecto, si boni Viri Officio fungi, & secundum Leges & Mores ferre Sententiam voluisset, aliter pronunciare non potuisset, certè non debuisset. Judex enim hic ita Sententiam ferens sibi ipsi Jurisdictionem non ademit, quia nullam in Syndicū habuit, sed quam Jure non poterat obtinere, sibi contra Jus tribuere, & alii adimere noluit. Si enim Syndico hoc Incompetentiae Beneficiū à Jure tributum ademisset Judex, & contra Juris dictamen illum coram se stare jussisset, absurdissimus omnium fuisset, & iniuriosus. Fatuum esse Judicem, qui contra se ipsum judicet, ubi, quæso, scriptum illud, vel dictum fuit? Knichen laudat Comes, sed ille dicto loco ne Literulam quidem in hunc sensum habet. Laudat Baldum; sed hic loco citato hoc tantum dicit, quasi fatuus sit, qui contra se loquitur. De Judice hīc Baldo non est sermo; multòminus de eo, qui judicat, sed de quovis, qui contra se loquitur, hoc est, sibi contradicit. Judex hic Coloniensis, quia vidit, Syndicū hac in causa sibi

sibi subditū non fuisse, non modo contra se non est locutus, sed Officio Judicis boni est functus, & non aliter judicavit, quam Legibus, aut Constitutionibus, aut Moribus proditum fuit; id quod Justinianus in *Institut. de Offic. Judic. in princ. jussit.* Et hoc qui Judex fecit, non fatui, sed prudentissimi, æquissimi & justissimi Judicis Officio functus fuit.

22. Tandem concludit ita Comes: *Parcè igitur, à Litigatores, Actorum Transmissiones rogare, Sumtibus parcere, & aut vicinioribus, aut majoris certitudinis causa ad revidendum transmitti curate an die Ober-Höfe.* R. Ut Sumtibus parcant Litigatores, admonitione Comitis ipsis opus non est, cum absque Monitore ad hoc proclivis sit unusquisque. Et, ubi obtinet id, ut Judex Acta non transmittat, nisi à Litigatoribus rogetur, sed ipsemet Sententiam dicat, & hic opus Monitore non est: cum hoc sumtuosum Sententiae comparanda remedium nemo facile expectare soleat, nisi sibi à Judice suspecto metuat, ut hoc periculum hactenus evitare queat. Sed ubi per Mores vel Statuta hoc obtinet, ut Judex ipsemet Sententiam ferat nullam, sed illam Collegio Jurisprudentum committat, frustrà Comes exclamat.

23. Eadem est vicinæ ratio, quod nemo Litigatorum ad remotiora atque etiam Collegia, si sit in propinquuo illorum, quæ sibi suspecta non sint, copia. Verum qua cautela non obtinuerit Comes illud, quod ipsum in tam magnam abripuit admirationem, cum in vicinioribus Academiis, et si forte non adeò magnus, non multo tamen minor metus substet, ne ob ignorantiam Statutorum, Styli Curiae, & Circumstantiarum cujusque loci, ubi causa controvertitur, non æquè culpabiles reportentur Sententiae, quam si Judex ipsemet Sententiam in loco Judicij tulisset. Nam si vel duobus aut tribus (ne dicam de 5. 10. 15. vel pluribus) absint Consulentes à Collegio Jurisprudentum Millariibus, hi, quid isthic locorum, unde mittuntur Acta, Moris, Styli & Circumstantiarum obversetur, æque nescii solent esse, atque, si longinquius abessent. Si igitur vicinorum ignorantiae succurri potest, quando Judex & Partes, Juris, Styli, & Circumstantiarum sui loci peculiarium, in quibus cause controversæ momenta ponderari debent, certiores facere possunt suos Consultores, cur non idem etiam in remotioribus æquè fieri posset, si remodiis uterentur eisdem.

24. Quod autem hoc in animum sibi induxit Comes, quasi longè consultius fiat, si præteritis Jurisprudentum Collegiis ad cujusque Judicij Judicem Superiorem Acta transmittantur, id quod non monet

Treutlerus, quasi hoc melius sit, si fiat, ut Comes autumat; sed tantum Mores quorundam Locorum, qui in Silesia, Lusatia & Bohemia recepti sunt, recenset; id verò (ne dicam, quod hoc ad titulum de Relationibus referendum, qui multum à Transmissione ad Jurisprudentes discrepat, ut Treutlerus ipsemet *loca citato* docet) hoc incommodi secum portat, ut Parti alterutri, quæ succumbit, periculosem faciat vel planè frustraneum Appellationis remedium, si isthuc uti suarum rerum conditio flagitet; quod tunc ad eundem Judicem, qui majoris certitudinis causa inferioris Judicis Sententiam revideat, est, & sic ab eodem ad eundem provocando, dirigendum. Quæ ratio est, cur ex Doctoribus non pauci cautelam hanc in diligendo, ad quod transmittantur Acta, Jurisprudentum Collegio observandam moneant, ne illud seligatur Collegium, ad quod, utpote Judicem Superiorem, postea illi, qui succubuerit, sit provocandum, adeo, ut Comes in Scyllam Litigatores præcipiter, qui Charybdis evitare cupiebat, cum metuendum sit, ne Superior Judex in illa post Provocationem Sententia permaneat, quam in priore tulerat Instantia. Non igitur Treutlerus hoc utilissimum tractandarum Controversiarum; in quem sensum ad hunc Comes perperam provocat, remedium admorsit, sed illinc ad Superiorem Judicem Causæ Relationis modum, aliquibus in locis usitatum, ab hoc, de quo hic agimus, cum Acta mittuntur ad alios, qui non sunt mittentis Superiores, wahr man sich eines Urtheils belehren läßt/ discrimen ostendere voluit. Quas Comitis Admorsimculas, re ipsa quidem leviculas, sed impudentissimis verborum contumeliosorum conviciis evibratas, pro defensando hoc Juris utilissimo Remedio, ne forsitan incautior alius offendetur, refutare consultum fuit

visum.

FINIS.

